

雪交亭

正氣錄

四明張氏鈞園開雕

雪交亭正氣錄校列

一續甬上著舊詩全謝山所撰高武部傳曰晚年輯雪交亭正氣錄十六卷而鮎埼亭外編及各鈔本謝山序言均作雪交亭集十二卷今十六卷本既不可得而名稱仍定爲正氣錄以從其朔

一鈔本均十二卷不敢校補惟歲紀之中序言有鈔本所無及所略而續著舊詩所有及所詳者均爲補之一分卷均從鈔本次第卷九壬辰紀有目無書今亦仍之

雪交亭正氣錄校列

約園刊本

一文字之譌人名地名之誤凡可校正者均一一糾正之至其脫文缺簡爲原書不及補者均仍之以存其真

一事之同異傳聞異辭野史往往如此今悉從原書其有從他書校證者均加按語別註於下

一空行脫句均仍舊貫不敢縮奪

一原鈔眉端所註有陳詠橋徵君語有張澗石語均一

一照錄但易書楣小字爲低一格大字註焉

一原鈔有何樹崙附註今仍其舊

一原鈔本有增句者以有關事蹟仍皆納入惟如原書均稱烈宗而增句作烈皇帝或毅宗仍改稱烈宗增句中有崇禎某年某某進士字樣仍將崇禎某年刪去以歸一律

一原鈔本有硃筆題書端者當是何氏校他書者或後人校者無從查攷統名附註用小字註於各傳事蹟之下

一斯錄

貞羣壽鏞

一再校勘又得李君續川張君冷僧

同爲細斟酌是有益悉皆甄錄顧廬山面目久已因

雪交李正氣錄

校例

一

明藏書

約圖刊本

後人之增改而失其真武部原書或以爲未完之稿茲抱闕文之意不敢爲補亡之文閱者亮之

序

前武部高公槃菴雪交亭集十二卷桑海閒著述也自甲申以後分年爲紀至於癸巳而止又有特紀附紀凡忠臣義士烈婦皆有小傳并錄其人詩文之有關大節者而一時哀輓之作有關其人者亦預焉雪交亭者前閣部張公鯤淵之寓亭在翁洲其左爲梅其右爲黎每歲花開連枝接葉如雪閣部正命亭亦圯而浙東亡國大夫瞻念不置故姚江黃都御史黎洲以名其亭於姚之黃竹浦武部以名其亭於鄞之萬竹嶼中武部生平

卷之三 雪交亭

一 四明叢書
一 約園刊本

著述極多其詩古文詞爲肘柳集其三度獄中得琴法於華公嘿農爲琴譜而所攷證鄉里故事爲敬止錄敬止錄部帙尤巨今聞氏所作鄞志辨黃公林辨大禹廟皆本於武部顧藏於家無副本盡蝕於蠹琴譜亦不傳獨肘柳集尙無恙而雪交亭集手稿在陸先生春明家雖高氏亦不知有是集也雍正戊申予求故國遺事從陸氏得之爲之狂喜其後奔走京洛者十年乾隆戊午乃招武部之孫石華觀之石華肅拜手澤摩挲百遍潸然涕下因請鈔所有肘柳集見遺以易鈔此集予曰諾

然石華年已八十兩手不仁家貧甚不能蓄寫官雖有此約未及踐也而石華亦卒其子以大故無暇及此又不肯出其書將來肘柳集之得傳與否尙未可定則是集也武部之婆心碧血所成其可不廣鈔以傳之哉武部之大節讀是集者如將遇之願所紀止於癸巳其後如滇中死事諸公海上從亡諸公尙多武部卒於康熙初年當必有續集而今不可得見矣嗚呼故國喬木日以陵夷而遺文與之俱剝落徵文徵獻將於何所此予之所以累晞長歎而不能自己也同里後學全祖望撰

陳詠橋曰辨黃公林大禹廟見宋袁質甫甕牖閒評不始於高武部敬止錄有傳鈔本想係後出

序

高隱學雪交亭正氣錄十二卷爲明季死難諸烈作也
分年爲紀自甲申迄癸巳爲紀八其紀壬辰書闕有閒
凡任事尤著志不克竟者列之特紀其人晦而復明者
列之附紀傳三百七十一人閒采其詩文及哀輓之作
雖婦女方外靡不傳之用以愧夫苟生者願傳聞異辭
如王章傳記光給諫之類要其顯微闡幽實爲一代忠
義所託命足補史乘之闕雪交亭者張公肯堂翁洲寓
亭之名也張公闔門殉國亭亦隨圮隱學瞻念故國取

雪交亭正氣錄

一
約園刊本

以名其亭於鄞之萬竹嶼中因署此錄也予旣獲何氏
樹崙寫本讀而喜之譌奪錯簡觸目卽是因與馮君孟
顛共爲讎校補目於首亟刊布之此本爲隱學未定之
稿卽其書名復多不同鮎埼亭文集何樹崙本並題雪
交亭集勢數鈔本明季紀事
劉世瑗徵訪明季遺
書目並題雪交亭錄獨續甬上耆舊詩作雪交亭正氣
錄十六卷謝山曾見手稿故今從之佚卷脫簡均仍其
舊隱學自序題歲丁未距其歿歷二十有四年厥後滇
甲海上諸死事者亦當在甄錄之列謝山原編十六卷
者今已闕其四而所謂必有續集者更無從訪求矣嗚

呼有明之亡將三百載諷誦斯錄想志士仁人人難
百折蹈死如飴焉節義之在天壤斯正氣之長存也今
夫天下不可無氣節氣節用事而天下衰故氣節之用
在於無形至於有形而氣節衰矣此明之所以亡也校
刊既竟用著數言以質夫有世道之憂者民國二十三
年六月後學張壽鏞序

自序

以上原闕起兵夫大臣世戚義與位副復何庸言予正取夫

可規避就而不規□□□而不計者於冥頑域中孤行

一意百人愚之能無一人憐之乎十人憐之能無一人

愧之乎得憐且愧者十百於億萬人之中人心所繇而

不泯故曰一脈張不可謂絕一目存不可謂亂一夫立

志不可謂土崩此之謂也或又曰歐陽公之於死事死

節也斤斤焉別之且有死而不之予也今之死者寧獨

無閒乎雖然死則有閒矣其爲明而死則一也曷不觀

事本正集錄 自序

一 禮制叢書
約園刊本

夫背明而生者爲何如而烏得不亟予之哉抑亦有不

忘明而存者尙得附於鉉翁所南之義況乎以身殉之

也故所貴於王莽之世者龔勝劉崇之死是也其趙明

霍鴻馬適求者流行事不概見班史標之以男子紫陽

子之爲豪傑矣文山當日僚將賓佐從死者六十人鄧

光薦所紀者亦猶是也予也悉其事者詳之否則闕焉

以俟補然每敘一人寧止觸予故痛哉嗚呼愧矣乙未

春日隘夫□□□鈞駟閣

校訂雪交亭正氣錄目次

全祖望序

自序

卷一

甲申紀

范景文二子

附錄 范氏弔方先生墓詩

倪元璐

附錄 倪氏初第同門集重五詩

李邦華

施邦耀

王家彥

孟兆祥子章明 妻媳

馬世奇妾朱氏 李氏

劉理順妻萬氏 妾李氏

附錄 劉氏自贊辭

汪 偉妻耿氏 周鳳翔二妾

凌義渠

吳麟徵

附錄 吳氏遺囑

申佳胤

陳良謨妾時氏

王 章妻葛氏

許 直

附錄 許氏絕句 臨終歌

李邦華

一四明叢書
約園刊本

陳純德

吳甘來

成

德 母張氏妻
口氏妹某

金 鉉

母章氏妻
王氏弟銖

李國楨

劉文炳

弟文耀
叔繼祖

張慶臻

鞏永固

女某

湯文瓊

王德化

王之臣

俞志虞

顧 鉉

徐有聲

朱純臣

顧肇迹

薛 濂

徐錫登

郭培民

宋裕德

鄧又明

孫惟藩

楊崇猷

衛時春

吳遵周

王先通

續書正集

總目

二 通明藏書

約圖刊本

張光祖

方履泰

妻口氏

李鳳用

高時朋

褚憲章

方正化

張國元

徐允禎

鄭之俊

子某

彭 瑄

劉養貞

宋天顯

王鍾彥

劉有澗

施 溥

李若璉

高 采

申湛然

徐 燦

藺之垣

李國賢

妻口氏

沈青藜

張世禧

子懋賞
懋官

通州童生

周童生

東江米菴畫士夫婦

武懷僕

魏學濂僕

孔四

費氏

魏氏

吳奎妻張氏

王氏

姑口氏

余之瑤

尹熙妻

張氏

吳信妻王氏

金毓峒

妻王氏

衛景瑗

朱之馮

徐標

蔡懋德

朱廷煥

合家死

方文耀

彭士弘

周遇吉

妻劉氏

張羅彥

妾宋氏錢氏子晉女

張羅俊

弟羅善羅輔子仲

殷淵

楊祥麟王明

張履旋

劉永昌

許琰

靈李正氣錄

總目

三國明藏書
約圖刊本

附錄 許氏臨絕口授詩

卷二

乙酉紀

凌駟

姪潤生

附錄 凌氏遺豫王書 題白箭衣詩四首

玄性題內衣詩二首

左懋第

僧祖心

附錄 左氏弔文山疊山詞 讀列仙傳有感

仍用前調詞 姜採詩

劉洪啓 史可法

附錄 史氏上太夫人書 遺夫人書 遺叔

伯兄弟書 付史得威絕筆 初上弘光帝疏

吳爾壖 任民育 張伯鯨

許德博

附錄 許氏絕命歌 臨刑詩

王士琇 弟士瑞 士珍 高孝纘 兄孝誌 饒餘

馬純仁

附錄 馬氏自銘

雪亭正集 總目

四書明義 約園刊本

謝一魯 高倬 張捷

楊維垣 黃端伯 僕某

附錄 黃氏臨刑詩

王台輔 吳嘉胤 龔廷祥

韓贊周 黃金璽 彭性述 合家死

吳可基

附錄 吳氏題衣詩

潘履素 陳士達 徐搏

湯士鼂 歐敬竹 石仲祥

陳用卿

詹承祖

子世祿

吳應箕 二委

邱德祖

麻三衡

附錄 麻氏遺詩

金聲

附錄 金氏過山溪有感留題石亭詩

江天一

附錄 江氏和金先生詩 赴金陵過蕪湖宿

閔無作館詩 題驛一聯

王世德

程子皮

方國煥

雲華正集

總目

五十四卷

附錄 方氏題壁詩

洪二魁

項千里

江秋漢
余公讀

溫璜

馬嘉

附錄 馬氏題詩

垂髻和尚

僧玄珠玄
規雲白

僧景賢

黃蜚

沈自駒

兄自炳

呂忠宣 妻口氏

葛麟

文乘

吳福之

魯之瑛

孫兆奎

侯峒曾

子玄演
玄潔

張錫眉

黃淳耀

附錄 黃氏書壁辭

黃淵耀 夏雲蛟 馬權奇

徐汧

附錄 陸耒爲徐氏作香草庵詩

項志寧 顧所建 陸明永

附錄 陸氏遺子書 絕命辭

夏允彝

兄某子完壽

附錄 夏氏絕命辭

徐念祖 李待問 徐石麒

僕祖敏李成

華亭正氣錄 總目

六朝明錄書 約圖刊本

附錄 徐氏遺筆

朱大定 朱有鑑 顧咸建

陸培

附錄 陸氏絕命辭二首

王道焜 俞元良 祝淵

周宗彝 張堅 唐自彩

姪某

劉宗周

周卜年播子成

附錄 劉氏十哭詩十首 自哭詩 堯庵和

詩

邗彪佳

王毓著

附錄 王氏惜時致命篇

梁于埃

附錄 梁氏寄植枋二字書 率爾吟二首

王績 王績 李瀾

黎增 張氏

女希韞子
于宸于陞

揚州女子

附錄 揚州女子絕命詩 宋蕙湘題壁詩二

首

雲夢亭正氣錄

總目

七十四明藏書

約園刊本

周氏女某 錢氏女 汪氏女

戚氏 沈氏 陳氏

王氏 楊氏 俞氏

張烈女 顏氏 金鐸妻

張氏

附錄 王猷定貞女行爲張氏作

潘氏沈氏女

卷三

丙戌紀

袁繼咸

附錄 袁氏燕都寄歸手迹 易服詩 至日

感懷四首 元旦詩 盧侍御傳不知何人所

作疏及賤名非知我者鄉某以聞貽以告絕詩

北風詞二首 公無渡詩五首 烏栖六首

雪日詩 讀謝皋羽西臺慟哭記感懷詩

悲憤詩 燕臺懷古三首并序

張國維 朱大典 余煌

陳函輝

筆李亭正氣錄

總目

八國明藏書

約園刊本

附錄 陳氏寄同志詩二首并序跋 絕命辭

十章并跋 寄別文心大師書 槃庵弔寒山

詩并序

陳潛夫

附錄 陳氏絕命詩

王之仁

附錄 王氏壁閒詩二首

沈履祥

附錄 沈氏絕命詞

李唐禧

張廷綬

張鵬翬

弟繼榮

王景亮

楊定國

王之斌

張起分

徐起睿

應騰蛟

方士衡

何弘仁

阮維新

潘集

附錄

潘氏絕命辭

佚

高口口

父某

鄒欽克

趙景麟

黃道周

附錄

黃氏過新嶺弔金正希詩

無題一首

學文堂正集錄

總目

九

四明書局

難中雜詩四首

發南都詩

至南都示諸

友詩 聽質禁中悵然寄懷諸友詩

後死吟

後後死吟 拌得詩二首

拌不得詩三首

吳士繡

毛玉潔

附錄

毛氏正氣歌

傅冠

曹學佺

楊文聰

鄭為虹

張萬明張廷盤洪祖烈陳龍

黃大鵬

歐養初

吳聞禮

周定初

萬文英胡奇偉

王士和

王秉乾

陳鼎臣

蔡光璧

陳元綸

曾□□

鄭墳

楊文薦

莊以涖

劉曰佺

馬興明

馬芝

黃尙寶

胡夢泰

附錄

胡氏候機部楊老師書

與諸生問答

胡縝

李信

詹兆恆

涂伯昌

附錄

涂氏感懷詩三首并序

劉河升

纂要正集

總目

十

四明叢書

約園刊本

卷四

丁亥紀

沈迅

葉進屐

林空

附錄

林氏遣門人詩

出兵詩

別親知詩

林汝蓊

黃毓祺

附錄

黃氏逢繼周薛長者橋梓詩

廣陵獄

贈大生詩

金陵獄中示諸兄弟詩

冬至日

口占詩

絕命詞

友人爲予治木口占博笑

詩

海寧獄中口占詩

生日詩

拈李卓老

焚餘詩十首

今存
三首

小游仙詩二首

檠庵弔

詩二首

陳子龍

附錄 陳氏秋日雜感詩十首 挽夏瑗公詩

二首

徐式毅

侯岐曾

僕

夏完淳

附錄 夏氏別雲閒詩 拜辭家恭人詩 寄

內詩 寄荆隱女兄兼甥侯武功詩 簡半村

先生詩 聞大鴻仲熊訃詩 毗陵遇輟文詩

雲字正集

續目

十二國明叢書

約園刊本

被羈待鞠詩 御用監被鞠贖拜孝陵恭紀

詩 七夕步蠡水先生韻詩 虎邱遇子高詩

繇丹陽入京詩 西華門與同難諸公待鞠

詩 細林野哭詩

錢旃

沈廷揚

吳易

楊廷樞

妻費氏
女觀慧

附錄 楊氏絕命詞六首 絕筆

劉曙

陳萬良

陳子壯

張家玉

葉天章

陳世亨

洪有文

杜懋俊

杜兆祉

施玠

林化熙

林學舞 趙牧

卷五

戊子紀

華夏 妻陸氏

附錄 華氏對簿錄 與高玄若書并詩 且

晨八韻詩 對簿受夾脛辱詩 壁庵弔詩一

首

楊文琦 妻沈氏

雪亭正氣錄 總目

十二西明叢書 約園刊本

附錄 楊氏答父諭詩 題壁詩

楊文瓚 妻張氏 屠獻宸 妻朱氏 董德欽

王家勤

附錄 王氏九愍詩一首

林岬 湯棻 王祁

王恩及 妻李氏 朱繼祚 郁廷諫

鄔正畿 林逢經

卷六

己丑紀

劉中藻董世尙等 威虜侯二女 姜曰廣

鄒魁明

附錄 鄒氏絕命詩十首

卷七

庚寅紀

瞿式耜

附錄 瞿氏雜詩八首 自艾詩 問天詩

憶聖蹕詩 閱北曆有感詩 自歎示別山詩

閏十一月初一夜放言三首 亡妻生忌楊

學堂正氣錄

總目

十三圖明藏書

約園刊本

碩甫禮懺山中詩山慰之 囚中哭妻詩

張同敞

馮京第妻葉氏子頌

附錄 馮氏與吳霞舟書 小雪日集微詠樓

詩 宗忠簡公墓詩

張元

張夢錫

沈之泰

湯□□

卷八

辛卯紀

附錄 高玄若野哭詩五首

張肯堂

子婦沈氏妾周氏方氏姜氏
女孫茂漪僕張俊彭歡俊妻

附錄 張氏絕命詩 和黃介祉絕命詩 贈

無凡詩四首并序

蘇兆人

附錄 蘇氏絕命詩

吳士俊

林志榮 弟桂 吳鍾繼

附錄 吳氏歲寒松柏集摘錄二則 無題詩

二首 贈宋子猶詩 元夕詩 寫憂詩 端

午白華庵雨窗次韻詩 時傳北來恢復信詩

事李正氣錄

總目

十四 附明徵書

約園刊本

一首

朱萬年

朱永祐

李向中

劉世勳

林瑛

林世英

董志寧

附錄 檄庵勛董氏子士驥詩

李開國

母口氏

鄭遵儉

董玄

顧宗堯

江用楫

顧玠

王璽

劉朝

王朝相

阮進

張弘謨

張名揚

顧名楫

朱養時

戴仲明

魯王元妃陳氏

貴嶺張氏義陽王姬杜氏

范氏

子婦馬氏口氏內姪

陳氏

王翊

附錄

王氏七月廿五日奉川詩

廿八寧波

詩

八月初一定海詩

初九定海詩

初十

祭右良文

八月十一祭弟完初文

王翊

蔣士銓

附錄

蔣氏絕命詩

明來

子必正

集李正氣錄

總目

十五

明叢書

附錄

高玄若巾完勛詩

又悲山中義旅詩

三首

傅鼎銓

附錄

傅氏四月八日張村被執詩

被執過

岑陽闕詩

憶劍詩

岑滿將繫我過高州索

書作此并憶劍二詩示之詩

廣陵登舟詩

望一杯亭弔趙公汝愚詩

杜鵑詩

誓舌詩

弔家惕庵詩

拒招降詩二首

艾南英

曾亨應

陳之鳳

揭重熙

吳廷猷

僧德宗

卷九

壬辰紀

原闕

卷十

癸巳紀

萬日吉

楊卓然

朱昇

余鷗鵬

附錄 逸名僧詩一首

卷十一

雪齋正集

十六國明書

約園刊本

特紀

熊汝霖

鄭遵謙

妾金四如

附錄 鄭氏起義檄

佚

孫嘉績

錢肅樂

附錄 錢氏做文山六歌 樂庵弔詩七首

翟獬

附錄 翟氏悲憤詩六首

馬思理

顧錫疇

李長倩

黃斌卿

二女

王朝先

楊國柱

附錄 楊氏山中聞王葵生先生不食死詩

石齋

附錄 石氏雜詩二首

卷十二

附紀

吳勝兆

金聲桓

王得仁

李魁

李成棟

王光恩

余鷗翔

附錄

余氏畫馬歌

萬曰吉

李正氣錄

十七 四明叢書

約園刊本

附錄

萬氏庚寅初夏詩

賦得春城草木深

詩

入閩詩

仙霞嶺詩

追哭艾千子詩

蔣德璟

附錄

蔣氏四言詩

附錄

癸巳春分日題雪交亭正氣錄後

高字泰

明故兵部員外郎巒庵高公墓石表

全祖望

續甬上耆舊傳

全祖望

何樹崙跋

傅以禮跋

張美翊跋

張美翊跋

十八

西明叢書

約園刊本

雪文亭正氣錄卷一

明鄧高字泰葉菴撰

縣後學何樹倚附註

後學

馮貞泰
張春濤補註

甲申紀

葉菴曰嗚呼繇禍變之餘審事幾之漸氣數所趨人事召之豈其微哉先賢邱文莊有言世道本乎陰陽其氣各以類應因察神廟中年貂璫遍出鯨戮里閭豕縛守牧小民奮袂而興驅豺殲虎而寧與之俱斃

雪文亭正氣錄

一編明叢書
一粉園刊本

上變無虛日其易所稱一陰之妬乎當是時天子春秋正盛王皇后未有所出王恭妃誕光宗鄭貴妃誕福王儲貳未定邪謀橫興嗣續憂危竑議忽發而大學士沈鯉去位中允郭正域幾中於危法矣中允者太子傅也初無錫顧憲成創東林講學一時從之者皆氣節之士屢彈射當世當世欲得而殺之於是東林之禁口嚴而沈相公郭中允則皆羽儀乎東林者也未幾有男子持梃至太子宮門被獲擊傷中官數人獻者僅以瘋癲奏諸君子發其奸於是有大東小

東之目大東謂東宮也夫元良重本建儲大事至容
小人叵測伏戎奸謀屢見疑魅疑神莫可端倪感應
之理寧有休乎其明年東師乃稱帝建元遯尾之厲
於此時占之迨神宗崩光宗立一日而起而李可灼
進藥之獄起繼熹宗登極而李選侍竊宮之事起諸
君子將力挽傾危覬覦之奸然其立言也亦太苛矣
涇以渭濁玉以礫貞能免嫉乎況奮迅感慨又從而
與爲難也當是時胥方沸於盈庭戎已伏於祕禁虐
隔煽毒乳媼交鬩一時檢人遂得而逞其恨矣崔已

秀列諸君子姓氏百數十人爲天鑒同志點將等錄
嗾魏闈按籍而誅之而海澄周起元初以不列己名
爲恥丑寅之際大獄煩興諸君子枕藉而寤何異朱
溫白馬之禍哉時東師正爲火然泉達之勢國家藩
籬一決不可復收經略熊廷弼之旋廢旋起非小人
誤其成功耶當憂反樂有此一獄以之羅網正人詬
君子半死是中及烈宗卽位巨憝幸梟甫逾年而中
原盜起渾白否而之剝堅冰之象已成卽以烈宗十
七載之憂勤茹荼集蓼莫可拯濟至社稷是殉爲億

萬世之大痛豈不悲哉嗟乎上下四十年間闖人婦
寺相迭爲奸陰慘之禍先中於賢士大夫而元命隨
之故皇甫恥不與黨籍而東漢亡安民乞免鐫碑名
而北宋絕考古鏡今治亂之幾所由來也今甲申殉
節諸先生多卽漢所稱三君并顧廚者流終遭其凶
身名罔間矣雖然小人敗之而有餘君子持之而不
足范倪而下諸先生有靈知必痛心於扶傾拯斃之
專效其忍以氣數自安乎哉

壽鏞案續甬上耆舊詩高武部傳所錄與此互有
出入且較詳焉附錄於左

嗚呼繇禍患之來審事幾之漸氣數所趨人事召
之豈其微哉先臣邱文莊潛有言曰道本乎陰陽
其氣各以類應因察神廟中年貂璫徧出豕縛鄰
國鯨戮里閭小民奮袂而興驅豺殪兕而鏡與之
同斃其易所稱一陰之妬乎當是時天子春秋正
盛王皇后未有所出王恭妃誕光宗鄭貴妃生福
王儲貳未定化雞欲晨椒戚之覲心日滋黎邱之
狡謀橫起似續憂危宏議忽發而歸德沈相公去

位江夏郭侍郎幾中於法初顧涇陽創東林講學
一時從之者皆氣節之士累彈射當世當世欲得
而殺之於是東林之禁日嚴而歸德江夏則羽翼
乎東林者也且江夏太子傅也未幾有男子持挺
至宮門被獲擊傷中官數人讞者僅以瘋癲奏諸
君子發其奸於是有大東小東之目大東謂東宮
也夫元良重本建儲大事至容小人晦昧伏戎奸
謀累見疑魅疑神莫可端倪感應之理寧有休乎
其明年東方乃稱帝建元而春闈大典首名被黜

黨文事正氣錄

卷一

四十四明嚴

約圖刊不

避尾之厲於此占之迨神宗崩光宗立一月而逆
而李可灼進藥之獄起熹宗立而李選侍之獄起
諸君子將力扼傾危竊覲之奸而立言太苛涇以
渭濁玉以礫貞能免嫉乎辱方沸於盈廷戎已動
於祕禁虐奄煽毒乳媪交關一時僉人從而附之
崔呈秀列東林爲天鑒同志點將等眾嗾奄按籍
誅之而海澄周起元初以不列己名爲恥丑寅之
際大獄繁興諸君子枕藉而斃何異白馬之禍哉
時邈左正值火然泉達之勢國家東離一決不可

復收而熊江夏之獄起東林半死是中伊耆繼業
巨憇幸梟甫踰年而中原盜起運自否而之劍聖
冰之象已成以先帝十七載之憂勤茹荼集蓼身
當龍亢莫可拯濟至社稷是殉爲億萬世大恥大
痛豈不悲哉嗟乎上下四十年閒奄人婦寺相迭
爲奸陰慘之禍先中於賢士大夫而元命隨之故
皇甫恥不與黨人而漢亡安民乞免鐫名而宋亡
甲申范倪殉難諸公卽東林眉目終遺其凶濺血
化碧身名罔閒矣雖然小人敗之而有餘君子持

聖學正氣錄 卷一

五 國明叢書

約園刊本

之而不足諸子位在鼎台獨不爲之持危扶顛以
致國家至此歟如謂一死足以塞責則國家亦何
賴此正人也夫豈忠節之衷足以自靖才略之賦
天限之乎以諸公之眾豈竟無一能自見者此予
所以致歎於君子之道消也昔人原禍始者曰神
宗之世以廢籍爲苦海譬如寒宵噩夢纏縣淹抑
能使人精耗魂銷焉熹宗之世以鉤黨爲死府譬
如震雷暴雨錯遶旁午能使人心悸魂奪焉此猶
言乎其有形者也消之不已極於無形深入於志

氣之微悠忽不能自振而國運以絕此先帝十七
年中之所馴致令人痛哭欲絕者也或曰君子任
事之性豈氣之足消歟曰非也人性有惡暑者當
其寒不能不爲加衣有惡寒者當其暑不能不爲
揮扇其皆氣之所爲非其性有失也曰然則無乃
愈於處亂世而庸庸者乎曰豈有是哉君子之道
可消而不可變以其不變故終有以自別又誰得
而援以自便也雖然范倪諸公有靈其忍以氣數
自安而遂瞑目於重泉乎哉

貞彙案武部有甲片
野哭詩見續用上音

卷一

六十四明藏書
一約園刊本

詩

范景文字質公北直吳橋人癸丑進士吳橋陷一子死

難一子拷掠亦死公自南京兵部尙書入閣甫月餘賊

至公憂憤減食三日城破自縊爲家人所解乃賦詩二

章投井死弘光朝贈太傅諡文貞

壽鑑案明史景文傳
字夢章以萬曆四十

一年成進士死事投雙塔寺旁
古井忠節錄作字夢章號質公

弔方先生墓

凡諸公舊作有係一作品
行者耳目所睹附紀於後

夷齊叩馬諫原不爲武王心憂篡弑者借口於伐商

武烈當時變二子念天常各自具深心并行豈相妨

頑民死洛邑義士死首陽死名與死節武俱不忍傷
一時兩知己千載有臣綱憶昔方正學將無回肝腸
氣不激不烈節不烈不揚悲風湯鴻九曰疑是摺字寒木至
今有餘愴

保元璐字鴻寶上虞人壬戌進士戶禮兩部尙書甲申
三月十八日有詔召元璐密語移時出次日賊入城曰
事不可爲矣吾君其死社稷矣卽朱衣束帶北向拜闕
南向拜母乃索酒入書舍於所供闕帝前酌之三爵亦
三自引滿曰乃今得從公遊時有中表施略勸曰何不

李正氣錄

七

明鏡書
約閣刊本

效文山忍恥出外舉兵以圖恢復耶公厲聲曰血性男
子乃爲此言曰謂太夫人在堂何乃淚下及顙曰吾母
年八十四猶健夫復何憾遂捉筆題案曰宗社至此死
當委我於繁慎勿棺衾以志吾痛出廳事南向坐而自
縊頃之賊騎至問公何在則已陳屍於堂愕然曰可惜
明朝一好官僞兵政王公弼示於門曰忠義之門擾者
罪復遣僞禮政鞏焞致奠而去弘光朝贈太保諡文正

案明史作字玉汝罪
惟錄作字玉汝號鴻寶

初第同門集重五

他家簫管我填麈競渡人齊到曲池各出辟兵符一
道散爲續命縷千絲人如旦日寅方始節正中天午
未移葵作臣心蒲作酒百年莫負看花時

李邦華字懋明吉水人甲辰進士以忤璫歸田先帝起
之家歷官左都御史人望歸之者四十年都城陷公閉
門書版云堂堂丈夫聖賢爲徒忠孝大節矢死靡他更
衣望闕叩首口占文山人生自古皆有死留取丹青灼

汗青之句乃自縊弘光朝贈太保吏部尙書諡文忠
案史載邦華將死走宿文信國祠賦詩曰堂堂丈夫兮
聖賢爲徒忠孝大節兮誓死靡渝臨危授命兮吾無愧

筆李正氣錄

卷一

八

明蒙書

吾遂投縊而死

又案忠節錄罪惟錄字孟聞號懋明

又案忠節錄作腰帶閒有帛書贊曰云云誓死靡渝
遺國不造空負良謨臨危授
命庶無愧吾校此多四句

施邦耀字四明餘姚人已未進士左副都御史都城陷

問其僕曰倪尙書何在偵之還報云自盡矣公語曰若

等候此吾往視倪尙書入內久不出視之已縊死矣先

帝之變二公知之蚤故殉難最先絕筆詩有云慙無半

策匡時難唯有一死答君恩之句弘光朝贈尙書諡忠

介壽鏞案明史邦耀治陽明學以理學文章經濟三分
其書讀之慕義無窮聞崇禎帝崩卽解帶自經僕救
之蘇恨日是兒誤我時賊已滿衢巷不得還邸舍望門
求縊輒爲居民所麾乃命家人市信石雜燒酒卽途中

服之血迸裂而卒史記之如此與是殊汗稱其字爾韜
又案忠節罪惟錄字爾韜號四明又忠節錄亦稱自
縊爲僕所解
服信石道死

王家彥字尊五莆田人壬戌進士協理京營戎政兵部
右侍郎賊入城公時守得勝門飛礮擊賊忽見城東煙
塵起欲督兵血戰軍士不應望闕叩首哭曰臣無以報
陛下矣跳而下臂口骨俱折義男王權麾下將黃勤掖
入民舍公解帶自縊帶斷權涕泣曰老封君年高須爲
後圖公曰城破身死諒所當然但主上存亡未卜恨不
觸死御前以彰辱國之罰既不能承歡膝下惟一死報

華李正彙錄

九國明叢書

約開刊本

君父矣復縊俄頃而絕賊大索公屍縱火焚舍越三日
權等至故處覓屍僅焦半臂旁觀無不掩泣弘光朝贈
太子少保諡忠端
壽鏞案史作家彥字開美得勝門作
錄亦作分守安定門 安定門太子少保作太子太保罪惟
錄字遵伍號開美忠節錄字開美 又案罪惟

孟兆祥字肖形北直交河籍山西澤州人壬戌進士刑
部右侍郎初以忤璫削籍起歷今官賊入城自縊於守
城之所子章明亦同殉姑媳並縊弘光朝贈刑部尙書

諡忠貞

壽鏞案罪惟錄
字允吉號肖形

孟章明字綱宜癸未進士觀政未選聞其父死亦自縊

贈河南道御史諡節愍

馬世奇字君常號素修無錫人辛永進士歷官中允都城陷次日知先帝之變貽書其弟曰吾母衰耄之年聞此異慘自極不堪弟宜婉曲解喻不孝莫大於辱身忠孝非一事也卽沐浴更衣設香案於庭取周易金剛經及印牙牌置案上北面稽首謝恩南向拜母家人環泣曰譚太安人何公曰正恐留此身爲太安人玷耳麾之出取紗帛自縊二妾朱氏李氏亦並縊壁閒題云馬世奇同一妾殉節於此弘光朝贈禮部右侍郎諡文忠兩

妻李正氣

十 明 叢 書

繪圖刊本

妾贈孺人

劉順理字湛六杞縣人甲戌狀元左中允都城陷亟命家人遷棺城旣破妻萬氏妾李氏願先死公大喜視其挾纒笑而拜之乃冠帶自縊冠不得入大笑取其冠翅旣就纒仍正其冠須臾乃殞有四僕公犒而去之不云亦同殉一時死者十二人弘光朝贈侍郎諡文正萬氏李氏俱贈淑人公居鄉極善里人皆德之城旣陷賊有籍河南者數十人至云吾儕正來衛公不期全家死矣羅拜涕泣而去

壽鏞案忠節錄自書贊云成仁取義孔孟所傳信公踐之吾何不然旣占

科名豈可苟全三忠祠內無愧前賢 又案忠節罪
惟錄作贈詹事府正詹事罪惟錄字復禮號湛陸

自讚

成仁取義孔孟所傳文山踐之吾何不然既撥巍科

豈可苟全三忠祠內不愧前賢

壽鑑案劉念臺有哭宮諭詩見念臺傳中

汪偉字長源休寧人戊辰進士簡討二月賊犯三輔保定巡撫徐標死於叛帥公流涕曰國事其去矣或勸之乞歸曰知危而逃死如大義何三月十七日賊薄城次日將晡呼一老班屬以六歲兒并囊中金曰城破我當死以血胤累汝俟南北通得歸鄉里吾夫婦感汝德九

卷一

十二國朝叢書

約圖刊本

原之下矣老班泣諾擊兒去十九昧旦亟呼其夫人起繼室耿氏也曰日者所期在此刻矣乃書其衿曰翰林簡討汪偉妻耿氏趨云其加紉夫人唯唯退俄報夫人死公視其姪哂曰汝媿成吾志因欲自盡姪抱公泣曰弟已得託媿已死無妻子累曷圖自全公諺曰良是須亟覓匿所姪奔出得一小空室歸告則公已自縊死投緘時偶在耿夫人右曰雖顛沛不可失序乃解懸正左右而斃題壁三行首行書崇禎十七年三月十九日城陷東宮講官同繼室死節次行書身不可辱志不可降

夫妻同死節義成雙末書新安汪偉絕筆弘光朝贈少詹諡文烈耿氏贈恭人公嘗書邸壁云看世不破爲世所弄看人不破爲人所弄看身不破爲身所弄公之臨難從容蓋深有得於斯言

壽鏞案忠節錄字叔度別號長原

周鳳翔號巢軒山陰人戊辰進士左庶子李賊檄百官入朝公勉強入有先俯伏呼萬歲者公忽大聲慟哭極哀於是羣臣亦多涕泗奔走者班大亂公疾歸邸作書別其父有云君辱臣死君死臣焉可生况男自居講職忝列侍從乎忠孝不能兩全矢以來生再圖奉養耳南

善孝王集

卷一

十二四明叢書

約園刊本

向四拜遂自縊二妾同死弘光朝贈禮部左侍郎諡文節絕命詩有碧血九天從聖主白頭雙老泣忠魂之句

壽鏞案忠節錄作碧血九原依聖主白頭二老哭忠魂又案忠節罪惟錄字儀伯號巢軒

凌義渠字駿甫號茗柯烏程人乙丑進士大理卿三月十九日昧旦聞召對疾趨長安門拱立達曙門竟不啓乃返就邸舍俄而城陷人馬聲嘶公端坐神色灑然鬚髯怒張無何聞先帝之變號泣徒跣舉首觸柱悉火其所評騭書并己所著述左右相視變色蓋公平日無他嗜嗜書今焚知公志決死因潛取繩械等物匿之公囑

視怒甚客有以庭闈爲言改容謝曰是固痛心然身已許國義無兩全也會有傳先帝信未實者公急出舍曰我見君則隨君遇賊則罵賊死耳道知凶聞確遂歸索冠服僕以青繡進卻之易緋設香几正笏向闕拜捉筆上尊人書曰盡忠卽所以盡孝男死如歸含笑入地下矣點畫不苟囑曰我死可書我柩死節孤臣凌義渠柩遂自縊年五十有二弘光朝贈刑部尙書諡忠清

吳麟徵字磊齋海鹽人壬戌進士甲申三月初七日以都給事拜太常少卿十二受事十五奉命守西直門十六賊突至城下礮聲震天矢如蝟集次日督從者載土石塞門是夕更深兵部尙書張縉彥遣二卒手令箭飛至求出公詰之語塞轉從德勝門去十八賊大至公急入朝請見先帝言狀已二鼓少宰沈惟炳禁出入排闥直入學士魏藻德曰朝廷大福自無他虞兵餉旦夕且集何慮遽若是內臣佩刀出者數十人公度不得見叩首出遇總憲李邦華道不可爲狀泣而別十九黎明賊從德勝門入公距戶自經爲從者所解公曰若得一見天子吾無憾矣使人掖之走風塵撲面不能前遂入道

左三元祠視屋梁曰吾終此矣索酒飲曰吾年五十二
鬚髮盡白以此衰病之身蒙皇上殊恩爵列卿貳愧無
尺寸以佐國事今國亡賊入何顏自立乎眾皆哭公止
之曰毋亂我方寸因睡約二鼓睨聞啾啾有聲僕張儉
覺起解之公復甦曰苦我苦我遂起作絕筆書又作寄
兄秋浦弟雉先及三子書次日其友祝淵至見公角巾
青衫項多纒痕涕泣不能仰視公笑曰毋徒效兒女子
爲引酒共酌語淵曰余壬戌登第夢一人叉手向背吟
信公山河破碎風飄絮身世浮沈雨打萍之句問之云

東坡志林卷一

十四四明叢書

約園刊本

是隱士劉宗周時尙未識劉公後劉在儀曹相對爽然
今與劉同出而劉先隱山河破碎不死何爲子歸矣淵
則去逆臣高翔漢已受僞署素重公來勸公降厲聲卻
之復投纆家人抱持不釋奮身自摔束帛而逝白髯戟
張時三月二十日越三日含殮面如生弘光朝贈兵部
右侍郎諡忠節初公有撤寧遠守關門之議有吳將軍
可大用之疏又陳整飭江南爲京師應援皆格不行

詩歸

案忠節錄字來皇一字聖生別
號孫齊罪惟錄字聖生號孫齊

遺屬

祖宗二百八十餘年宗社移且而失上有龍亢之悔
下有魚爛之殃而身居諫垣徘徊不去無所匡救法
應禩服殮時用角巾青衫覆以單衾墊以布席足矣
棺宜速歸恐係先人之望所知交爲邪許焉茫茫泉
路耿耿寸心所以瞑子目者又不在也罪臣吳麟
徵書

申佳胤字井眉號素園永年人辛未進士太僕寺丞甲
申二月奉使近藩賊勢漸亟朝臣多藉事引去左右勸
公曰旣在外可以脫然公奮袂流涕曰京師兵力空虛

卷之五

卷一

十五四期
約園刊本

脫有不虞安危與其之謂何乃星馳入都時甲申三月
十二日也知大事已去貽書其子溷光曰行己曰義順
數曰命義不可背命不可違在朝在野無二道也天下
事壞於貪生畏死死於疾死於利死於刑戮死於房闈
鬪爭均死也數者寧死不惜遇君父大節縮首垂涕百
計求生此真不善用其死矣吾受國恩誓以死報時公
母年七十迎養燕邸左右以此爲解公曰業以身許國
勢難兩全十八日聚賓客爲幼子燧冠曰昔之人有行
之者以平生著述付之曰吾作官無長物半生精力盡

此次日城陷或請易服置他處公笑曰吾來此何爲者
入而避何如避而不入乎已而聞先帝凶問仰天呼聖
明者三兩僕固守不去公給曰吾欲有所往可隨行至
王公廠有井兩僕知其意急挽之斷袖而入兩僕呼號
球之公在下呼曰急慰太安人有子作忠臣莫過戚也
時年四十有三未幾賊從東關潰回肆焚掠子煜掖太
安人奪門出僮僕皆從徐起鳳者傭書從公十年號泣
請留曰俱去柩誰與守賊將焚邸舍起鳳跪曰主以忠
死柩在幸勿焚賊怒鞭之請愈哀賊感動乃不焚及虜

至逐居民外徙風懼徧求其同里得鐫工朱鑄柱等二
十餘人昇柩至天寧寺得全弘光朝贈太僕寺卿諡節

愍

壽鑄案忠節錄字孔嘉一字井眉別號素園
又號濬源 又案忠節錄作贈太僕寺少卿

陳良謨原名天工字賓日鄞人辛未進士謁選得推官

時止有雲南大理缺眾說公且緩可避此遠地公毅
然曰滇非王土耶四方惟命之謂何卒就選遷四川道
御史巡按四川督師楊嗣昌以荊州阻江路絕欲導賊
入荆三面寨兵以困之賊衝蜀撫邵捷春一軍自夔入
蜀於是捷春得罪公拮据禦賊無所失於是疏嗣昌失

事於朝詔公再按蜀一年而還三月十九日聞城陷詔左右曰吾爲國死義不顧家祇此先君窀穸老母侍養

中年無子嗣繼未定須一言因囑左右書絕命詞一章

詞載在公詩文集

中 公妾時氏新娶欲遣之歸曰相公有志盡忠

詎謂妾婦人不能死耶乃先公益公欣然就縊詢其友

李芳泰曰妾得有明巾泰卽以己巾易之從容整冠扇

戶而絕弘光朝贈太僕少卿諡恭愍時氏贈孺人初公

按蜀回里將復命行有日矣友人往覓繪己像冠服儼

然曰公何恩恩事此日時事日非矣既以身付國家寧

事文正公集

卷一

十七國朝叢書

約園刊本

必生還耶聊作此遺後人耳赴京未半載而遇難

貞李案高

武部有哭陳恭愍公及弔時孺人詩見續甬上香齋詩壽籙案忠節錄原名天工字士亮別號賓日 又案

公詩文集擬訪得重編其遺囑絕命詞絕筆見旌忠錄卷一末今刊在旌忠廟

王章字漢臣號芳洲武進人戊辰進士陝西道御史

按

爲孤子養母極孝榜後卽題母節義立坊旌表

甲申三月奉命巡視京營卽請

補伍給餉深以爲憂三月十三日閣臣蔣德璟歸送之

郊泣數行下曰賊漸亟矣餉匱伍虛如都城何惟有一

死所憂者君國耳返邸中沐浴更衣家人詢之不顧登

城十九日賊入各門礮聲並寂語同事科臣光時亨曰

事急矣速死爲幸。時亨曰：如是死，委同士卒，莫若入朝。詢帝行在，不得則死死得所也。因易青衣小帽，勸公同。易方可達宮門。公曰：汝之造朝者，恐委同士卒，期烈烈死也。若易去冠服，官不官卒不卒矣。行數步，賊騎掩至。呼下馬，時亨遽離鞍前立。公曰：視兵御史誰敢叱之？賊槊中公股墮，馬連呼降否？時亨跪地乞降。公大罵賊，碎其膝，坐地肆罵，鋒刃交下，受五創不仆。賊棄去，日暮家人徧覓於女牆邊，得之。張口怒目，以一手據地以爲生也。呼之死矣。年四十四。妻萬氏在家大慟，卒子之枋死。

丙戌之難，公爲孝廉。時授徒陳恭烈廟中，夢神揖之。口

座曰：忠孝吾與公共之。後果諡忠烈，贈大理卿。壽鑄案光緒諫

降賊事蓋出野史，誤傳潛虛集記之。桐城者舊傳記之。

桐城軼事紀記之。左侍郎光先又有野史辨誣公初墮

碑及自經投河屢死不得卒，死姦人之手。南山持論

系正故尤可信。又案忠節錄一字記雲別號芳洲。

許直字若魯，如皋人。甲戌進士，考功員外郎。城陷，訛傳

先帝出齊化門，諸臣擁駕直亦微服往從之。甫出門，見

賊充斥道路，卽返曰：駕必不能出也。俄傳帝崩，欲自盡。家人守之，或以家有老親爲言。公曰：吾自讀書時便有今日。老父自幼以忠孝相勉，前屢書云：聞汝持己以廉。

無忝厥職卽此便是大孝君死而臣生謂之厥職無忝者乎吾未見不忠而能孝者家有伯兄可以承祀弱子俾爲忠臣之裔足矣稍緩則虧體辱親併爾輩不可保也冠服北向再拜復南向拜父作家書并六絕句因諭僕翼日圖閉道歸復呼一僕隨入室取麻命作環僕戰慄不能言于斥之去遂自縊一手持練尾一手上握顏色怡然越二日始殮贈太僕卿諡忠節

鬱齋案忠節錄字程玉亦

字一篤別號若愚

絕句

雲臺正集

卷一

十九 四明叢書

約園刊本

擲筆豁然辭世行老親幼子隔幽明丹心未雪生前恨青篋空留死後名

鬱齋案絕命詩凡六章此第六首也

臨終歌

吾君死兮宗社亡兮吾將何歸兮雖曰百年兮不可信兮

陳純德字澹玄零陵人庚辰進士順天學政將按遵化賊亟不得進亟退入京城陷自縊贈太僕卿諡恭節

詩錄

案忠節錄字澹生別號澹玄

吳甘來字和受新昌人戊辰進士戶科都給事中與汪

條約同死在絕命詩有到底誰貽四海憂之句遂自縊
贈太常卿諡忠節

壽鏞案忠節錄字節之別號和受又號葦庵

成德字玄升號潛民霍州人辛未進士兵部武庫郎中
賊臨城以書約馬世奇曰主憂臣辱主辱臣死我等不
能匡救貽禍至此惟有一死報國耳年兄忠孝夙稟諒
有同心預訂斯盟毋忘息壤及城破先拜母母縊次揖
妻妻縊又揖妹妹亦縊乃持鴆酒赴東華門梓宮前哭
奠觸階死贈大理卿諡忠毅母張氏以贈淑人

壽鏞案忠節錄字節

民一字元修別號玄升又案史孫而德與妹死母見子
父皆死亦投環死又得妻劉前卒又案忠節錄作贈

壽鏞案忠節錄

二十四朝本

約圖本

大理寺少卿

金鉉字伯玉武進人留守衛籍丁卯北直解元戊辰進

士兵部車駕主事負氣節初諫謫黃道周被逮廷杖賊

入城衣冠拜母入紫禁投御河死母蒸人章氏亦自縊

妾王氏弟諸生錄俱投井死弘光朝贈太僕少卿諡忠

毅

壽鏞案忠節錄字在六別號伯玉罪惟錄字伯玉在六

李國楨字兆瑞襄城伯江西豐城人和州籍總督京營

賊至百計綢繆科臣戴明說以私憾參之三月十六日

匹馬赴闕前欲入殿汗雨沾衣內侍以非時止之公曰

此時君臣多見一刻是一刻事諸臣惶懼問故曰城守軍皆疲傲不用命奈何鞞一人起則一人復臥奈何上召入命內侍俱上城十九城破二十一見賊願觸死苦爭三大事一祖宗陵寢不可犯一先皇帝當葬以禮一太子諸王不可殺再四哀切賊從之賊先以柳棺殮帝后因公言易以梓宮四月初二日爲帝后發喪葬於田貴如園百官無一送葬者公送葬回遂自縊贈太子太師進侯諡貞武明說則附賊虜至又委贖焉壽鑑案罪命列傳而忠節錄見於附錄其所載事蹟與惟錄入致結琦亭外集略同又案忠節錄作諡節愍

宋李王集錄

子二例四議書

一約四刊本

葉菴曰當日南遷之議未必非也唐玄宗之幸蜀德宗之幸奉天正以天子尙在足以呼動天下之人心而國事不至於一敗而不可救國君死社稷乃古來諸侯之說豈天子之義哉惜乎烈宗徒守小節而不較於天下大計也雖然烈皇帝早宣夕對何異將伯助予之呼而諸臣處心積慮一於蔽欺致十七載憂勤之聖主竟與建安天祐等君同書亡國後之視今知無不穿齟裂毗於千百世之下也乃更輪誠受職攘攘恐後天子遺骸越在榛莽無一人過而問者衛

懿公之無道也其下猶有納肝之臣乃以先皇帝而不能得之於臣下三光晦精百骸走肉欲不淪爲異殍也得乎襄城之死最晚其功甚鉅先後之際處死更全不然范倪諸公身列箕尾之間亦必回首鼎湖恫心不已者矣

貞羣案鮎埼亭外編辨李國楨事云野史反謂國楨力請南遷而燬菴此論南遷之議則國楨傳中當有遷都之請而今無之當有脫文

謹案襄城係降賊後賊酋勒索重賄受拷而死非

殉節也鮎埼亭外集有辨可攷

後學何焯崙附註

劉文炳字淇筠任邱籍南直海州人先帝生母劉太后

雪交亭正氣錄

卷一

三十四明叢書

約園刊本

姪也襲封新樂侯賊入語弟右都督文耀曰吾家世受

國恩豈忍見此將眷屬十六口埋一大井閉之令餘丁

悉入樓積薪環其室而焚之自赴火同死贈太師恆國

公諡忠壯弟贈太保諡忠果其叔都督劉繼祖亦同殉

張慶臻字鳳華永城八嗣封惠安伯賊入自縊贈太師

進侯諡忠武世職之殉難新樂惠安爲最著

奇鑰案志節錄字承

麻別號

鳳華

鞏永固字鴻圖大興籍山東蒲臺人駙馬都尉先一年

公主卒柩在堂生女數人城陷縛女靈前聚賜物及家

費於側舉火焚之然後自盡大書世受國恩身不可辱
八字贈少師諡貞愍

湯又瓊字□□□□人布衣京城陷自盡衣帶一紙
云位非文丞相之位心存文丞相之心賊見之歎息以

此責大學士陳演而殺之贈中書舍人列於正祀

青錄案罪

惟錄作北京布衣也忠節錄作字兆驚直隸石埭人

王德化總督京營太監宛平人先帝崩未葬同周皇后
屍在東華門外覆以蘆席公痛哭爭之出朝見兵部尙
書張縉彥青衣待罪殿前叱之曰汝輩誤國至此今不

書李率正氣錄

卷一

三

四明樓書

速殞先帝乃復推戴新主耶次豸將不食汝縉彥垂眉

曰何與我事自有主之者公連批其頰以頸觸之遂被

害諡忠愍

考備案王德化係秉筆太監見順治邸報與曹化淳等同冠帶同籍罪狀錄載其率眾迎

賊德勝門且忠愍二字為王承恩諡此傳恐誤

王之臣內監大興人先帝崩於煤山之臣從之同一繫
先帝在樹上之臣跪旁墜之而死一云王承恩

考備案此為王

承恩事各史所紀皆同

槩菴曰國朝陽明之氣多蝕自北司振直瑾賢之禍
敗我國家固矣而神廟時稅使徧於天下其糜爛又

可勝道哉蓋求善良於闕寺之中百不得一自古爲然今兩人之殉國斯又學士大夫所多愧死者而毅然自振豈必待教而興者耶唐室受宦者之禍爲烈後至草薶而禽獮之迫亞子之稱帝也張承業獨爲唐死歐陽公言五代全節之士三人而已而不及承業嗚呼又豈可以闕寺而忽之哉

又曰都城殉難之臣蓋有三蝕矣國變等錄鏄布紛傳見聞殊詞風影華實且有欲出入一二人而爲之者則薰猶曷準也馬士英當國以政府爲市肆顯郵

大典上下惟視金錢不必全節之臣開與喪宗彼燹燁者厄末諡矣寇氛正揚胡塵旋塞河北數十郡卽淪異域汰訛哀實久之彌消委巷沈忠其湮沒可勝言耶予於諸公最顯白之外餘有未悉其詳者僅列姓氏於左夫死者人之所難如諸公授命遂志在一日二日閒者上也審幾觀變未能自決勢窮而節見者斯亦無憾矣彼朝賊而被勒賄死者烏足語哉

俞志虞字華鄰新昌人甲戌進士御史城破之日自縊
顧鏞字青城成都人丁丑進士兵科給事中

徐有聲字聞復金壇人庚辰特用戶部山西司郎中

書

案忠節錄別號月灣

以上三公弘光時並贈太僕少卿諡節愍

朱純臣字心翼成國公懷遠人

顧肇迹字超之鎮遠侯江都人

薛濂字中涵陽武侯膠州人

徐錫登字如蒼永康侯合肥人

郭培民字有毅武定侯臨淮人

宋裕德字克明西寧侯定遠人

卷一

三五國朝詩

終國刊

鄧文明字見龍定遠侯虹縣人

孫惟藩字元輔懷寧侯大同人

楊崇猷字臨沂彰武伯六合人

衛時春字和字宣城伯華亭人登州籍

吳遵周字鼎銘清平伯遼陽人

王先通字則陽新建伯餘姚人

張光祖字燦恆彭城伯永城人

方履泰字子安南和伯一元子應襲全椒人妻沐國公

女亦死節

以上十四公皆世爵各贈加爵一級附祀

李鳳用

高時朋

褚憲章

方正化

張國元

以上五人俱內臣附祀

徐允楨字中玄定國公鳳陽人

鄭之俊字汝珍武安侯歙人同其子遇害

事本朝

三十四朝

彭瑄字子白四川永州人甲戌進士工科給事中

劉養貞字念衡大邑人辛未進士兵部武選司主事都

城陷公詰責堂官張縉彥謂某日曾勸某處置防某日

曾勸某處設堵縉彥不聽以及此禍公卒死之

宋天顯字平懷華亭人官生中書舍人不肯赴朝自縊

王鍾彥字六有華亭人丁卯舉人國子博士

劉有瀾字倚石南宮人庚辰順天司李被拘投縊死

壽

案忠節錄字
之別號漪若

施溥字素庵揚州人恩貢永濟衛經歷

李若璉字方山順天人以武科累職錦衣指揮同知先帝初年推鎮撫理刑爲人外和內剛不畏權勢一時縉紳被逮爲宦官所中者俱得保全後爲患者所忌遂落職久之起復南鎮撫司授事未一年卽遭國變痛哭仆地朝服北向再拜大書職名於廳事投繯死其兄若琳乙丑進士詞林黨於魏闕時從賊授弘文院

高案字□□宛平人以太監高蜚高起潛功傳授錦衣千戶西司房掌刑家饒恆以私財佐公用衛人誦之賊破都城公聚家人語曰吾爲人臣當死忠若爲婦者當

宋史卷一百一

三十四期 叢書 約園刊本

死卽爲子當死孝諭其僕曰吾所有者財耳任若取之無貽賊也又曰吾有二女已嫁豈可令打於賊乃遣人引歸同縊死一堂子有襁褓者二皆繫其母之膝死一門十六人無遺者

壽鏞案忠節錄有高文采字奎所一傳

申湛然字□□燕中諸生有聲新樂侯兄弟從之學賊攻城急侯延湛然於家以祖母瀛國夫人拜而託之湛然引之家使之執爨庶免物色爲細人所首逮湛然拷掠備至終不言賊以木杙置湛然於上覆以木杙壓以礮石湛然故肥碩腹腦皆裂髓血俱流至死不言而劉

夫人得全至七月以壽終

壽鑄案忠節錄
申時秦字湛烈

徐燦字□□順天人太醫院籍癸酉學院袁鯨取充弟子員爲人精悍多智試輒高等甲申之變闔門九口皆縊死

蘭之垣字衛卿大興人順天府學生家貧藉館穀以養親甲申之變具衣巾赴奎星樓縊死壁閒書絕命詞一首有養士三百年句惜未得其全也

李國賢字□□大興人少有才名順天府學生文多奇險故久困場屋有智略人有疑事就決之多愜所願賦

寒亭正錄

卷一

天四明叢書

約圃刊本

既入城慮兵少有變嘗令兵從某門出至暮復從他門入別屯各所揚言大兵數萬至於是大肆淫掠是日賢所居巷賊兵入人皆開門迎之賢獨閉門賊斫而入賢繼妻有色賊犯之妻大罵賢以梃奮擊賊遂執至賊所稱劉國公處令之跪不屈左右強按之大罵賊怒殺其妻縛賢於柱裂額上皮覆目剗去兩乳及膝上兩骨令其自死賢大罵三日夜不絕聲方卒蓋此時能罵賊死最烈者惟公一人云

沈青藜逸其名宛平人順天府學生居崇文門之東南

隅性至孝家貧以星卜養母有勸其就館者答曰人生斯世得養親者久不過三四十年使就館而違吾親吾不爲也星卜所入必市酒脯奉母以爲常先帝之變乃泣拜其母曰兒有婦有男可以養母百年兒不能侍朝夕矣遂服衣巾自縊死

槩菴曰諸生而死節於義爲貴學校彝倫所自出也有言士未出身可以圓通者本原之地先失角喙爲此言者殺萬世之人心而有餘矣燕人余本爲肅敏公子俊曾孫以世職隸錦衣身經甲申之變後避亂

華水亭正集錄

三五四明樓書

約園刊本

吾郡爲余言燕中子衿數人事右此

張世禧松江人禮部鑄印局儒士子懋賞懋官俱順天府學諸生賊入京師父子三人並縊死

通州童生逸其姓氏家貧親老力學不倦賊旣破京師徇通州廢將魏廣乘與賊通出官糧餉之州遂陷童生方讀書聞之拜母長歎出門赴水死州人俱哭之

周□□順天童生聞變悲憤搥胸嘔血數升死

東江米巷畫士夫婦二人聞變俱縊

武懷僕□□懷癸未進士受賊職索言服僕慟曰奴聞

主辱則臣死今皇帝大變相公不哭臨反衣吉見新君
乎叩頭出血慄不聽僕曰相公惑於名利不信小人言
後必悔之李賊貪淫不久必敗小人不忍見相公之失
所也遂不食死慄受僞徐淮防禦使之任淮撫路振飛
擒解南京斬之

魏學濂僕□□年老長隨在京濂父大中死於魏闖兄
學伊扶柩歸號泣數日而卒賊陷都城濂以癸未新進
士在京計不自決僕泣曰相公只思父兄昔日即可決
矣濂曰若欲我死耶僕曰焉敢但恐贖相公家聲耳後
復屢諫見不可易遂自縊濂遂受賊戶政散軍糧有一
卒不願受曰小人明朝衛士烏可別領軍食耶濂投筆
而起入內愧恨自殺

卷一

正氣錄

三

四明叢書

續園刊本

檠菴曰學濂席先人之譽稟通越之姿嫻文博藝海
內人望歸之如霜刃之新發矧也當機不斷墮厥家
聲正人爲之短氣小人得以藉口不亦惜乎雖然是
何頑於僕而歉於卒也前此免死之念勝故婉曲諷
諫而不可入旣而愧歉之心出矣是以愴然觸之而
無能以自容主於中者異故拒納之情變也嗟乎等

死耳轉瞬之間蒼素判矣蘭蒞讓芳於野卉鷹鳳遜
翮於凡禽予能無三歎於斯哉

又曰武魏二僕未可以野卉凡禽目之也彝倫人所
自致志士仁人豈擇地而成哉惜逸其名爲之憮然
雖然廝養卒之歸趙王武臣史亦不存其姓氏李卓
吾謂廝卽姓養卒名其姓名千載不朽矣二僕亦云

陳評橋曰黃黎洲先生集有魏子一墓銘與此迥
異可參觀

孔四紹翼人父選四川主簿沒於京失身爲僇與勦衛

皇文事正錄卷一

三四明徵書
約刊木

常守經狎經風陽人工書畫京陷經與四窘其金而逃
賊將官撫民獲之詰其藏四指窘處得免經被殺撫民
留四自隨次晚四乘其睡取刀斫之誤中其股四知不
免提刀罵曰我冀脫經故指汝窘金處若旣得其資復
戕其命我何忍惜他人財自免死乎我今爲經報仇恨
不得中願爲厲鬼殺汝遂自刎首已斷身尙彊立賊懼
眾推之乃仆

貞彙案原本下空
二行今仍其舊

巖菴曰以余所錄馬素修劉湛六陳寶日汪長源諸人之妻若妾皆得隨周母后之靈鞭雷電而咤風雨豈不烈哉其外又有宮女二人民間之妻數人皎然不欺其志大學士魏藻德陳演大司馬張縉彥諸人視之果何如耶昔人有詠毛惜惜詩曰恨無匕首學秦女向使裹頭眞臯卿然則左氏謂無勇者爲婦人大冠峨峨者至欲並於婦人而并不可得則如之何費氏宮人年甫笄賊入宮投井賊知而出之見其妾互爭費曰我長公主也若輩不得亂必報汝主及見李賊

每交本正氣錄

卷一

至三四

明藏書
約園刊本

詰知非主賜其將羅姓者攜出又給曰妾年尙幼實出天潢義難苟合望將軍憐之擇吉成家羅許之乃暗挾利刃伺其酒酣盡力刺其喉隨自刎賊憫其貞烈葬之始知初欲見李賊者亦將給其收已圖之也

魏氏宮人賊入宮前後奔呼曰賊入必淨宮我輩必遭其辱有志節者須自決免致汙辱哭呼數四躍入河內死於是宮人投水死者數十人賊入果淨宮每賊將給

宮女三十人

吳奎妻張氏有絕色奎爲燕中長班家雖貧室宇甚潔

賊至其家張伏屋後水中賊去往覓其夫中途遇賊失散張復歸一賊已據其室矣夜強淫之賊熟睡聞叩戶者知其夫也潛起迎入以刃刺賊死取其財物而逃遇井張泣曰烈女不事二夫昨之偷生受汗者憂君飢寒失所也今得見君死甘心矣欲赴井奎力阻之張曰君縱不罪妾妾何顏復偷生乎遂躍入死

王氏羅田女子適耿縣人甫三日賊至夫被害其姑老而瞽王憂姑刃於賊而己被汗也扶姑行十里遇探也遂負姑同溺焉

漢人正氣錄 卷一

三國別錄 卷一

余之瑤錦衣口口余口口女年十八適定國勳衛徐廷秦賊破都城闔室將走匿姑使婢來引之使俱去瑤曰且將吾兒行吾卽至矣頃之復一婢來則曰再將吾隨往及婢復至則已盛服縊死壁上書余肅敏孫女五字家人倉卒瘞之花墀中賊退後方啓尸殮之顏色如生

年二十二

尹熙妻口氏固安人妻被賊擄指前一池給曰吾夫藏金此中可取之賊入水妻力挽之至深處賊遂沈溺妻亦死

張氏北京城外女子賊至見其美將淫之女佯無難色
指井曰我渴先取水飲我賊至井所女奮力擠之墮井
父得脫

王氏北京民吳信妻信居齊化門東貨綢王氏色麗而
性剛賊縛信拷掠王知不免閉戶自經賊斫入解之強
奸焉王力不脫乃嚙斷賊舌賊怒剖其腹死賊含血走
口不能言諸賊以爲有祟棄之去信得脫賊斷舌不食
死

金毓峒字鶴狷完縣人甲戌進士御史監督師大學士

雲字正氣錄

卷一

三四四國書

約園刊本

李建泰軍建泰出都時賊已亟懼怯不進公乃奔赴勸
王比至京師已陷公還師真定嬰城固守賊至急攻數
日力竭城陷械赴賊營見道旁并奮刀一作力擊賊應手

而斃乃破械投井死妻王氏亦自縊

壽備案忠節錄
字釋鶴號爲狷

糜菴曰先皇帝銳意平賊咨嗟四顧當時諸臣究無

有出而副其望者楊嗣昌之辦賊也欲以荊州子賊
盛兵四面迫而困之而獻賊輒踐襄府入蜀於是歸
罪蜀撫邵捷春而殺之蓋初檄捷春守荊州蜀界而
不能禦之也踰年賊既淨蜀於辛巳二月忽犯襄城

一夕而破遂至沈毒中原不可復救孫傅庭在秦中欲蓄全力以殲賊需之歲餘癸未秋方統師出潼關賊故不亟禦我師徘徊唐鄧之間覘兵四出乃以枝驍爭潼關扼我餉道全軍遂沒先鋒白廣恩遂降賊自此入潼關關中盡爲賊有而傅庭渡河走山西不知所終二者乃國家失事之要領兩督師之肉寧足食耶且督師之任國家司命在焉每見諭下諸臣避之如避水火至以推轂之名巧爲釋罪之計往往舉之縲絏之中加之三軍之上無何輒以不任輕去究

雪交亭正氣錄

卷一

三五

四明叢書

初編刊本

無有爲平賊計者烈皇朝夕靡遑無能出諸臣欺蔽之範圍最後躬餞李建泰於都門倉卒之際舉一書生驅之赴敵無異舉三百年之金甌玉版拱手授建泰使致之賊耳不亦可爲痛哭哉建泰至眞定卽爲賊用金公以監軍死難故於金公之事而爲之致慨如此

陳詠橋曰孫傅庭戰死並非渡河走明史作傅庭然余所見野史多作傅庭

衛景瑗字帶黃韓城人乙丑進士大同巡撫賊至被執

令之跪不屈大罵賊磔之至死罵不絕口贈兵部尙書
諡忠毅

朱之馮字勉齋大興籍徐州人乙丑進士官府巡撫罵
賊不屈被殺贈右都御史諡忠壯

徐標字鶴洲濟寧人乙丑進士保定巡撫兵部侍郎先
是眞定知府邱茂華聞賊至預遣家屬出城公聞執之
下獄斬賊使說降者碎其偽牌適屬弁爭中軍官不聽
聞公登陣劫出城殺之叛降賊贈兵部尙書諡節愍

案忠節錄字
準明貌鶴洲

等文事正集錄

卷六 四朝 約圖刊本

槩菴曰徐公之死則有閒矣以其不死於賊而死於
叛將也然吾觀其守城之志則有取焉爾

蔡懋德字雲怡崑山人己未進士山西巡撫賊至死之
朱廷煥字中白單縣人甲戌進士大名兵備副使三月
賊劉宗敏傳牌招降公擊碎之鼓勵士紳分守各門初
四賊環攻之城破被執逼之降不屈罵不絕口賊怒縛
之梃竿射殺之懸其首通衢合家或縊或投井相繼死
贈右副都御史諡節愍

方文耀字懷口龍溪人庚辰進士河間知府被執賊杖

之大罵不屈而死

彭士弘字仁寰遼東人南宮知縣賊既陷畿內諸郡邑公勵士民飭守具眾咸謂賊勢已重邑小恐不能支公曰吾奉命守茲土生死以之若盡力擊賊縱不勝死亦瞑目眾環泣曰臣誼也如生靈何公亦泣曰人心如此大事已去吾盡吾心耳士紳卒迎賊入公緋衣坐堂上賊問何故不具餉公怒目曰吾朝廷守土臣豈爲盜賊具餉賊怒斬之懸首南門

周遇吉字萃菴降夷種錦衣衛指揮任三關總兵夫人

雲文亭正集

卷一

三七

四明樓

約園刊本

劉氏亦夷女驍勇多能賊勢亟公請益鎮兵三千報可
以副將熊通統之甫至河干叛將陳尙智迎賊過河通
歸鎮說公公叱出斬之傳首京師請援兵時甲申二月
十三日次日賊至寧武公列兵城外鏖戰夜則收兵入
城登陣礮擊賊死無算礮盡密令壯士伏巷開門誘賊
入將近萬餘亟下城闌巷兵四起殺之殆盡賊四帥礮
焉恚甚環攻四晝夜力不能支城陷城中兵民感公義
俱不屈盡爲賊屠公傷重被執罵不絕口賊縛之竿首
亂矢射之共擣其肉劉夫人率家丁百餘據署憑腦力

射無一矢不中賊賊不敢近用火環燒之圍署焚死及賊入京莫不齎指告人曰奸簡周總兵殺我兵數萬人若再得此一人我輩安得至此諡忠武祀旌忠祠

謹案公爲錦州府人性忠孝小說傳奇家比公於卞

家父子以爲忠孝節義萃於一門至今優孟場中凜

凜猶有生氣觀者皆咨嗟歎息有淚下者忠義激發

千載如生人性皆善於此益信

後學何樹崙附注

張羅彥字仲美保定清苑人戊辰進士稍遷吏部文選郎晉光祿少卿保定自崇禎己巳虜人犯都城後屢被

卷一

三六四明

約園刊本

侵公多家居常任城守事十六年守城有給事奉勅過

夜半呼城門不開給事怒劾張吏部擅司城鎗詔置不

問十七年春李自成破太原寧武由居庸關入犯都遣

劉宗亮等掠畿內諸郡而北期會都下保定鎮將帥兵

出外新太守尙未至公語兄羅俊曰吾郡爲京師扞蔽

重地今任事無人我里紳不出而圖之奈天子何若不

克濟則死固人臣之分也乃倡郡人登陴爲固守計二

月真定將殺都御史徐標叛降賊人心愈危宗亮下河

間欲北向京師聞保定堅守引兵至距守浹月閣部李

建泰至率親兵入城時建泰有異志其孔家丁爲賊間
公手擒之賊攻愈急建泰在城上阻放礮者同知邵宗
玄憤爭之不能得因欲墮樓死公聞馳救之建泰乃下
時聞京師陷公大慟盡出金帛犒士士無叛志宗亮以
城久不下自殺其將數人示必克建泰乃密遣中軍郭
中杰李勇入賊營約爲內應城遂陷京師破後六日也
公歸家題壁以自誌其處曰光祿寺少卿張羅彥義不
受辱縊死井亭遂自經妾宋氏錢氏子庠生晉幼女一
皆投井死

壽鏞案忠節
錄流二百

卷一

五

四明叢書
約圖刊本

張羅俊字元美羅彥兄癸未進士與弟同守城破公
從眾中出搏賊賊仆公扼其項而齧其面竟嚼一耳賊
至益氣公呼曰我皇明進士張羅俊也汝等罵謂張吏
部霸城者卽吾弟不干百姓事殺吾家足矣賊攢殮之
初賊未至時聞羅彥揭守曰霸城不開者張吏部也及
至此名而罵故公云然子庠生投井死弟羅善庠生
羅輔武進士及眷屬死者二十三人

殷淵字伯淞雞澤人廩生賊至淵與同庠生楊祥麟等
守義以死拒賊三月聞先帝變志圖恢復約山中義勇

五百人乘夜抵縣三鼓斬關直入賊令秦植踰踰出走
呼集國中父老子弟曉以大義發喪行哭臨禮士民感
泣賊復至叛將郝標等內應開門淵與家丁王明血戰
俱爲賊殺懸首城門

壽鏞案忠節錄字仲泓 又案忠節錄作事洩爲僞知縣手刃與此

吳

張履旋字□□陽城人吏部尙書張慎言之子□□舉
人贈御史

劉永昌字肇熙南京兵部掾勦總兵□□人甲申三月
率兵勤王至揚州九龍橋文信國祠前得先帝凶聞慟

壽永事正錄卷一

四十四明藏書

約園刊本

哭仆地諸軍各懷貳心公夜坐徘徊帳中望闕遙拜稱
罪者四遂投橋下死史闕部疏於朝乃勒石旌其處

許琰字玉重長洲人邑庠生五月一日聞北都陷痛哭
呼天徧請當事起兵誓以身殉夜解帶自縊家人解之
復至呂仙祠自縊陸道士救免投胥江值潞藩舟援之
出贈以金不受之其徒丁鉞武家宿又欲赴水身臂遍
書崇禎皇帝四字宛轉哀號路人流涕次日鉞武往報
其弟勸之歸進以飯曰聖天子如此慘亡我何忍下咽
嚼甌吞之喉腫嘔血吐舌寸餘而絕琰生平志行矜卓

年十七封股愈母疾者再忠孝乃天性也贈五經博士

壽鑄案史言班絕粒死與此異

又案志節錄亦絕粒食死

臨絕口授詩

壽鑄案忠節錄二章此爲第一

平生磨礪竟成空國破家亡值眼中一介書生難殺

賊願爲厲吏效微忠

陳詠橋曰此老訛奪處俱仍舊鈔本偶有所疑簽

之書眉尙嫌草草也此集文筆甚好不但可備掌

故

善交亭正氣錄卷二

明鄭高宇泰篋菴撰

縣後學何樹崙附註

後學馮貞羣補註
張壽鏞

乙酉紀

璧菴曰天醉之說邇來論者多援之然以先皇帝而使之亡國天則醉矣然以酣淫貪戾之君若臣而能上之可參於建武次亦不失爲建炎亦必使天醉而後可也乃論者謂虜乘建瓴之勢卽非馬阮之奸恐

善交亭正氣錄 卷二

一四 明 叢書
一約 國 刊 本

亦難支是殆不然漢忠武曰成敗利鈍非所逆睹然曰漢賊不兩立不討賊亦亡是忠武已睹其敗且鈍矣而諄諄於親君子遠小人何耶明知其時之不可爲然必盡吾力以濟之故雖身死之後尙有公琰文偉諸才爲之周旋其後是以久而後失也若乖張忝縱反速之禍而爲之逆信其時勢之不可爲而怨之豈通論哉賈生言子嬰有腐主之才僅得中佐山東雖亂宗社可以不絕而班固顧非之然以南都再造何至遂同子嬰之時哉如謂史閣部之分可當宋李

伯紀而黃靖南足並斬鄂余亦不謂必然但當時若
得一有爲之主使二臣內外其閒振舉一切痛哭誓
師上呼九廟之靈下鼓萬民之氣天下事未可知也
唐宰相裴樞不輕以太常卿子人歐陽公信其不死
尙惜一卿其肯以國子人乎今以兩人之殉節烈烈
如此使其當國必不至苞苴公行小人彙進爲誤國
賣君之賊也明矣論者又謂淮上諸鎮驚桀不用命
史公亦何能爲僅據督師之空名於上而已夫史公
無片言得行於朝復何能得展尺寸乎諸鎮中高傑
劉澆清實甚傑密句虜於其殺也史公有力焉而馬
士英誤之遂爲虜南下之由寧無恨哉初北邊夷漢
丁總兵者史公舊將也聞南都立帝率兵入衛各軍
疑其引虜至欲格之史公力保其不然因遣使齎手
書往至則具香几迎以入跪而啓之因涕泣爲使道
使曰公誠心入衛外人未知公心若單騎與我入見
史公則公心益白矣於是如使者言令副將許定國
將其軍而已自馳入史公大喜爲之奏請許自爲一
軍已嘗虜高傑請護之歸遂殺之於無爲境上欲并

其軍定國懼以兵歸傑乃結傑左右營將曰與高會
盡得其歡心一夕定國命己腹心與傑營將飲已則
與傑飲遂斬傑於酒間蓋史公密令之也傑妻訴於
朝士英卽令其妻將傑軍又得其重帑厚郵傑定國
乃自疑叛降虜初虜猶豫不敢南下定國輸以虛實
力贊之遂大舉渡河矣小人之禍國也可勝道哉

壽鏞案乙酉紀序亦見續甬上耆舊詩傳與原文
仍有出入附錄於左

天聽之說邇來論者多援之然以先帝而使之亡

漢文正氣錄 卷二

三四明徵書

物類初本

國天則聽矣若以酣醉貪戾之君若臣而上可參
於建武下亦不失爲建康亦必天使聽而後可也
論者謂北方乘建瓴之勢卽非昏主奸臣恐亦難
久是殆不然諸葛忠武曰漢賊不兩立不討賊亦
亡又曰成敗利鈍非所逆觀是忠武亦知漢之將
亡而敗且鈍矣而諄諄於親君子遠小人何耶明
知其時之不可爲然必盡吾力以濟之故雖身死
之後蔣費諸公尙支其緒不至黃皓不斬也若乖
張縱恣逆信時勢之不可爲而反速之君子反從

而恕之豈通論哉如謂史閣部之才可當李忠定公而黃靖南足並鄂王輩予亦不敢信然但當時若得一有爲之主使二臣內外其閒上呼九廟之靈下作士民之氣振舉一切痛哭誓師天下事未可知也閣部爭福王之不可立危疑任事身已不安僉人爭進益無所容馬士英挾定策之恩奔走海內阮大鍼輸數萬金錢以訂交破鐵案而起之當是時朽木寒灰咸冀生色三山鍾阜之下筆金而馳殺交擊也先帝自經隕身之慘乃爲臣子彈

冠結綬之慶痛何忍言河上數百萬甲兵仰籲縣官金粟且不及夕而縣官方且飾費遴遴支費繁興午朝不宣庚呼不諾士英將以徇君欲而固其私彼小人曾不自計禍敗哉志爲貨劑神則泪矣於是閣部在淮兵不及淬其刃馬不及整其鞍而江流已斷或曰弘光福世子也逆案中人故先黨於鄭氏嘗欲立其父福王者故士英以之結其君子謂弘光何嘗知爲天子止知淫酗而已卽士英何嘗知爲宰相但知貨寶而已阮大鍼楊維垣之

徒何嘗知爲百執事但欲洩其從前之憤而已此
蝗蝻錄所由出也吾友黃太沖曰甲乙之變曾未
一年弘光之酒色幾何而東南之金帛盡入於土
英士英之金帛幾何而洛蜀之恩仇盡快於大鉞
豈知酒色金帛恩仇忽焉不知所有乎逆案之將
翻也士英就錢謙益而啗之曰黨人不謂不抑矣
今需人之日破格爲先必自公翻之當掃黃扉以
俟公也謙益欣然爲之出疏及虜兵至又受爵焉
嗟乎謙益且然其他尙何足尤哉乃又重之以左

雲南正集 卷二

五四明 嚴書

約開傳本

兵避賊之變靖南并不得死真州而死蕪湖矣貞

宋武都有二西野哭
詩見續甬上耆舊詩

凌駟字龍翰歙人原名雲翔初舉於鄉以磨勘黜後得

復改今名癸未舉進士李建泰爲督師公以兵部郎監

軍至真定遇賊建泰降公不從爲賊所砍不死臥道旁

一僧見而識之負歸其舍漸瘳而賊求公尸亟僧懼公

語僧同郡多商於濟寧爲標客僧潛送公至濟寧乃得

歸弘光朝巡按河南姪潤生以官生爲軍前監紀乙酉

二月二十八日抵任三月十六聞警赴歸德十九誓師

廿一虜師至公力捍孤城守城諸將迎降公冠服坐堂
上大罵通使至與之語公正色曰我頭可斷身不可從
向左右曰此一塊地當與我始終矣頃之持虜詔至公
裂之厲聲曰我奉命代巡已卅月旣不能滅此朝食又
不能堅壁以守是天下第一罪人也何取我負罪之人
而官之爵之乎少閒豫王下赦罪之令設誓於上曰如
殺巡按卽如殺我公拒之益力同濶生後堂服毒自裁
官將吏民先奉豫王令如巡按不降城卽洗因密聞於
外於是排門入哀號若雷公亟拔刀自刎眾強奪去公
歎曰與其慷慨而歿及小民毋寧從容而善全大節遂
持銜刺單騎往濶生怒形於色執轡從之豫王喜曰今
天下尙有烈丈夫耶靜處一室命劉兵道蔡知府守之
公作遺疏并勅書密旨各一通因令標官吳國興齎奏
南京印口預投井中又作遺豫王並家書題詩衣帶間
兩人睡熟自經濶生亦題詩衣帶而縊豫王聞之乃殺
守者二人送公尸六忠祠卽祀睢陽六人處也公贈兵
部左侍郎濶生字玄性贈御史

遺豫王書

駟世受國恩不克有濟天乎人乎報之以死駟誼盡矣日昨不及就裁者蓋從封疆人民起見今事既不可爲正駟從容就義之日也願貴國尙存初志永敦隣好大江以南不必進窺否則揚子江上凌御史卽錢塘江上伍相國也承貴國隆禮義不私交裘帽革烏繳入炤收姪潤生相從殉義以愧天下爲人臣而懷貳心者絕筆不文仰惟炤宥

大明弘光元年三月二十三夜巡按河南監察御史凌駟具

書卷正集錄

卷二

七

鳳翔樓書
約園刊本

題白箭衣詩四首

艱難歷盡枉徒然謝世長歸碧落天從古文山能有幾不如仗節學平原

事親無日事君無才從容就義目開心開

叔盡忠姪盡烈炯炯雙魂千秋凜凜

心愈峻志愈厲肥馬輕裘忠貞不易

玄性題內衣詩

鞠旅陳師誓大川時乎不利悵徒然偃臥沙場聲一嘯鞭馭青黃遊上天

一層黃土一層人白骨何嘗不有生愚人認作千秋
計壯志多牽兒女情看得破識得真飄然撒手便長
行天涯叔姪真知己長嘯同歸入杳冥

左懋第字蘿石萊陽人辛未進士吏科給事慷慨多大
節馬士英忌之知公會糾馮銓銓時爲虜相乃令公偕
陳弘範馬紹愉講和計銓必殺公公決計不返條上戰
守數事而行途中不與弘範深言惟勉以立節而已至
燕斬衰而入言須哭臨先帝送之四夷館公曰此中國
所以待夷狄者吾不往乃館鴻臚寺公不肯易凶服且

等文亭正氣錄

卷二

一四明叢書

一約園刊本

爭禮不屈弟懋泰先降虜來謁公大呵之不許見後和
議不成三人還至滄洲虜忽飛騎追公回欲降之堅不
屈復禁之及南都陷使來言曰江南已下新君已擒若
不降何待公哭曰吾所以不死者尙圖復命耳今國家
已破死已晚矣以背向上大罵乃殺之臨刑攝政王密
令卒沿路勸之公詞愈厲至西市叱用刑者使速殺殺
時無血湧白乳滿地白氣冲天日色昏黯監殺者驚仆

幾絕

貞羣乘陳濟生撰左司馬傳云字仲及號蘿石

遣使通好乃拜懋第兵部右侍郎兼右僉都御史與左
都督陳弘範太僕少卿馬紹愉偕

鸞鑪案史載初館

之鴻臚寺改
館太醫院

弔文山疊山

調用文山沁園春

貞羣案二一
詞爲左忠

貞公集
所遺

忠臣孝子兩全甚難其實非難從夷濟死後君臣義
薄綱常掃地生也徒然宋有文山又有疊山青史於
今萬古傳他兩人父兮與母兮亦稱大賢 嗟哉人
生易盡百年姓與名不與人輕賤想多少嗤愚稽首
遊魂首邱胡服也掩黃泉丹心照簡千秋廟食松柏
聳天風不斷堪歎他時窮節乃見流水高山

李文學正氣錄 卷二

九四明叢書

約園刊本

讀列仙傳有感仍用前調

箇生晦朔蠅亦春秋人世堪羞看乾坤不壞日月長
生水火不滅儘有來由赤松浮邱希夷鍾離都是精
神猛自修人閒世卻不斷愛根日事名謀 嗟嗟駒
隙攘攘何求把神仙種子新參透除卻那愚癡不忠
不孝不廉不恥悠汎之儔麟閣將畫天台不遠黃鶴
刷羽待人遊海山中那藥苗空老把臂浮鷗

有僧名祖心字函可廣州人與左公弟大來相慶和今
讀其和左大來二律亦一奇僧也亦以事繫獄未改爲

何事而大來始末亦須詳之

謹案萊陽姜埰有詩爲左公作今附錄於後

注

後學何樹崙附

北使爲先帝傷心淚欲沓黃花一徑去白草五陵過
露井金瓶冷橋山鐵馬多河源無覓處漢節竟如何
劉洪啓號孺子河南人避寇結寨山中善戰賊不敢近
毅宗已授之弁職李賊犯闕洪啓殺僞官守城弘光時
加總兵虜師至執入京連與虜書略云旣欲臣服中國
當爲中國令主當令士民無恙先朝陵寢不當毀伐先
帝子孫所宜賓禮柰何反之語極激烈殺之

卷一

十一

十四朝叢書

繪圖刊本

史可法字憲之號道鄰祥符人錦衣籍戊辰進士北都
陷時爲南兵部尙書馬士英之立福王也公與高弘圖
徐石麒姜曰廣郭維經李清等遺書士英極言福王之
立有七不可士英銜之以鳳督印封貯此時士英已有
排斥正人之意矣福王旣立晉武英殿大學士督師揚
州乙酉四月初一聞北信亟卽至泗州策沿河防守總
兵張天祿李成棟等降虜初四調赴江南以逼左師卽
飛抵浦口隨詔回守揚卽日趨泗而守泗鎮將李世春

王之綱亦降乃馳回揚泣諭士民登陴爲死守計十五
兵薄城下豫王卽令世春至濠城說降公大罵之世春
又令鄉約持豫王旨至公投鄉約於水中死次日又屢
接虜書皆不啓火之攻益急監軍高岐鳳總兵李棲鳳
俱踰城降公知勢不可爲十八呼副將史得威入持之
慟哭託以後嗣乃書遺疏一遺書五囑曰我死幸收葬
高皇帝之側如未能卽瘞梅花嶺可也又慮城破軍亂
致有失誤復書遺疏及書作副封別付家人史書藏之
二十虜軍復持書至防守彌力廿五攻益急公拜祝天
以礮擊之傷虜軍數千日午城西北角忽崩兵遂入公
自刎不死引首命得威刃之得威不忍參將張友福同
數十人急掖公下城從小東門出追者至友福死公問
追者爲誰得威答云豫王公曰吾得罵賊而死足矣大
呼史可法在此兵眾愕然遂擁至南城樓豫王待以上
賓之禮且言前令人再三致詞俱蒙先生叱回今忠節
已著先生爲我收拾江南當重用先生公怒曰吾天朝
首輔豈肯苟生作萬世罪人可速殺我從先帝於地下
因大罵豫王曰旣爲忠臣當殺之以成其名公厲聲曰

城亡與亡我意已決臣誼當然豈爲名乎但揚城數百萬生靈萬不可殺乃慨然就戮遂傳令屠城得威已逸去骸積如山公尸莫可辨六月初十日得威回揚其書初寄鹽商段氏遭殺戮已盡從破篋廢紙中簡得之持至南京上太夫人丙戌清明後一日舉袍笏卜葬梅花嶺

上太夫人書

不肖男可法遺稟母親大人男在宦途十八年諸苦備嘗不能有益於朝廷徒致曠遠於定省不忠不孝

筆案正氣錄

卷一

十二風明叢書

約圖刊本

何以立於天地之間今以死殉城不足贖罪望我母委之大數勿過傷悲男在九泉死無所恨得副將史得威完男後事望母親以親孫撫之四月十九日不肖男可法泣書

貞羣案史忠正公集男作兒何以作何頤殉城作殉誠我母作母親大數

作天數勿過傷悲作勿復過

傷死無所恨作亦無所恨

遺夫人書

可法死矣前與夫人有定約當於泉下相候也四月

十九日可法手書

遺叔伯兄弟書

叔父大人長兄三賢弟及諸弟諸姪揚城旦夕不守
勞苦備嘗落此結果一死以報朝廷亦復何恨獨恨
先帝之仇未復是爲恨事耳得副將史得威爲我了
後事收入吾宗爲諸姪一輩可也勿負此言四月十
九日可法書於揚城西門樓

付史得威絕筆

可法受先帝厚恩不能復大仇受今上厚恩不能保
疆土受慈母厚恩不能備孝養遭時不偶有志未伸
一死以報國家固其分也獨恨不能早從先帝於地

忠文正氣錄卷一

十三 明被書

約圖刊本

下耳四月十九日可法絕筆

初上弘光帝疏

貞華案此疏史忠正集作請出師
討賊疏字句有同異而大體無出

入

痛自三月以來陵廟荒蕪山河鼎沸大仇在目一矢
未加臣備員督師死不塞責晉之末也其君臣日圖
中原而僅得江左宋之季也其君臣盡力楚蜀而僅
得臨安蓋偏安者恢復之退步未有志在偏安而遽
能自立者也大變之初黔黎灑泣紳士悲歌猶有朝
氣今兵驕餉絀文恬武熙頓成暮氣矣屢得北來塘

報皆言虜必南窺水則廣調利船陸則分布精銳黃
河以北悉染腥羶而我河土之防百未講一人心不
一威令不行復仇之師不聞及於關陝討賊之約不
聞達於虜庭一視君父之仇置諸膜外近見虜示公
然以逆之一字加之於南辱我使臣蹂我近境是和
議固斷難成也一旦寇爲虜併必以全力南侵卽
使寇勢尙張足以相拒虜必轉與寇合先犯東南宗
社安危決於此日卽卑宮菲食嘗膽臥薪聚才智之
精神而枕戈待旦合萬州之物力而破釜沈舟尙恐
無濟於事以臣窺廟堂之作用百執事之經營殊有
未盡然者夫將之所以克敵者氣也君之所以馭將
者志也廟堂之志不奮則行閒之氣不鼓夏之少康
不忘逃出自竇之事漢之光武不忘蕪蕪豆粥之時
臣願陛下之爲少康光武不願左右贊御之臣輕以
唐肅宋高之說進也憶前北變初傳人心駭震臣等
恭迎聖駕臨莅南都億萬之人歡聲動地皇上初見
臣等言及先帝則涕泗沾襟次謁孝陵贊及高皇帝
高皇后則淚痕滿袖皇天后土實式臨之曾幾何時

可忘前事先帝以聖明罹慘禍此千古以來所未有之變也先帝崩於賊恭皇帝亦崩於賊此千古以來所未有之仇也先帝待臣以禮馭將以恩一旦變出非常在北諸臣死節者寥寥在南諸臣討賊者寥寥此千古以來所未有之恥也庶民之家父兄被執尙思陷胸斷脰得而甘心況在朝廷顧可膜置以臣仰窺聖德俯察人情似有初而鮮終改德而見怨以虜之強若彼而我之弱如此以虜之假行仁義若彼而我之漸失人心若此臣恐恢復之無期而偏安未可保也今宜速發討賊之詔嚴責臣與四鎮使悉簡精銳直指秦關懸上爵以待有功假便宜而責成效絲綸之布痛切淋漓庶使海內之忠臣義士聞而感憤也國家遭此大變皇上承此大統原與前代不同諸臣但有罪之當誅實無功之足錄臣於登極詔裏將加恩一款特爲刪除不意頒發之時仍復開載聞虜庭見此亦頗笑之今恩外加恩紛紛未已武臣賜王直等尋常名器濫與於斯爲極以後似宜慎重專待真正戰功庶使行間之猛將勁兵有所激厲也至行

兵討賊最苦無糧搜括既不可行勸輸亦覺難強似
宜將內庫一切本折盡行催解湊濟軍需其餘不急
之工程可已之繁費一切報罷朝夕之宴衍左右之
獻貢一切謝絕卽事關典禮萬不容已者亦宜概從
儉約蓋賊一日不滅虜一日不歸卽有宮室豈能宴
處卽有錦衣玉食豈能安享此時一舉一動皆人心
向背所關虜兵窺伺所在也必吾皇上念念刻刻止
在二祖列宗之鴻業先帝之深仇振舉朝之精神萃
四方之物力以併力於選將練兵報仇雪恥之一事
庶使人心猶可鼓天意猶可回耳臣待罪行閒不宜
復預內政然安內乃攘外之本故敢痛切密陳惟陛
下留神省察

檄菴曰史公初爭福王之不可立與同爭者皆不久
於其位獨公以危疑任事身已不安儉人爭進益無
所容其剛正樸忠內積不能自已於言公豈不知未
信爲謗哉彼馬士英者挾立主之恩奔走海內疏中
所云加恩一款正士英之鐵山丹穴也阮大鍼輸數
萬金錢於士英醜交若醴破鐵案而起家當此之時

朽木寒灰咸冀生色三山鍾阜之下輦金而馳轂交
擊也先皇雖經隕身之慘乃爲臣子彈冠昂首之慶
痛何可言彼河上數百萬甲仰籲朝廷金粟且不支
夕而朝廷方且飾宮選嬪枝費駢興午朝不宣庚呼
不諾士英將以殉君欲而固其私彼小人豈不自計
禍敗哉志爲貨劇神則汨矣內無清明志氣何以處
國家事靜默經營一周萬慮而布之間爲彌文虛
飾左支右吾彼且以爲黽勉從事不敢告勞也公之
言曰晉甘圖中原而僅得江左宋盡力楚蜀而僅困

臨安余則謂晉得一祖述宋得一宗澤而俱不能用
其中原楚豫之事亦無足言然二人之在當時雖恨
弗克終事尙得經營數載於有皇集國之際呼動人
心振驚敵志綿將絕之氣而立既潰之防其後國家
稍能自立皆因於此史公之時宮府乖張召討旦暮
莫必兵不及淬刃馬不及整鞍而虜鞭已斷江流矣
雖有士雅汝霖之志安所施其用乎徒畱此不入耳
之空言令後之讀之者咨嗟感歎於斯際而已弘光
帝奔黃埔南於當湖士英不知率宮眷而趨浙監國

時依方國安軍中錢唐既降尋被殺時大賊赫然虜
官矣不知其構而殺之與抑坐視其死而不救也大
賊從虜入闕於山徑閒見馬士英馬前大驚墮馬死
矣虜棄其尸壑中而去

吳爾璵字吹伯崇德人癸未進士降賊逃歸自憤載去
一指願投史閣部軍前效用以死自誓揚州被圍自淮
安單騎赴難至高郵死之人俱稱其能自新也

任民育字□□濟寧舉人揚州知府城陷衣吉服持印

登堂兵至不屈死

齊鑑案罪惟錄字時澤

蘇文正公集卷之二

十六四明叢書

約園刊本

張伯鯨字繩海江都人丙辰進士甲申春以兵部左侍
郎予告家居高傑兵亂親友咸勸之南徙公曰淮揚南
都屏翰吾大臣也不可去留此以爲民望乙酉四月虜
師圍揚州公與史閣部分門抗守城破遇害

許德博字元溥如皋人父之卿爲里塾師博幼隨父學
性耿介兒時讀書見忠孝事則躍然喜至奸邪則怒形
於色或睹奸邪像必塗其面久困童子試北京陷號哭
不食者數日次年揚城破又數日哭不肯薙髮父婉諭
之焚香拜先帝及祖祠翦髮爲頭陀刺字兩臂曰生爲

明臣死爲明鬼刺胸前曰不愧本朝雖時盛暑不解帶
妻子亦不知也有宗姓首其事爲縣隸所捕酷拷之不
屈令斬之言笑如常惟以父母失養爲言觀者如堵爭
識其面曰無庸識我面但當知我心使人人盡如我心
夷狄安得入中國乎刑者令之跪大訶之向西北立曰
今日得見先皇大快矣終不跪推仆斬之

絕命歌

念我高皇兮祚啓靈長列祖纘緒兮文德輝煌國步
多艱兮寇賊跳梁龍馭升遐兮醜類獷狃率土皆臣
兮使我痛傷矢志金石兮鏤骨靡忘此懷未展兮罹
此禍殃囹圄空闕兮枷鎖馨香我節已明兮視死如
常含笑九泉兮得見先皇大明恢復兮再覩冠裳我
雖幽冥兮魂魄翱翔

臨刑詩

一念從軍積已深於今地下得相尋
兒曹不必收遺骨留觸人閒起義心

王士禛字□□揚州府諸生城破書大行皇帝黃紙牌
位於中堂同弟士璠士珍衣青衿對縊死

高孝續字申伯江都諸生城破巾衿衣縊於先師座右
兄孝誌亦殉難孝續有題衣帶詩云首陽志睢陽氣不

貳其心古今一致

壽鏞案忠節錄作孝續

饒餘字吉人江都縣諸生死揚州之難□□□□歛人

鄭履聲有弔高及饒詩頗佳行當存之以志信

壽鏞案忠節錄

自縊死

馬純仁字朴公六合諸生年十八未娶聞欲薙髮六月
廿二作詩付其妹曰吾三日不歸以此與父母可也乃
袖大石投浮橋下死

卷之五十五

二十四明徵書

約園刊本

自銘

朝華而冠夕夷而髮與喪乃心寧喪乃身明馬處士

朴公純仁

謝一魯壽州諸生薙髮令下餓死

高倬字雲章號枝樓四川忠州人乙丑進士知德清縣
調金華行取擢河南道御史左遷歷大理寺寺副轉尙
寶司少卿遷太常寺崇禎十五年遷南京太僕寺卿擢
提督操江僉都御史生平剛潔正直弘光立以翊戴功
陞刑部侍郎十二月刑部尙書解學龍革職以倬代之

虜兵至公於五月十五一作十六冠帶縊於署中一作仰時藥死

以為南都死難第一虜怒其不同百官迎沒其家壽鑄案此

傳元有脫文今據野史補

張捷號赤涵丹陽人癸丑進士崇禎時為吏部侍郎吏

部尚書缺先帝召九卿給筆札令各舉可用者捷薦呂

純如故逆黨中人也即為科道褫劾遂回籍弘光立吏

部尚書徐石麒不合於馬士英去位即以捷代南都陷

縊於雞鳴山寺時五月十一日壽鑄案福王立時初拜工部右侍郎

楊維垣字斗樞文登人丙辰進士以逆案被黜終先帝

壽鑄案正氣錄卷二

三十一國明叢書約園刊本

之世不錄弘光時起為通政使虜兵渡江先令人掘一

深塹將家人活瘞之乃自經壽鑄案忠節錄字斗樞順天府彭城衛人

檄菴曰馬士英之起逆案也或曰弘光帝福世子也

案中人故先黨於鄭氏嘗欲立其父福王者也故士

英以之結其君心余謂弘光何知一日為天子止知

淫酗而已即士英亦何知一日為首輔止知貨寶而

已而阮大鍼楊維垣之徒錮溺已久一旦得舒眉宇

即欲舉從前之恨而洩之於是以復社為東林苗裔

而降賊之周鍾陳名夏故社中人因欲甘江南名士

之口而盡瘞之此蝗蝻錄所繇起也大獄將興而虜
渡江矣嗟乎宗社亡矣而東林之名不亡不大可笑
哉夫所謂東林者止顧憲成講學之徒也後凡與鄭
氏魏闡爲難者時概目之爲東林亦自人指之云爾
然其持議也正其得名也顯矣故學士自好之流咸
樂得而道之崇禎時江南文人爲復社此張溥等爲
會文而立於東林何與焉乃惡黃道周者以之嫁禍
而云主之者道周於是下道周獄以報劾楊嗣昌之
奪情入相也嗣昌者故不與東林者也夫惡道周止
攻其身已耳必猜猜然攻道周而以復社強附之攻
復社而以東林強附之是東林初無黨而攻之者自
成一黨意中時時一東林與之敵至其迹則似爲鄭
氏魏闡吠厖故被攻者議愈正而名愈起勢自相聯
不期而然馴致諸人不黨而自黨不東林而亦東林
矣嗟乎稱類旣繁指名亦濫豈無一二不肖者出乎
其閒乃輒欲同玉石而焚之不亦暴哉卽案人之將
翻也馬士英就錢謙益而啗之曰案人不可謂不抑
矣今需人之日破格爲先必自公翻之當掃黃扉以

遲公也謙益忻然許之爲之出疏及虜至又從而受
爵焉謙益爲物望所歸者將數十年終以表表之身
爲萬世罪人罵之者亦不過曰自敗身名已耳於其
疇昔所共相期許砥礪之人又何尤乎至如楊維垣
張捷兩人能挽聲名於末路則君子亟收之又烏得
而泯之哉然而亦僅矣

黃端伯字元公新城人戊辰進士素奉佛絕葷自號海
岸道人自寧波司李考選入京崇禎三年分校南直以
病請旋補杭州憂去服闋爲僧入廬山開元寺事沙門

雙溪志正氣錄

卷二

三

四明叢書

約園刊本

雪嶠烈宗下省勘問久之得解復束髮屢徵不出弘光
時姜曰廣薦之且迫之出乃起爲禮部儀注司主事南

京陷

附註五月初十夜上與內臣盧九德出翌日諸臣始追駕端伯弗往保國公朱國瑞集在京拳偵會議得二十餘人人懷異心至日中不決端伯抗聲曰今日之事從駕爲輕守國爲重吾輩當圖其重國爾跌然

識未畢而降表已行矣

高臥不起書禮部主事黃寓此揭之門班

役稟報職名書大明忠臣黃端伯七字付之執見施吳
兩內院公背立不屈內院叱之公曰吾大明主事黃元
公豈肯屈膝於汝虜眾按其項而蹲之不可得時引若
仆焉時仰若睡焉寂如尸乃禁江寧獄

附註在獄言笑如平時嘗謂人

口吾昨歲注易疏疏成夢龜伏吾胸前初筮得明夷之象再筮得箕子之明夷心竊疑之今其踐是夢乎乃作明夷以 豫王召入公遽上坐眾推下席地坐大罵引頸見志

受刃王釋刃歎曰南來硬漢僅見此人時亦不忍殺仍入獄三閱月說降者堅拒之時不薙髮者皆殺獨公與僕某不薙髮僕出入獄中帽書黃主事家人五字或勸其僕薙髮僕曰若薙髮主必不食我飯矣九月十三日令錢謙益入獄中說之公罵曰若甘心降矣何面目見我設非堂上我必毆之謙益怒去內院又召至署中曰爾不願官亦不爾強但薙髮歸山可乎公曰吾志決矣

魯文亭正氣錄

卷二

二十四明報書

約園刊本

不可易矣遂縛至笄橋殺之

附註臨刑時卒手敲刀墜

心卒如其言乃暝年六十一隨前觀者皆持香哭拜魯監國贈太常侍卿諡忠節其僕求殺當

隨主人地下遂同日受刑惜逸其姓名

壽鏞案忠節錄僕名黃寶公

在獄中註楞嚴維摩二經臨刑合掌瞑目誦詩告其僕

曰吾目前有寶光

公有雜詩若俱爲後來別開生面不及備錄

臨刑詩

觀面絕商量獨露金剛王問我安身處刀山是道場
王台輔字贊化南京人口口丙寅歲魏璫正盛三詣京

師上書言事擊其奸狀不得報歸恆悒悒乙酉變作遂
訣戚友曰吾讀書懷古欲捐軀報國誓不偷生乃自縊
於象山之巖自謂無生則數年之中日日皆死日亦日
日皆不死日也公嘗養亡友李杜若孤孀雖竭產亦不
恤也

吳嘉胤

一作嘉胤

字方勛華亭人甲子順天舉人

一作天啓二年壬戌

舉人戶部主事南京陷屢欲死爲家人守之不得閒六月
廿四薙髮令下命二僕攜冠帶至南門外木末亭方正
學福束帶四拜自縊於樹一僕亟救之一僕曰不若成

寄李正氣錄

卷二

三五 鳳明破書

主人節遂死

附註年七十歲遺書六事命致豫王一請善視故君一請勿伐孝陵樹木一請擇江南僻地封太祖裔以備大明賓格一請鑄案

忠節錄號繩如作自縊於宋楊宗襄墓下

龔廷祥字伯興號佩潛無錫人癸未進士弘光元年授

中書舍人長厚有志性號爲龔癡五月廿二日遺書與

子內云奉迎事吾豈甘心事二君乎但吾節不成節義

不成義無面目見先人於地下又引劉湛六馬素修兩

節守節爲言諄諄母老更不及私遂投武定橋下死

附註

女靜昭工詩有鵲紅集以悲其父吳中傳之

榮菴曰觀伯興之詞其殆迎附而後悔者歟於其附

也可譏於其死也可錄歐陽公曰君子之於人也樂
成其美而不求其備況死者人之所難乎

韓贊周字相文陝西鄠縣人南京司禮監秉筆太監每
見弘光帝荒淫涕泣力諫與馬士英不合請告累疏方
允養病於報恩寺僧白成家南都陷墜樓折股死

黃金璽字士彩江寧人武舉兄舉人黃□□自縊大書

於壁曰大明武舉黃金璽一死以愧爲人臣而懷貳心

附註士彩性豪爽任俠嘗欲糾合八浦子弟爲防禦

者計鄰貴撓之曰舉朝有成議矣若自取禍何益士彩

憤甚叩膺大呼號焚書數紙祝告天地而死 壽鏞

案忠節錄士彩姓王一作黃與黃金璽分爲二人

彭性述一作述性九江人南操江水標都司五月十九日全

家投水死

吳可基一作可箕字豹生新安人監生五月十六一作十八日夜

新白布袍題詩於上懷三金書買棺二字縊於雞鳴山

關帝祠壽鏞案忠節錄可箕上元籍休寧人

題衣詩

寒遇□君臣臨危猶保身甘心全節義恥作北夷人

一作一心死國難不作兩朝人 壽鏞案忠節錄作
大義君臣重臨危矢致身操心死國難恥作兩朝人
潘履素江西諸生館於南京汪氏五月十五日縊死

陳士達南京人，不肯薙髮，投水死。

徐搏字□□，金壇人，義不受辱，父子被殺。

湯士鼇，金壇木匠，五十餘聞欲薙髮，哭祭祖父投水而死。

歐敬竹，常州人，善作扇骨，兵至，聚家人酣飲，達旦自縊而死。

石仲祥，常州人，業兒錢，不肯薙髮，語家童曰：如覓我，不得可至忠義祠覓我。遂兩日不歸，家人如其言往迹之，溺池而死。

雲文亭正氣錄 卷二

三十四明叢書
約園刊本

陳用卿，宜興人，善爲沙壺，起義爲虜所殺。

詹承祖，字懷玉，金山橋人，參將乙酉八月十九日虜至，與長子世祿守城，明日城陷，世祿身被四十矢，不屈死，執承祖去，誘之降，不從，虜以刃指其腹，公曰：我祖宗爲官二百八十年，今日之死分也，大笑受刑。

吳應箕，字次尾，池州諸生，負時名，舉義爲監軍，兵聲頗震，虜以重兵臨之，義兵皆鄉民，未習戰，敗奔，箕逃入婺源，祁門山中，追兵至，箕冠帶上座，飲酒，令二妾先自縊，有黃總兵者，執箕併其家口至池州，欲用箕，箕不從，洪

內院令至欲殺箕箕談笑自若隨黃行至四牌坊將加刑箕曰未可須擇一善地至山旁松陰下箕曰可矣卒舉刀箕笑曰吾頭豈汝可斷者乎拱手語黃曰請公動手遂伸頸受刑其絕命詞有半世文章百世人之句

邱祖德字令修成都人丁丑進士由寧國司理調濟南署道事多折衝才未十年至山東巡撫弘光時避亂寧國知時不可爲不出仕虜兵至同寧國錢舉人起兵兵敗被執不屈虜以刃斫其背終不屈支解之全家被害錢舉人亦死初公爲司李時有豪紳爭貧民墳地公斷予貧民民德公立長生牌位祝之至是民收公尸瘞之

己墳側

麻三衡字孟璿寧國諸生同邱祖德起兵於東華陽山被執至南京不屈殺於通濟門外□□□當時吳次尾梅朗山劉宗伯黃太沖侯朝宗及公皆一時正人謂之鈔書社至今或死或隱身名俱全

遺詩一首

吳越連沙漠天人不可留
誤存千尺髮笑看百年頭
若□心猶烈平原事不酬
西風吹苑句空負五湖秋

金聲字子駿一字正希休寧人戊辰進士崇禎己巳虜軍薄都城以庶吉士請自效改御史後家居馬士英督撫鳳陽時調黔兵勦寇枉道新安肆掠公與司李吳翔鳳率鄉勇殲之盡士英劾奏候勘公在道抗疏先帝嘉之復館職未及任弘光時遷僉都御史因士英當國不就南都陷公起義守城受隆武僉都御史印時黃澍降虜詐言反正來謁引虜從小路出其背遂破徽州公被執曰徼民之守我令之也毋戕民第執我去高巾大袖不雜髮者三十人驅至內院門席地坐觀者如堵或呵

之公曰正令彼觀大明氣象也欲見洪內院洪不肯見驅出殺於通濟門外清水塘顏色不變取輿不得掉臂而行臨刑欲縛公曰死則死耳冠不可去不煩汝縛自以手掀鬚曰但絕我氣勿脫我首延頸仰天一刃而絕有蜀僧明慧見之曰此金居士屍汝錯矣今豈有人汝卻要做人不去參禪悟道做甚事千古名雖好一身苦也是汝受若笑若嘲又曰路見死人安得不救遂募十金爲棺斂之邇者報內院亦不問後贈禮部尙書

祖功宗德沁心腸，忍見羶腥穢土疆。
九死靡他悲列廟，一師無濟負南陽。
山勢嵯峨難再見，泉聲嗚咽若爲傷。
相從患難惟金石，厲鬼驅奸訴帝鄉。

江天一字文石歛，庠生金正希。弟子正希起兵爲監紀，
推官及正希被執。天一日：吾師先行，一隨至矣。追之中途，
正希令之歸曰：何與汝事？一從至南京，不離正希。左右承疇既不見正希，臨刑遣人向正希耳語欲勸之，令降也。天一大呼曰：金先生此時千秋一刻矣。正希曰：我曉得遂同受戮，贈兵部主事。

續文正公集

卷二

三十四

明嚴書
約園刊本

和金先生詩步原韻

乾坤顛覆激剛腸，擬馘天驕復故疆。
日月胸中懷北闕，旌旗海上望南陽。
書生力竭猶甘死，冠佩逢迎了未傷。
□矢文山終令節，青虯同駕白雲鄉。

赴金陵過蕪湖宿閔無作館無作索其遺墨爲書

一絕

連日鳥獸同羣，到此忽聞人語。書卷不復相親，一刻

晦明風雨

歛人多有弔文石，
先生詩不及備錄。

題驛一聯

大地山河俱不是 滿天星斗炤何人

謹按文石事親孝所著有驚天集

貞瑩案文石門人洪能承卜公

守其遺稿後爲施虹玉瑣刊行曰江止庵遺集八卷木有文而無詩惜未覩其全也

後學何樹崙跋後

王世德休寧人家亦貧金正希被執至南京必欲從之來止之不可見正希被刑自刎其旁

陳子皮金正希中軍同殺於通濟門外

方國煥字孔文歙人積學修行老而不倦嘗賦詩見志

新安正氣錄卷一

三十四明叢書

約園刊本

精醫學地理各有著述不肯薙髮刺血題詩於壁自縊

題壁詩

鴻毛爲重一身輕忍見河山指日傾世事不堪回首
願身家惟有指心明沾恩槐棘偏難死伏恨蓬蒿不
欲生俯仰乾坤三不愧止留清白在鄉評

洪二魁歙人武舉同項千里起兵爲張天祿所獲殺於
河西橋臨刑願千里曰我輩二十年後又可來殺賊矣
項千里歙人文學與二魁起兵被執同殺有項大忠捐
典鋪助軍兵敗遁去

江秋漢余公讚俱新安衛指揮奉金正希將令鎮守嶺南俱自刎

溫璜字子石號寶忠烏程人徽州推官癸未進士虜兵至自刎於署合家死之

馬嘉字六禮祁門人壬午舉人虜兵至不肯薙髮題詩自縊

題詩

來得明去得明大明之人還大明今日衣冠從此裂
存吾頂髮見先靈

雲文中正氣錄 卷二

三四明故書

約圖刊本

垂髻和尚太湖東山高峯寺僧也名大麼一名炤徹俗姓強揚州人以講師名於世者十餘年嘗語人曰成佛作祖惟此血性若無血性修行十世不能得度南京陷師欲起義而無其資一日見有六大舸湖中去岸可十里許師掉小艇覘之旗刃森列乃散卒避亂者因入其舟見主者略與之言起義事主者許之與歸寺中倡眾起兵從之者千餘人戰必殺傷無算虜怒重兵攻之遂潰師力戰死於臨巖山同戰死者玄珠玄規雲白俱吳人爲僧

槩菴曰宋德祐初宜興一僧名莫謨之合義士拒元而戰死贈武功大夫又文山督府忠義傳言萬安縣有僧起兵舉旗號降魔又曰時危聊作將事定復爲僧旋亦戰死今垂髻之事先後一揆矣偶見人有贈剗股救親僧一絕云寄語色身肝其股送汝先歸極樂天願同世上真男子其結然身斷臂緣垂髻亦云嗟乎夷狄亂華人偷道絕寧止讀聖賢書者宜與之爲難哉

景賢太湖中寺僧不詳其里族曾爲參將某所一巨盜

雲文亭正氣錄 卷二

三四明叢書
約園刊本

有膂力嘗至一山見大石重數百斤盜試舉之人有以告景賢者賢亦至山舉其石問其人曰盜亦如是乎其人曰盜似稍費力於公賢笑曰吾力優於盜盜易擒也遂偵其出入一日盜乘大舸至賢駕小舟往盜舟高可丈餘躍而上不及墮水中復自水中躍登盜舟遂挾盜跳入己舟餘盜駭其力慙伏不敢動遂縛以見某副使副使疑其獲盜必得其貲乃索之賢無以應將得罪乃逸去削髮爲僧至是從垂髻起兵爲先鋒陷陣而歿

黃蜚字文麓江西南昌衛人本姓涂父黃龍撫之善戰

久於邊爲人謙抑下賢士北京破航海歸南京馬士英令守蕪湖防禦左兵虜過江引兵入太湖過松江屢敗官兵官兵因詐爲蜚將士狀追及蜚礮在舵後起蜚力戰被三矢知不可支遂殺其子自刎投江死至於餘卒多聚於天目諸山中所稱爲黃兵者是也

沈自駟字君牧吳江諸生家貧父死遺田三十畝駟每歲春夏之交則貸其粟於人八月稻熟收之每石率多二斗爲息計值反歉於貸粟時人俱笑之駟曰人無稍有利其誰與我如是行之十餘年不變每歲積粟漸多

書卷正氣錄

卷一

三十四 明叢書

約園刊本

後遇大歉盡出所積粟家頗饒壬午八月姚江一友人往訪之駟與言曰天下亡無日矣若濟世非作進士不可然得售不可幾倖須從關節取之吾已備其費千餘金恨厄於督學錄科耳子能爲我圖之乎其友與直指有舊代爲之請以闈期迫不果得遂不得入闈未幾又遇其友曰吾前所積金已買湖中漁舟五百餘艘矣其友笑之駟曰子今不見信後將有驗及北京陷南都立新主駟往謁吏閣部史公知其才欲用之駟辭去語人曰奸人當國史公身尙不能自立其何以濟事乃依巡

撫卮彪佳於吳密勸彪佳舉兵力言南京不足恃時潞
藩在杭朝廷疑忌彪佳恐見猜受禍因循不果駟乃結
湖中豪傑陰爲部署及虜兵南下卽入湖舉兵與其兄
自炳共帥之因推吳易爲主貞羣案吳易字日生俗
誤作易非易古陽字既
而見易舉措失當輒悔然既已奉之不欲背去頃之土
國寶引大兵至時駟同易率數十小舸於分湖猝遇之
舟師不及集易聯六大舸爲一建三軍司命旗於上以
紅紵爲之駟遽令收旗斬其纜令船各散易先乘一舸
遁駟乃以數十小舟伏蘆中以大舟僞遁虜軍見之力

東坡志林卷二

三五四明叢書

約園刊本

追將及義師周天於舵後放礮官兵追舟獨先者應聲
而沒於湖蘆中小舟礮弩齊發駟先令礮矢毋擊敵軍
止斃其舵師於是虜舟無振舵者虜軍不習舟盡伏艙
中不敢動駟引諸伏舟出環而登之盡掉其首而殪於
水中無一還者國寶僅以身免八月十一虜復以銳師
來攻駟身臨矢石力竭遂死炳後與吳易同被執駟爲
諸生有聲素方正與太史張溥善溥嘗至杭駟時亦寓
西湖上溥約與遊湖既入舟有妓自樓下駟卽辭以事
別去舟已離岸卽跳入水中而去蓋以溥服未闕也

呂忠宣字亮工嘉興諸生名士孫爽弟子妻奇妬宣每有所之必以二人隨之刻期而還稍後則宣必受箠管與友一至杭歸稍踰期宣恐囑其友之妻往解曰茲行爲謁天主教師彼教首禁二色夫人可勿慮妻訶曰有我今在何煩天主耶責之更厲吳易起兵宣欲往從託以往謁沈君牧沈素方正妻許之至則不能即歸宣竟不敢歸妻恚曰我令不行於彼乃若是耶遂縊而死及君牧敗宣被執解至浙撫蕭起元孫爽遽入謁起元言宣爲己弟子百口保之起元曰若何保作賊者爽正色曰宣起義非作賊也起元怒箠四十而殺宣爽字子度崇德諸生

雪交亭正氣錄 卷二

手六 鳳明叢書

約閣刊本

葛麟字蒼公丹陽人壬午舉人潛身從通城王至長興起兵約二萬人乙酉八月廿八與虜戰於湖中麟肥偉手持支矛隔水刺數十軍於舟中應手而倒虜軍指曰長而肥者葛也眾矢齊發投水而死

文乘字應符恩蔭父文肅公乘同其兄秉

附註國變後隱居竹塢按

討思陵遺事成書八卷即烈皇小識也

捐資助吳易起兵爲其家匠役所

首土國寶逮乘及姊夫張封乘叱乘曰此吾不忘國恩

何預汝輩事慷慨獨任肆罵不已國寶釋秉及封而殺之至死詞氣愈厲

吳福之字公介武進人鍾巒之子時鍾巒在南雄福之舉兵太湖與虜抗三月戰於小湄力竭被執不屈年二十六福之嘗上其父箋言天下事無非兵理處今亂世非將略兵法無以處事馭人杜牧註孫武子云得其一二者爲小吏盡得其道則可爲大吏也今見當時統數百兵輒譁矣大吏見數十亂民卽倉皇矣有地方之責者凡其地弁將營卒縉紳耆老吏胥隸役以及於盜賊

李本正氣錄 卷二

三七 明叢書
御商刊本

土豪無不留心著眼以法糾結部勒之密口有心腹爪牙之用則猝有事變可以制置鍾巒深異其言後虜至鍾巒留廣中遣人以書示福之言汝讀書懷古當此之時何以自居舍生取義彼丈夫也比至福之已死矣魯之瑱字瑟若流河參將蘇州衛百戶以世職累官至福山副總兵乙酉六月虜軍至率五百人入城大戰斬殺不可勝計圍虜於白塔寺放火欲焚之虜兵亟突出因無馬不敵死焉

孫兆奎字君昌丙午舉人吳江人同吳易起兵乙酉八

月二十一營破被擒至南京見洪承疇進云孫舉人有一言問明卽死無憾洪曰試言之公曰先帝時有一死節之洪承疇賜葬祭建坊祠表其忠烈今又有一洪承疇是一是二承疇曰汝莫管他汝只作汝一人事疾驅出斬之

侯嗣曾字豫瞻號廣成嘉定人天啓五年乙丑進士左通政南京陷同里中黃淳耀倡義守城家貲不滿萬金盡出犒士其母出其送死衣服數襲散軍公不忍母曰吾得布衣入木足矣虜攻之數日殺傷甚多力竭城陷

書卷二

三十四明叢書

約圖刊本

公亟歸拜老母哭曰兒不能終養矣虜兵入梟斬之

投之死年五十五

門人私謚曰文節

子玄演字幾道

一作九道

玄潔字雲俱一作雲居玄澗字智舍皆名士伏尸慟哭演潔俱被害澗得免

棄妻子爲僧未幾死於杭之靈隱山中時有金秀才者逸其名嘉定南門人也虜將李成棟梟公首於縣治秀才夜竊之而歸藏於書篋數日家人入城殮公尸方悲失其首俄聞哭聲漸近則秀才昇書篋奉公首而進

張錫眉字介祉

一作介

松江人徙居嘉定庚午舉人侯公

起兵公守南門殫力禦之乃有導虜兵自北門入者侯

公適至公所公曰事去矣各自裁侯公曰予一辭老母死耳公曰吾無返家爲也卽此別先生矣拽袍帶而縊於城西之闕帝座右

黃淳耀字蘊生嘉定人崇禎十六年癸未進士與侯公舉義城破奔匿西方菴僧舍中問侯公何在僕曰死矣歎曰吾與侯公共事先生死吾何獨生舉筆書壁數行而縊

書壁

讀書寡益學道無成進不能宣力王朝退不能潔身

雪交亭正集錄 卷二

五九 明叢書

約園刊本

遠引耿耿不沒此心而已如奴氛旣靖昭代復興論世君子其知我懷大明遺臣黃淳耀自裁於城西僧舍

黃淵耀字偉恭嘉定諸生兄淳耀將自裁語兄曰兄以出身分宜死弟豈甘爲夷狄民哉兄如念我弟其先死耳縊於屋梁之西而淳耀在東

夏雲蛟字啓霖嘉定諸生家貧好學城破痛哭閉戶自

經

馬權奇字逸甫嘉定諸生年七十糾諸生唐昌等二十

餘人練鄉勇助侯廣成及侯公歿遜甫及諸生死者凡十四人夏雲蛟亦其一也

徐汧字九一號勿齋長洲人戊辰進士以少詹事家居虜兵至赴水死

蘇州人陸耒字陶瑞出勿齋門下有香草菴詩爲徐先生死處

人在蛟宮渚殿頭寂寥遺徑草悠悠一椽留塔孤僧影千載空浮碧水流
口樹夜鳴丁令鶴荻花風散屈平秋可憐香草題名處幾箇羊曇灑淚遊

靈臺志正氣錄卷二

四十一明叢書

一約園刊本

項志寧常熟諸生因欲薙髮大哭觸石碎首死

顧所建字東吳蘇州老諸生乙酉五月虜尙未至投泮池死題詩於臂有七十年來似鱸魚云云方巾布袍挺立不仆生儒百姓聚而哭之

陸明永字嵩年丹陽人壬午舉人教諭華亭未一年京口陷遺書與其子本采輯三人矢志死殉未幾薙髮令至曰頭可斷髮不可去八月初三書絕命詞於明倫堂遂遇害

遺子書

論本采輯等氣運時勢遂至於此言之痛心我本小
臣散秩可以無死然我之必不能生人不能知也平
日以節義自命亦常以勉人今乃兩截可乎一也賦
性鯁直觸景輒動今能改變乎二也且我之名命之
於父不可更易則生時已定安可勉強今能自逃於
命數之外乎三也人生如電父子相聚亦是偶然終
有大決絕處我自行之坦然但無以遺汝輩是我歉
然處耳言及此亦是葛藤

絕命詞

五本李正氣錄卷二

四十四明峻書

約園刊本

明命其永嵩祝何年生忝祖父死依聖賢

夏允彝字彝仲號駿公松江人丁丑進士初知福州長
樂縣以才擢吏部主事未幾以憂歸虜軍至匿居山中
兄某先投附虜大索執其兄問之兄素無行遂導執公
公語執者曰須冠服往拜先冢然後薙髮乞假我須臾
執者許之既至拜訖遂投冢前池內死其兄聞之歎曰
嗟乎吾弟焉得有我之爲兄乎遂往縊於先師廟其兄
素爲人所不齒至是人並稱之踰二年公子完淳與陳
臥子起兵以死

絕命詞

少受父訓長荷國恩盡心報國矢以忠貞南都既覆

猶望中興中興望杳何忍長存卓哉吾友虞求

徐石
麒

廣成侯嗣勿齋繩如徐子才蘊生黃淳願盲從之握

手九京人孰無死不泯此心修身俟命敬願後人

徐愈祖字無念華亭人文貞公後也虜軍至聚其家十

七人狂泣放飲謂其妻女曰吾祖清白傳家奈何以身

受辱台門縊死縱火焚於堂遂躍入火內死

李待問字存我華亭人癸未進士中書舍人善書爲虜

壽文正氣錄卷二

四三 明叢書

約園刊本

所殺壽鏞案原本空
二行今仍其舊

徐石麒字虞求號寶摩秀水人壬戌進士弘光時起家

吏部尙書致選科道以忤馬士英而歸士英悉反其案

盡用其私人次年泊壙海昌歸語所親曰春行暮矣夏

杪竣役爲佳時事如此恐不及待未幾南京陷駕一小

舸遊鴛湖煙雨聞垂五十日義吳敗泣曰先皇上賓我

忍死須與國報國耳今不能矣然當就死於城中乃作

就義遺筆十則閏六月廿五入城至里門問從者有攜
得帨帕者乎膳夫沈元以一帨進次晨縊於屏間諸僕
救甦大訶曰我待若等不薄何不成就我事案前帨已
火之矣固索得機紗八尺自經死公死時書於機上云
無力可能扶社稷有心不得斬樓臺後祖敏李成並以
襪線縊公肘旁及虜軍至其門曰忠臣之門戒七月
初九口口延僧薦之僧奉其尸封書庫中廿一虜兵去
予乃入斂已踰廿五日顏色如生斂時左袖置木主曰
明心孝寶摩徐公神位右袖置兩詩扇各存款號一如

卷二

四三

明發

遺筆所云

壽鏞案忠節錄
字寶摩號虞求

遺筆

我生不辰會當陽九流氛陡發龍馭上賓邊燧旋揚
鑿輿繼邈去歲含哀忍死赴召秉銓自謂盡忠後王
卽是仰報先帝豈圖歸田不久國難頻仍江左猶安
皇旻再破憤都會之傾覆傷士女之傷殘精力銷亡
旣不能單騎傳呼使異邦之謝過年齒衰暮又不能
肅清宮府致宗社之奠安惟有決志殲身見危授命
若得魂騎箕尾安問魄滯溝塗下達黃泉見父無慙

於教育上遊碧落觀帝不媿於裁成苟無忤於君親
庶有辭於忠孝以吾郡完毀卜此身存亡片語旌心
預書表意緘留數則用示後人

弘光元年閏六月下澣四日寶摩老人書

朱大定字繼創湖州朱文恪公子以蔭官尚寶卿虜兵
至不肯薙髮被害

壽鏞案忠節彙字君永號寄暢又諸生朱某文肅公國楨孫被敵斷喉死與此傳事皆不符未知孰是

朱有鑑字□□長興布衣起義授總兵兩破湖州不屈
而死

壽永寧正氣錄 卷一

早四明叢書

一約圖刊本

顧咸建崑山人錢塘知縣癸未進士狀元鼎臣曾孫也

虜兵入浙公懸印綬逃歸張存仁怒以公不交錢穀飛

騎追之獲於吳江之廿八都既至欲官之公不可陳弘

範勸之曰且姑薙髮不官亦可公曰此荏苒之漸也不

官全君不髡全親無再計也存仁欲殺之紳庶代爲祈

免緩數日終不從閏六月初一見殺杭州數萬人跪哭

於其前公神色不變時大暑首懸譙樓無一蠅近三日

不臭弘範乞其首歸葬顏色如生立祠湖上祀之

陸培字鯤庭錢塘人庚辰進士行人丁父艱遂請養母

虜兵至杭公與翰林吳太沖約同死作詩并書別妻兄弟及親戚自經樓下夫人聞縊從樓墜下得不死太沖
□□□□後輒附虜□□□□□□□□□□薦用矣

絕命詞

誰謂朝廷一命榮行人使節本皇明春秋冠敘諸侯
冊周禮班從司寇名雍國尙慚收采石荆胥無計乞
秦兵蕩陰徒有濺衣血烈帝孤臣恨未平

聲名江左屬華風何意穹廬極望中月滿秦淮開瓞
帳笳喧震澤引雕弓千官椎髻金□靡萬壽青衣玉
壘空從此通天啖衛律不教蒙面事胡戎

聖孝正氣錄 卷二

四五 明叢書

約圖刊本

閏六月初五寅時絕筆

王道焜字昭平仁和人辛酉舉人原任邵武同知貝勒
欲官之力逼不從自縊

俞元良字仲驪海寧人癸未進士起義被殺

祝淵字開美海寧人癸酉舉人弱冠有志從劉宗周遊
宗周以忤旨見放淵伏闕力爭下部處停科放還已復
以緹騎逮入詔獄甲申春始得釋北京陷匍匐南旋次
年南京陷以親喪未葬隱忍以俟從此減食日惟一餐

閏六月初六窳夢事畢拜辭墓下歸而自經

周宗彝字重五海寧人已卯舉人破家起義被陝鎮吳

爾常密令壻卓火傳同錢聖月

貞彝案錢聖月
當作錢光緒

報知嘉

興府官八月十五夜事敗死難一家十八口卜氏夫人

挾其二子明備明伊投河先死餘婢婦繼焉其弟宗琦

單騎鬪戰勿克而死橋下

宗琦字
緯光

張堅字不磷仁和人總兵謀內應事敗被執不屈遇害

唐自彩字西望四川建州人乙卯舉人知臨安縣虜至

杭據青山自守被執見張存仁直立不跪左右碎之終

雪文事正氣錄

卷二

四六

明叢書
約圖刊本

不屈存仁怒碎磔之櫛其肉姪某亦被戮士民立祠祀

之

劉宗周字念臺紹興人辛丑進士清介持正崇禎初起

家順天府尹策一蹇就道其子徒步從之至京冠服不

備市之店中隨以忤旨被黜卽同子覓一小舟歸人不

知也家居倡性命之學於東南海內有志之士多從之

游及門者多服布袍市中布爲之帛貴後起總憲及吏

部侍郎召對言詞切直不合求去北京陷公聞信卽赴

杭勸巡撫都御史勤王不允跣足麻衣欲舉哀或以哀

詔未至爲言公曰豈有子聞父喪不躡踊之理詔至再
奉行可也弘光時詔起至南京爲左都御史馬士英欲
起魏黨阮大鍼先一日詔百官諫者罪之次日大鍼命
下公卽首疏極言不可旋告歸虜兵入浙見祁虎子投
於水公曰安得如是便宜乃不食二十日不死心不死
也公門人王毓者遣人持書詣公見書不能言使者候
門外久闕內哭聲起則公逝矣使者歸則毓者亦已投
水死蓋前誓約公同殉節也又周卜年潘子成名宗俱
童子從公死公有甲申慟哭詩又有十自詩自呈自求

集卷二

四明叢書

約園刊本

自判自鏡自助自病自慰自詫自勸自白也詩錄案罪惟錄字序

東號
念臺

哭吳太常磊齋先生

先生於登第之前夢一隱者誦文文山山河破碎風
飄絮身世浮沈雨打萍之句見投問其姓名曰劉宗
周也先生不省爲何人及壬戌旣第子時爲儀曹郎
知貢舉見子訝然越廿年餘先生與子後先赴召相
見於京師子心識磊齋君子也而先生視子亦日親
子旣見放先生致友人書稍道舊夢以爲不祥曰劉

某竟隱矣子得之復訝然既別之明年甲申先生繇
吏垣擢太常卿而邁三月十九日之變曰吾不可以
負劉公竟死之

何人後死骨先寒二十年來夢底酸錯繡河山空一
擲注金身世打通盤終嫌西市檣文信不見東山起
謝安吩咐後來知夢者男兒事業儘無般

哭潛忠許布衣先生

潛忠氏吳人也以布衣教授里中一日聞先皇帝之
變投繯數數竟死之里人沈桐江子著潛忠傳以表

雲字玉重

卷一
四十四
明叢書
約園刊本

之舟過吳江桐江攜以見示愴然不已先生許氏名
瑛字玉重

韋布家風姓氏寒里中雅怪一經酸繇來臣誼普天
下同此人心太古盤若箇衣冠留左衽幾時車馬上

長安時寇已
鼠陝中先生一死真無謂贏得偷生是我般

哭倪司農鴻寶先生

先生官大司農知國事不可爲懷一脫於袖中曰時
至卽行及三月十九之變先生卽以已刻死自此遂
有繼先生而起者先生著有兒易余嘗受而讀之

臺閣文章星斗寒，風標不比俗儒酸。迴瀾紫海皆通漢，炤乘明珠只走盤。莫向當場看蚤暮，先從下手較輕安。忠臣第一垂青史，五十工夫兒也般。

哭施憲副四明先生

先生過越嘗惠教白馬山房

淮南一別燠垂寒，再拜班荆話屢酸。國難敢忘殘婦緯，時危轉憶菜根盤。身擔風紀綱常重，節自平生學問安。白馬巖前池畔草，永存規矩奉輪般。

哭李御史大夫懋明先生

卷二

四明叢書

一

先生在籍嘗開同仁書院與諸生講學，既起總憲於國難之前，密疏請皇太子監國南京，二王皆分封淮泗間。先皇帝曰：不可同死社稷而已。臨終作絕命詞，肅肅丰裁，亞相寒匡扶九鼎，奏鹽酸欲存趙氏孤。何處枉泣公孫淚，滿盤燕市廣歌留正氣。鹿巖風景自新安，可憐雒蜀推前輩，至死猶譏溝瀆般。

哭宮諭劉湛六先生

先生之殉國也，自妻子而外若壻若外孫若僕從無一免者。以時而言鴻寶第一，以事而言先生第一鳴。

呼聖矣乎

良玉溫溫金礪寒一回把袂一回酸周情孔思聯聲
氣方矩員規中辟盤十族止憐朋友在九京誰問此
心安異時伊誰推人物誠敬淵源似爾般

哭范相公質公先生

先生固吾黨之翹楚也至晚年氣節益醇先皇帝之
特簡有神鑿焉遇變以夜半從井

白日無光止水寒臣心逾苦骨逾酸獨支本末過方

大過叶勉競雲雷屯且盤協夢有良歸一德招魂無

雲亭正氣錄 卷二

五十四 明鏡書

厲逐偏安先生無子時議於南都建祠永平生固是

推慷慨進步深深不可般

哭成職方玄升先生

先生令滋陽以忤時相下詔獄再訊再朝杖論戍先
帝晚年深悔悟起先生職方纔任數月耳遇變持斬
衰設奠梓宮前立殞

飽歷風霜血性寒更無家計可偷安六師不借郎官

箸一劍應加司馬盤謂大司馬張久傳爲賊道路蒙

塵哀色慘先帝時殞鬼神餘恫哭聲酸時人早識楊

東華門

忠愍百鍊如銅彷彿般

壬午冬東事孔棘輿論起先生時相昌言於朝曰此楊椒

山也先生固椒山鄉人又先後同官

哭金職方伯玉先生

先生弱冠登朝卽以言事謫謫十餘年而起官差視皇城遇變卽投玉河死母太夫人聞之亦投河死先生嚮數過予問學焉

燕市論交指歲寒青松柏望中酸蚤騰汗血駒千里驟折羊腸路幾盤湖鼎從龍攀莫遠瑤池侍綵問加交臣忠子孝同歸死留與旁人話兩般

雪交亭正氣錄卷二

五

明叢書約圖刊本

哭孟司寇肖形先生

先生古貌古心人也遇變而死子章明以進士釋褐從焉癸未榜四百人惟章明容谷一人耳

鐵幹冰姿古色寒如匏吶吶口流酸白雲攬風遙歸漢彩筆驚鴻漸起盤

智通

仕以教忠先教孝生非求飽

復求安名高卞氏推今古廊廟疆場未可般

自哭

何來火熱與冰寒梅子黃時腮白酸一路風光淹信宿諸公音響遞桓盤功名老大終成賺魂夢支離破

卽安今日不教吾事了生生提起又千般

歸途無賴次第著十哭詩以弔諸殉節先生就中想見諸先生精神結撰處非徒一死而已者而皆辱與予交而予獨何以生爲覽者亦將有感於斯文

甲申冬日還山主人絕筆

檠菴曰先生世皆稱爲戴山夫子毅宗雅重之而不能使其身一日安於朝廷之上大直若細道在委蛇先生固不屑哉門牆咫尺以不及奉先生杖履爲恨敬和先生自哭韻以志恐弔之誠焉

貞羣案原鈔木道固委蛇敬和

詩交亭正氣錄卷二

至

四朝叢書約圖刊本

十哭韻今據續兩上音舊詩校正

峻軌當年望自寒憂疑遺疏語猶酸衝流危石江河砥擊物神鷹霄漢盤海宇盡從夫子學朝廷不使老

臣安人閒異夢休重省惶恐灘頭恨一般

因夢中墜士故下此

句 貞羣案續兩上音舊詩註謂吳太常磊齋之夢

祁彪佳字虎子紹興人壬戌進士巡按南直有風采張捷令山陰拔公公按吳以捷薦逆案中人不與通名弘光時巡撫南直捷爲吏部尙書遂以黨奪公職虜兵至公外父商周祚年八十矣與京兆金蘭首雉髮渡錢塘

迎虜約公同往不從及二人歸而公服緋服投水死矣
在園中梅花閣下後監國贈諡忠愍

壽鏞案史作字弘吉
異惟錄字幼文

號世培一字虎子 又案
唐王追賂少保兵部尙書

王毓者字玄趾紹興名諸生能文章尙氣節南都失陷
致書劉先生中云願先生早自引決毋爲王炎午所祭
書致發卽投柳橋河下死且遺命移屍示劉先生家人
覓其屍端坐水中

壽鏞案劉念臺得先生書
不能言卽死見念臺傳

惜時致命篇

羣奸誤國廟社淪胥憤懷世變恨不手斬賊臣之頭

雪亭正氣錄 卷二

三十四明叢書
約圖刊本

慟惜時艱且思生食叛人之肉養兵十載大帥惟識

潛逃積粟千倉墨吏半肥私囊勢如崩土力不背城

遂使胡馬渡江難應佛狸之讖長驅至洊先圖金亮

之屏六馭痛東昏之慘誰式怒蛙於北地諸司鮮南

仲之威誤祝小蠶爲西音吾越夙稱水國則在彼之

長技立竊江東先舉義聲將已散之良心可鼓柰何

甘爲臣僕志在銜輿冠裳世祿之家營窟以俟僞朝

郡邑莅事之長牧圍以修降表迫呼犒迎之費盡屬

青衿供奉大清之牌遍傳黔首文非飾過則曰暫詘

必伸當效會稽之辱忍恥苟全又云長往不返篤言
東海之逃覲然人面真龍鼉魚鼈之與俱實是獸心
曾魍魎魍魎之不若寢處晨昏豈堪自對歲時伏臘
何以爲顏不思祖父代傳苟本朝三百年之覆載忍
與犬豕同羣矧此湖山半壁係大明數千里之神州
可使腥羶雜處出師未捷之句非豎儒所敢吟天道
好還之言乃孤臣之深望宗祏未斬虜運必衰脊陵
再造假赤伏之符殷武中興續白金之氣爾其目前
苟可偷安吾謂異日必貽後悔號呼莫聞痛哭無路
聊廣一絕以訣生平

用殉蛟腹愧彼鼠心古稱五死惟以捐軀赴義之可
樂壽止百年保無疾病水火之殺人無難奮博浪之
椎未免貽禍里門卽不濺侍中之血亦期留名身後
惟茲清波壁水之中正是明倫授命之地鬼如不厲
爲訪三閭之蹤魂果有靈當逐伍胥之怒其能雪恥
自任願激發於先皇儻或同志不孤敬相招於冥土
梁子埃字飲光號谷菴江都人癸未進士知萬安縣乙
酉虜兵至守令望風迎降公莅事甫數月嬰城抗守力

屈被執止留其妻女餘家人盡被殺令之降不從虜將
金聲桓許以藩臬不可禁南昌獄五十餘日怡然作詩
不輟有同籍友進而慰之公曰國亡家破無心至此蜀
宮一女子至今人憐之而不嗤其失節況自天子以下
受辱何極矧一小令凡我所圖者非可圖者也武侯討
賊亦死不討賊亦死究竟討之爲是余是已他何說焉
古今忠孝名節只要自己硬做責人不得天下人睹梁
子今日有爲之恨者有爲之惜者有爲之憐者有爲之
悲者亦有爲之醜而笑者夫笑之殺之又何別乎九月
十三日作絕命詞書寄二子遂自縊

孝文亭正氣錄

卷二

五五 明發書

約圖刊本

寄植枋二子

但知生富貴誰識死功名到頭成箇是方見古人情
此我絕命詞也天生此人卽了此局但苦汝等一生
耳讀書做人只了得自己怨天不得惹大江西只有
我一人可以千古抑又何恨母親年老傷心之痛在
此家下事只以耕種閉門守法免刑爲主餘不足道
若讀書真可省也須問德宗和尚勸我到江西做此
句當亦是千古慈悲否忠不能守封疆孝不能事父

母義不能周濟友生智不能保全性命平生負缺遺
恨終天幸平昔宗門得力到此不難撒手懸崖耳此
皆實實證明汝等可以免俗人之悲悼也谷菴主人
九月初十日三鼓筆

率爾吟

莫道先生出醜孤城獨立堅守只今財散人離此身
亦非我有

從來忠義男兒不向世人分割留得自己主張便是
天長地久

事文彙錄 卷二

五十四朝叢書

續編刊本

王纘字伯緯諸生

王績字亞綿諸生

李瀾字學海口生

黎增字用修口生

張氏江都人謝衷白妻女名希韞年十七高傑兵亂張
慮弗免與女相期死女常以小刀自隨後史閣部駐兵
於揚謝居臨孔道衷白適遠出張皇遽遣其子女避外
家韞倉卒忘所攜小刀城既破張之長子于朝曰士死
墳墓遽出意欲歸守神主也韞索刀不得以剪刀刺喉

流血被體以腕怯不死遂赴井張見曰我無慮矣亦人
井仲子于宸諸生哀號越一日始得尸張死韞尙活宸
匿之敗草中得脫宸以守母尸被害韞歸妣家日夕哭
母而死季子于陞年十三被掠亡歸值父病獨力養父
踰年亦死

揚州女子逸其名投水死絕命詩一首

妾長闈門二十春豈期今逐塞塵奔殺身無補君王
事死節難酬夫婿恩江靜猶堪沈弱質月明誰與弔
孤魂深山落日啼猿處過客聞之亦愴神

寧文亭正氣錄 卷二

五十四明叢書

約園刊本

附錄朱蕙湘弘光宮人被擄北行題壁詩三絕

風動江南羯鼓催降旗颺颺鳳城開將軍戰死君王
辱薄命紅顏馬上來

廣陌黃塵暗鬢鴉北風吹面落鉛華可憐夜夜篋篋
引幾度穹廬伴暮笳

盈盈十五破瓜初已作明妃別故廬誰散千金齊孟

德鑲黃旗下贖文姝

周氏劉乙然妻寧波人家於揚生二子虜兵至與女匿
複壁中夫與二子守於外被拷甚酷周自經不得死次

日穿壁而出語夫曰妾事君二十五年不幸遭亂復壁不足恃萬一被汙死不足贖不如留清白自縊君前因與二子訣女已及笄哭不已周挽之曰哭無益須隨我先一縊繫女首乃自縊對懸而絕移時虜復至則按壁聞矣

錢氏女京口人父應式字述古無子止一女攜之揚州行醫城陷女年十六告父母曰生年百歲亦有死時與其受辱寧速死父尙無嗣善自全徐圖歸里可也引帶自縊帶斷復甦呼父勒之父不忍乃餌毒藥燥發不得

雲字正氣錄 卷二

五六 四明叢書

約圖刊本

卽死復投水水淺不死自經而絕

貞羣案王猷定四照堂文集錢烈女墓誌

銘云女名淑賢母卞氏其文悽慘不忍卒讀

汪氏女溧水人原籍徽州虜兵至女年十四拜辭父母曰吾決不爲所辱當先死遂投石曰湖中

戚氏平湖諸生陳銘妻銘貧而嗜讀夫婦甚諧聞虜兵至戚撫父柩長號且語夫曰吾死此矣頃之銘攜婦登舸兵迫求死於湖力走得脫避何氏埭何氏銘母族也俄兵至相與匿田禾中幾脫矣而所匿婦懷中兒啼跡得之婦知不免與銘訣曰君自爲計水清妾願葬此解

裙帶授銘曰聊結同心期來生相見也遂投水髮浮水面虜引佩刀截之執銘去初婦夢衣紅乘輿將有所適覺語銘曰不祥吾將訣汝矣

沈氏平湖諸生林鴻妻虜至扶姑同匿禾中被執將殺姑沈以身翼且求代虜卒曰無苦吾娶汝沈奮身投水髮浮水面被牽出沈佯從之意若漸貼者乘其懈復投水終以髮故牽出知不可脫乃罵曰羯狗何不殺我我以魚腹爲葬恐汝輩無葬地耳卒怒被數鎗死

陳氏崑山人城破夫被殺將攜陳去陳曰須瘞夫行耳

事類彙編

卷二

五九

四庫全書

約圖刊本

否則死虜卒從之既瘞挾之登舟陳曰初得事君須置酒成禮俟暮成婚兵士與之飲酒陳氏欣然命觴強之醉從容言及殺人事因問君刃何利殺人如刈草請得視之兵醉解與觀陳力刺兵死卽自刎

王氏崑山人城陷被執求死不可得託疾延醫醫至王乘閒請毒藥醫以砒與之遂密置食中與兵同食毒發俱死

楊氏松江呂巷村陳君秀妻產三日聞虜軍至與夫訣曰若先挈貨行吾待此不至幸矣至則死耳俄兵突至

楊負囊奔戶外兵劫其囊楊恐爲所獲亟投河死一老婦隨之

俞氏平湖諸生孫鏗妻虜至覓夫不得俄傳鏗已死俞痛哭曰吾欲往從夫矣亟赴水死

張烈女金山衛人虜至女同母嫂匿山壙中虜迹得之發矢厲聲勒之出母嫂俱出女獨留發矢不已更罵且哭卒不出攢刃刺之絕而復甦益罵不已虜大怒擲之壙中

顏氏松江蔣敬妻家貧貿布爲生虜至顏閒避所蓄貲

蘇文亭正氣錄 卷二

空四明叢書 約園刊本

盡掠去虜去見之禾閒虜逼之行罵曰旣掠我財復欲汗我節耶我先汗汝刀耳遂觸刀死

湖州諸生金鏗妻逸其姓虜至投水被鉤出虜握其手指馬上所掠錦綺示之曰隨我卽爲汝有婦乘其不意嚼斷其一指血流如雨婦曰願以吾頸償汝指足矣遂被殺

張氏揚州宋口口之妻乙酉揚城陷張慮被辱先自溺死將死出金一囊結其夫肘使得是以免有女生四月矣投夫懷俾沈諸水遂死其兄張符聰誅之

附錄南昌王猷定貞婦行

誰焚大林揚灰九州有宋之子夫何尤吁嗟乎仰天

雲流俯地河流莫如其繇一解曷日月冬爲夏孽涕貽

曷晝夜鬼急人蜀岡下二解鼓鼙鼙官軍噓城市語各

模糊魂魄不得少躊躇呱呱汝雛三解崇墉墜只蛇豕

蜿只黃泉日月下照印只義不可辱兮柰何夫子四解

雨淫淫水深深弓刀鳴烏鵲瘡萬馬飛一寸心持夫

臂結黃金投兒去不復生五解

潘氏陝石人歸沈有年沈賈人也乙酉秋虜兵至破掠

雪交亭正氣錄 卷二

空三 四明叢書

約園刊本

潘行舟至王店潘號愬夫翁姓名居址一躍赴水兵援

其髮以出慰劫再三潘乘閒復赴水遂遭亂刃刺死里

人高其義醜金斂之沈氏有女蓋潘之小姑也同被掠

亦不汙死

雪交亭正氣錄卷三

明鄭高字泰駭菴撰

縣後學何樹倚附註

後學

馮貞羣
張壽鏞

補註

丙戌紀

檠菴曰客爲予言晉元宋高亦虜主也而亦建立半壁保有江東曾謂我不振遂至於此是有說焉晉諸胡乘賈后諸王之亂據地立國劉石苻姚遞相猜噬未能遠略最後秦堅一舉而失慕容則諸胡之不

雪交亭正氣錄

卷三

一

四明叢書

約園刊本

敢南窺略可睹矣故琅琊得一王茂弘卽能自立宋女眞兵旣滿萬併遼之後沛然莫禦故能追高宗直至明州其始渡采石也韓世忠亦燒潤州航海以避之厥後世忠乃能整舟師扼其歸路金人幾不得北返自此大創不得渡江遂成南宋以今較昔能有諸臣如韓王者乎東方建瓴之勢一如金人非晉諸胡比無惑乎其一年之內踰江渡淮直達錢塘如摧枯振落而莫之格也浙東郡邑比屋而起裂眚奮臂奉魯王於匿影亡命之餘扼渡西陵使怒濤奔馬之勢

抑而不逞始事之初氣象大正時能乘眾怒之方張
計不旋踵奮戈而往一當十百此光武昆陽之伐也
乃派餉爭糧之風互起謀身竊祿之徒競進收形不
一眾志遂衰不亦惜哉隆武賴我師屏蔽於前遽稱
大號改閩省爲福京志氣已瑣可更望其成乎監國
君臣以同舟爲敵國互相猜構斯夕圖維止在閩事
是亦一轍矣亦知山陰片土何堪鬱鬱久居者乎江
上之師紹則鄭遵謙熊汝霖孫嘉績寧則錢鼎樂王
之仁沈宸荃台則陳函輝金則張國維朱大典義軍

蒼頭特起則方國安帥師自南都至而方士欵人
陳潛夫陳勇良杭人畫地而守沿江而布不下數萬
人然各相嫌忌不相統一時以國安軍爲首營國安
昔在楚時楚皆懦帥國安尤俯出其下烏能上將軍
之席乎且馬士英依於其軍時不能正其誤國之誅
則當日之爭可概見矣浙東以蛟關爲後庇舊帥王
之仁旣禦師江上卽以其子鳴謙代髮尙未燥憤其
父軍視國安爲弱乃納張國柱以張其軍國柱者劉
澤清之標將也有北丁弓箭手五百人汎海來歸至

翁洲黃斌卿不納擊殺其軍頗眾乃投鳴謙鳴謙遠眾議而收之居無何鳴張驚擊莫可誰何鳴謙不復能帖席瞬息肆掠富室由寧郡直至餘姚越城大震議以伯爾糜之有沮之者乃罾爲勝虜將軍清渡江放兵大掠保定伯毛有倫扈元妃世子出海國柱奪之已駕樓船四百艘將攻舟山斌卿求援於名振而名振將阮進擊敗之遂挾元妃世子投降虜弒元妃世子而官之向使清不窺渡禍亦起於臥榻矣此監國之大略也

壽鏞案續甬上耆舊詩傳丙戌紀序文亦與此稍有出入錄左

客爲予言晉元宋高亦孱主也而卒能建一平壁保有江東曾謂我明不振一至於此是有說焉晉之劉石苻姚諸國乘賈后諸王之亂而起羣雄互相吞噬不能遠略最後苻堅一舉而失慕容則諸國之不敢南窺概可睹已故得一王茂弘卽能自立金人升遼之後沛然莫禦故能追高宗直至明州其始渡采石也韓蕝王亦燒潤州航海以避之

厥後卒能整兵扼其歸路金人幾不得北返自此
大創不復渡遂成南宋以今揆昔北方建瓴之勢
非劉石比而諸臣有如韓王者乎浙東邵邑裂背
奮臂奉魯主於匿影亡命之餘振渡西陵使怒濤
奔馬之勢抑而不逞始事之初氣象大盛時能乘
眾怒之方張計不旋踵奮戈而前一以當百此亦
昆陽之勢也乃派餉爭糧之風互起謀身竊祿之
徒競進敗形不一眾志遂衰豈不惜哉閩中賴我
師屏蔽於前邊稱大號定號福京志氣已損何更

續文正公集

卷三

四

明叢書

約園刊本

望其成乎監國君臣以同舟爲敵國頒詔之隙成
斯夕猜構止在閩事是亦一轍矣亦知山陰一片
何堪鬱鬱久居乎江上之師紹則孫嘉績熊汝霖
鄭遵謙寧則錢肅樂王之仁沈宸荃台則陳函輝
金則張國維朱大典南都故帥則方國安自杭來
者則陳潛夫陳萬良自歙來者則方端士沿江而
布不下數萬然不相統一時以國安軍爲首營國
安在楚懦帥也何足當上將軍之席況馬士英阮
大鍼依於其軍時不能正其誤國之誅反任二人

挾國安以爭金華則當時之事可概見已浙東以
蛟關爲後庇舊帥王之仁既至江上卽以其子鳴
謙留後髮尙未燥憤其父軍之弱於國安也乃納
張國柱以壯其軍時國柱竊蹙率北兵數千泛海
來歸至翁洲黃斌卿不納擊殺其軍頗眾乃投鳴
謙鳴謙違眾議而收之居無何鳴張驚擊鳴謙不
復能帖席浙東大擾莫可誰何之仁無心禦敵向
使稍遲遲禍亦起於臥榻矣後國柱竟劫宮眷輩
以降沈世子於海天未厭亂不勝跋前疐後之多

聖天子正氣錄 卷三

五四明徵書

約園刊本

也嗚呼

貞羣案武部有丙戌六月
野哭詩見續甬上耆舊詩

袁繼咸字臨侯號袁山江西宜春人乙丑進士弘光元
年總督應安江楚駐九江時左良玉稱兵犯順至九江
公單舸見良玉抱而哭勉以忠義良玉出皇太子密諭
勅諸將監公正色曰密諭從何來先帝舊恩不可忘今
上新恩不可負公歸登城灑泣集諸將固守初良玉至
以己所屬諸將謁見公叩頭於是公亦令其將往良玉
卽與之盟由是諸將多叛歸良玉張世勳郝效忠夜斬
門出與左兵合左兵遂入城殺掠公肅冠帶將就死良

王遣將張應元勸止之黃澍亦來慰公公乃出城面責
良玉良玉子夢庚漏焚城中良玉時已病見城中火起
歎曰余負臨侯尋嘔血死公私喜有隙可乘密以大義
責其還師不聽則赴江流死諸將乃受命議旋師越日
聞南京陷諸將已定計迎降乃給公入江省爲後圖而
擁之入北營公奪身投水諸將拉之不得死夢庚挾見
主者禮遇甚優公不出一聲歸舟自縊監紀余灝覺而
解之過金陵夢庚日夕環守不得死望陵痛哭不飲食
者八日歎曰余不爲疊山敢不爲文山哉遇鄉人寄書
與父訣遂渡河而北入彰義門望闕下馬伏地痛哭是
爲乙酉八月初四日已就館公冠帶如故李建泰學剛
來就見有劉學士通曰久仰先生清望公曰我受明厚
恩使宗社邱墟仰慚古人俯慙後世劉曰我清爲明討
賊今闕猶未滅正當戮力爲先帝報仇公曰清朝討賊
葬先帝是好處但弘光皇帝安在劉曰試問弘光立得
是否公曰神宗諸子光宗居長福王次之先帝無子今
上爲福王長子倫序甚明劉曰先帝未葬弘光安得遽
立公曰諸臣急於定策社稷之謀於義爲是劉又言弘

光所爲不道公曰君父之事非臣子所當言旣已爲君
卽吾君也劉語塞公又語建泰曰我明二百年不封拜
良玉父子受高爵乃稱兵犯闕無人臣禮今日若與夢
庚同附清何異昔日與良玉同叛明也遂揮手別次日
復強之入朝公曰威是曩臣非降臣無入朝理終不爲
孫乃改置別館守之以兵公幅巾衲衣自寒徂夏閉戶
獨坐著經觀史觀二書未成忽勒令薙髮公曰死是我
職但願束髮而死者異其生平雖生何用不殺固清朝
之仁效死實明臣之義主者知其不可屈丙戌六月廿

真本正氣錄卷三

七四明藏書
約園刊本

六日忽五六騎至邸神色甚惡公知不免北向拜辭先
帝未至地騎卒拉至三忠祠南殺之壽鏞家史作字季
通別號臨侯又
案副將李士春亦密白繼威隱忍至前途王文成之事
可圖也又案當時誤以公與寧南俱反遂致禍變當
與壯悔集左
公傳合觀之

燕都寄歸手跡傳節子曰袁臨侯請詩
據六柳堂集校勘一過

拙作不能多錄錄數首有關切者雖不識忌諱不敢
匿肝膽於骨肉知己所泌之行篋遇敵友揚企而張
爾公王于一諸同貞者出示之俾知鄙志則所謂予

人以仁義之大也湛恩手勒

易服

秋風三月白盈顛五十年來始學禪
麤衲碎裁還闊袖幅巾平裹任垂肩
雖云大地堪容芥但悟無生不
係筌白社荒疏那得共虎溪飛瀑半天懸

至日感懷四絕句

葭灰和律動長安猶記衣冠拜紫鑿
此日近臣新寵澤貂裘駿馬不知寒

椒盤蕙酒隔鄰香兒女歡呼捧壽觴
扶死起看滄海日天涯何處是高堂

雪交亭正氣錄

卷三

八四明叢書

約園刊本

煖煙吹不到巖松百尺虬枝寄雪封
卻羨雙飛南浦雁晴川流水碧溶溶

朝陽見隱舞飛沙握髮開書忽憶家人說
東南美竹箭可能依舊出新芽

元旦

耐寒強起著衣裳海曙遲遲遠放光
月首三陽仍夏曆春正萬古重周王
忍隨北面同呼祝且戴南冠獨拜殿
塞草迎曠煙漸釋長陵松柏鬱蒼蒼

盧侍御傳不知何許人所作疏及賤名非知我者

鄉某以聞貽以告絕

從容久作無生忍浩蕩稽誅有罪人溫諭兩宣非屬
吏癡忠九死只爲民山公啓事污薪簡叔夜無書絕
素因賦續閒情君莫惜黃花老興不懷春

北風詞兩章

北風其呼塵起馬驅黃河箭瀉蛟龍失區金隄屹屹
決豈須與蒼天蒼天狡童何知 北風其雷木落葉
堆我冠爰裂爾髮曷蓄無父母毀厥本來蒼天蒼
天今古斯哀

雲交亭正氣錄

卷三

九四明叢書

約園刊本

公無渡河五章

囊書佩劍君子遠遊淼淼黃流豈曰無舟臨波卻顧
我心則憂 河水淙淙青溜稱雄魚鹽刀布霸國遺
風夷吾不作予誰與同 河水瀾瀾鄒魯所履詩書
壁藏章縫泥滓瞻彼龜鳧云胡仰止 河水活活太
行有辟燕趙炎飛晉魏舞魍匪鱸匪鱉云胡仰止
維北有河維南有江濯纓漱石樂子無雙薄言旋止
我心則降

烏栖六章

烏栖北林暮煙縷縷仰視白日哀哀我父教子忠兮
祇以自苦 烏栖北林繁霜瀏瀏仰視明月哀哀我
母教子孝兮反哺曷有 烏栖北林有秩斯倫日月
逾邁哀哀我昆大被在牀不可與溫 題題者羽習
子以飛匪鳥不如念爾長違縹緲之祝惡不可爲
沈沈者巢貽爾雛居有孫在祿我謀則疏助哉大戶
爾無敝廬 肅肅者羣飛鳴乃乃微我無友邈焉山
海我思古人誰張千載

雪日

雪交亭正氣錄

卷三

十四明發書

約圖刊本

雪片吹如掌雲黑山容潔今日臥勿起忍飢不可齧
媿無子卿也敢墮漢臣節鑽膈瞰扶桑晨曦未全滅
花發嶺南橫羅浮夢空結

讀鄂皋羽西臺慟哭記感懷

南方有朱鳥飛巾單干弦飭以金精粒對之不下咽
粒味豈不甘不如南上泉黃冠志弗遂碧血流澌澌
有客感意氣慟哭西臺巔擊碎鐵如意悲響震巖川
歸舟不成寐彷彿語燈前嗟彼積翳羅我非雀與鳶
夢炎何足刺知己殊未然周粟不可茹箕疇曾未傳

生死良非苟忠孝各有全謝子幽明契聊以祕懷宣
言罷倏不見月明高在天

悲憤詩

大明日月晦江風吹黑雲貪人忘國恤橫議喧晨較
前星移海上龍蛇未可分春秋與綱目大義胡弗聞
徐桓書作亂晉陽比弑君乃盜首止盟蟻附而羊羣
飛帆蔽江下所過名城焚鬼神赫斯怒姑孰死王敦
盤桓審所處太真與景純我豈偷生者小貞以濟屯
泣血明忠孝中途爲曳輪云何胡馬號豎子失其存

蘇文正公集卷三

十一 四明叢書

約園刊本

狡童肆邪說名教委沈淪徒有南陽耆東吳不得奔
衰顏哀二老一死酬君恩從容文山節誰招燕市魂

燕臺懷古

五序

孔子稱殷有三仁或去或囚或死趨不同同歸於仁
宋亦有三忠或死於市或死於餓或志在必死卒以
全節生趨不同同歸於忠文謝家三先生是也渺渺
子懷將安適歸居易俟命俾無訖兮聊爾尚論以自
勵云

文文山先生

丞相從容死燕市萬古綱常獨負之
願鼎手扶渾是膽
落暉戈挽不逢時
夢炎孟顛骨何在
牧豎樵童名共知
浩氣西江流不歇
挑燈呵穎續遺詩

謝疊山先生

北風塵起征車促
南火傷心不再噓
三敗猶遺吾母在
兩旬忍職漢臣如
歸降當日原無表
卻聘留今只有書
天使先生沈卜市
建陽橋亦首陽居

家鉉翁先生

八十鉉翁還首邱
節旄脫盡爲誰留
吳山鳳闕看巢

藝文志正氣錄

卷三

十二

四明叢書

約園刊本

燕粵海龍舟泛水鷗
紀事編年書甲子
授徒感慨說春秋
莫從處士稱新號
舊國興亡淚未收

孽耗曰左良玉屯兵武昌
吳三桂率北兵入關中
李賊敗奔襄陽
良玉不知其敗以爲賊至
大懼將奔會巡按黃澍入對弘光
廷折馬士英之奸
忿忿回楚
與良玉善遂以誅馬士英爲名
稱兵內嚮實以及其走也
李賊被追至九江界上
傳爲清所殺人止知清兵渡揚子入南京
不知清勁兵悉從壘下縱灌
破旬日之外其兵自南下者必至石壘矣
初先帝委

良玉辦賊未嘗與賊一戰王永祚以撫治屯襄留良玉同駐必不遣其外救以其兵多足恃也及賊至尙一日隔而良玉已先去永祚亦棄城走所謂萬人敵用以守城者積城上各樓充棟竟不一用反以貽賊時在壬午冬家君方守鄖聲援遂絕矣

張國維號玉笥東陽人壬戌進士巡撫南直恩威並著吳人懷之遷總河後爲兵部尙書不能知邊將用多不效以削地被逮吳人念其遺愛交訟之先帝憐而赦焉賊勢亟令於東南開府招兵入援弘光時協理戎政與

密交李正氣錄卷三

十三 眞明錄書
一約圖刊本

馬士英不合請告歸監國時拜相仍掌兵部印破家殉國江干失守縊死

壽錫案忠節錄字玉笥一字其四號止菴又案忠節錄什抄家之方塘

死有詩
三章

朱大典號未孩金華人丙辰進士孔有德之變巡撫山東以功陞兵部侍郎隨遷總漕公善聚斂多枝刻以削籜歸甲申春正月許都之亂有司從公借火器不許巡按左光先糾之弘光時爲兵部侍郎南都陷逃歸魯王監國歿舉義盡其財不私紹興破魯王入海公據金華自守力竭不支眷屬十七口焚之然後自盡

壽滿案忠節錄

字延之號未孩 又案光先幼大典以東陽許都之事也大典子萬化實募取平之事平而眾不散知縣徐調元遂言大典終于交賊光先乃據以聞於別也

余煌字公遜山陰人乙丑狀元監國時爲冢宰紹興失

守冠服自縊高鏞案忠節錄會稽人 又案忠節錄作

又案煌一字武貞監國時諸臣請乞無厭煜上言今國勢愈危朝政愈紛尺土未復雖守無資諸臣請祭則當思先帝蒸嘗未備請葬則當思先帝山陵未營請封則當思先帝子孫未保請益則當思先帝光烈未昭時以爲名言 又案煌死節乃投水非自縊初以六月二日投水舟人救之居二日復投深慮乃死

陳函輝初名煒字木叔自號寒山子臨海人甲戌進士

有文名知靖江好客多姬妾以是被劾弘光時起用丁

雪文亭正氣錄 卷三

十四 四 同 節 書

母憂家貧監國時拜詹事起兵勤王台州破自縊死案函輝亦左光先幼之死節亦投水非自縊 又案

史稱函輝人與峯山作絕命詞十章卽後六言詩也

寄同志詩

六月值國難將死山中口占奉寄柯玉峴相公張太

素先生朱杜若公祖金鶴池侍御與生平同志諸社

友詩不能支聊以爲別其云亡而相託者告主上曰

生平一點孤忠身後非所望也

廉泉同義魄萬古在禪林故國千行淚孤臣一寸心

深山空有恨異日或相尋身後遙相託放懷鍾子琴

死者真無補重扶賴立君先生留正義後起託遺文
落日空山哭驅車去路分此心如見許挂劍在孤墳

粵籍案忠節
錄止載首章

輝死矣季札之劍孝標之書皆諸先生事也或念輝
平生忠悃得存其遺孤藏其遺骨收其遺草所謂埋
吾血三年而化碧吾地下必有以報諸公矣事在不
言言之不盡明明在上可鑒素心臨死賦詩二章覽
之當成一歎

生爲大明之臣死作大明之鬼哭指白雲深處蕭然

續文正集錄 卷三

十五 明叢書
約圖刊本

一無所累 張良始終爲韓木叔生死爲韓赤松干
古成名黃蘗寸心獨苦 君父恩無可報妻兒面不
能親落落樵夫湖上應憐故國孤臣 臣年五十有
七回頭萬事已畢徒慚赤手擎天惟有白虹貫日

敬發徐陵五願世作高僧法眷魂遊寰海名山身列

兜率內院 去年六月廿九

自註已酉夏國難予投
懷者三皆以救復姓又

投家池者一亦以
救免遂首赴義

今年六月初八但嚴心內春秋莫

問人間花甲 斬盡一生情種獨留性地靈光古納

其參文佛麻衣泣拜高皇 慧業降生名士此去不

留隻字只將孝子忠臣貽與人閒同志 手著遺文

百卷尙存副在名山正學禁書亦出所南心史難刪

今日爲方正學前身是寒山子一死遂復無慚請

與同人證此壽鏞案六言詩十章今依忠節錄校正

共指白雲深處蕭然一無所累第二章父母恩無可

報妻兒面不能親落日樵夫湖上應憐故國瓜臣第

三章子房始終爲韓函輝始終爲魯赤松千古成名

黃榮寸心獨苦第四章斬盡一生情種獨留性地靈

光古衲其參文佛麻衣泣拜高皇第五章去年六月

廿七今年六月初八但嚴心內春秋莫問人閒花甲

第六章慧業降生文人此去不留隻字惟將子季臣

忠貽與人閒同志第七章致發徐陵五顯世作高僧

十有七回頭萬事已畢徒慚赤手擎天惟見白虹貫日

游寰海名山身列犯率禪院第八章臣年五

山子一死尙多抱

慚請與同人證此

主上出亡值追奔亂兵閒道相失遂無僻路徒步重

鷲八日始得抵家園欲面入覲謁城已閉痛哭入雲

峯山中有池可從靈均樵夫之游予宿先湛明大師

禪房內漏五下作六言絕命詞十章記去歲亦有五
言十餘首今不憶前稿矣留此於後世或與文文山
方遜志二歌並傳也將死才盡走筆不文亦聊以一
寸心告天下諸同志耳

寒山又有寄別文心大師書

幽溪六月如新秋此時恐未能安靜也輝首義孤臣
奉主上歸從開闢重繭百苦抵雲峯山中一事無成
止有以死報國年來屢承提命生死已看得破今一
齊放下撒手遂行不得親至名山奉別三軌玄如統
祈叱名致意如慈履入台當至山聞孤墳一澆茶話
也先師傳稿已賫至紹興因國變恩恩竟不及作諸
名筆已多道在是矣不須孤臣片語如刻千仞先生
塔銘以弟子輝此札附之可也文波上人行速不及

寒山正氣錄 卷三

七

四明叢書
約園刊本

長書見張太素先生及天台諸同社一一道鄙意有
臨終詩草十二章在文波處幸命書記錄成待事平
為輝刻而藏之深山敬以為託遙憶慈顏彌深怙戀
晤期當在西歸之日函輝死矣夫復何言

六月初九日禪社弟函輝再稽首

予近有弔寒山詩并序

巖菴曰小寒山瘞骨處傍雲峯寺其遺命也自束髮
讀書於此嘗夢作靖江令後果選此邑徑樹門牆一
一符焉與老僧湛明交最久一部寒喜集皆從此出

所謂魂魄猶依此也後寺僧以法產勒還會有力持
之者得免寒山集數種俱以寒名寒喜以禪寒香以
情寒江則治靖文也外有寒玉寒聲寒枝寒雲等名
傍海殘疆恨莫刊尺纒堪作白虹看先生絕命詞有
白虹貫日句
直分霞色千尋赤自喜詩魂一片寒夜夜鷓啼山外
寺一抔夢舊關情地雲連正學古祠邊三百年來終

始事

壽鑑案續甬者舊詩所錄
稍有出入今仍依原鈔

陳潛夫初名朱明字玄倩杭州人丙子舉人崇禎時授
開封推官弘光時授御史乙酉浙江陷擊家渡江東集

卷三

十六四明叢書

約詞刊本

義兵五百營下莊授巡江御史兵敗置酒與親友訣大
醉左手挽其妻右挽妾至躍龍橋上先推妻妾墮水死
然後自沈賦詩一首壽鑑案忠節錄號退菴
仁和人妻妾皆孟氏

絕命詩

萬里關山胡馬奔三朝宮闕夕陽昏秋風血濺莫弘
碧夜月聲哀杜宇魂白水無邊留姓氏黃泉耐可度
寒暄忠烈傳千古獨有乾坤正氣存

王之仁號九如湖廣巴陵籍錦衣衛人定海總兵錢肅
樂起義寧郡約公共事公許諾有富紳遺書於公請其

沮錢謀并斬倡謀庠生六人華夏葺志寧與焉公至會
肅樂於演武場大盟國人紳士庶咸集公出其誓欲
斬富紳富紳不得已許捐萬金犒師於是卽以富紳監
餉焉魯王封公武寧伯兵潰方國安方逢年降清公將
眷屬四十人及其輜重載以巨艦沈之海中攜數家丁
至南都緋袍見洪承疇時南都薙髮已久忽見公冠帶
盛服觀者如堵承疇曰若旣降須薙髮公曰吾家人十
口沈之海底吾與同死誰其知之今來死於高皇帝定
鼎之所庶魂魄與孝陵同歸耳可速殺我承疇繫之通
濟門水草菴後移入西華門觀音菴未幾殺之談笑自
若顏色不變壁閒遺詩一首

壁閒詩

黃沙白浪起狂飈力盡錢唐志未消半世功名歸馬
革全家骨肉付江湖題詩四壁魂長在大笑秋空死
亦驕三百年來文字重只今惟有霍嫫姚

通濟橋邊獨步時國門驚見漢官儀欲將鬚髮還干
古須擲頭顱向九遠身後止應存劍缺世間終不之
男兒瓣香拈起寒霜勁白日青天其鑒知

沈履祥字其旋慈谿人丁丑進士魯王命爲御史巡按
台州城陷匿山谷中以不薙髮被殺家人求其屍得之
桑園中時方盛夏顏色不變

壽鏞案忠節錄號視庵

純命詞

十年徽纆歎勞生曾向中牟幾問津憑軾敷甘非市
德歸舟載石不知貧河山破碎懷長恨家室飄零任
去塵矢報媿無綱鼎策空捐化碧浩然身

李唐禧字長潛金山衛指揮官都督同知初在閩事唐
王後至紹興魯王命分鎮台州清兵至以不薙髮不屈

寧交李正氣錄卷三

二十四明叢書約園刊本

死

壽鏞案忠節錄唐禧亦薊人任台州總兵左都督與副總兵張廷綬同被執不屈死

張廷綬號雲衢邗人迎魯王於台州命爲副總兵分守

海門不薙髮與李唐禧同遇害妻女俱被擄

貞翠案鮑琦亭集明

都督張公行狀云高兵部雪交亭集載其名未詳其事則此自號雲衢以下文爲後人竄入者

張鵬翥字羽宸諸暨人初爲史閣部將閣部歿江東義
兵起率所部渡海勤王時客兵雲集多無紀律獨鵬翥

所部肅然魯王封爲永豐伯分鎮衢州兵潰屬賊斷舌

剖心死弟繼榮亦血戰死

壽鏞案忠節錄作張鵬翥弟鵬飛季弟繼榮皆戰死

王景亮字仙璧蘇州人癸未進士監國時以御史守衛

州城陷冠帶坐堂上罵賊死

壽鏞案忠節錄
字武侯號仙聲

楊定國字□□濟寧諸生前賢楊浩之孫聞北京陷痛

哭祥狂繫崇禎錢一文於胸前赴南京乙酉夏復從閒

道走江東魯王命爲行人招義旅兵潰自縊於紹興之

王府莊兵部任孔當葬之

壽鏞案忠節錄作會稽
范會麟之葬於賀家湖

王之栻字瞻卿常州人王忠烈公子乙酉避難至寧魯

王監國議以公知鄞縣以服解入閩隆武授以兵部主

事復返鄞清師渡錢塘時寓金華朱大典據金華拒守

令魯武義縣甫四十日兵潰避山中清獲其僕遂得公

筆事正氣錄卷三

三四明故書

續園刊本

不屈縛之大罵而死後家人得屍縛緊屍漲索陷於肉

不可脫遂并索殮之又遺其一靴後公見夢於其僕怒

言吾欲見上帝奈跣足何僕悟焚靴與之

壽鏞案忠節
錄武進人

張起芬字□□錢塘總兵姚志卓監軍被執不屈平生

不讀書臨死有詩詩失傳蕭起元以矢射其腹大笑大

罵而絕

徐起睿字聖思鄞人生素豪宕以大節自矜喜劍舞聞

人不平事必色然起已而削髮爲僧師事徑山雪嶠雪

嶠名之以弘節歸則聞靜寔言粥粥入道者容於延慶

寺西坐一關數月聞錢先生義兵起躍然破關而出往
從焉每當戰必立矢石之間同事多笑之一日渡江登
彼岸擊敵陷陣而歿魯王贈以指揮世襲七葉

槩菴曰此予故人也常宿子齋風雨悲歌屢至涕泣

意不可一世聞非僻事則必致規梁月之悲能無痛

歎甲午仲秋偶懷往事作長歌以紀之乃變徵之聲

貞萃案續甬上耆舊詩所錄與
此稍有出入今仍依原鈔下同

旄頭芒向扶桑熾壯士牀頭霜刃泣鄧嶺風塵一布

衣怒濤長向鴟夷立徐子徐子深足念眉如石稜目

聖孝正氣錄 卷三

三四明徵書
續編刊本

如塹貯粟無盜客滿前破屋頽牀懸一劍時時爲我

砍地舞舞罷悲來淚如雨爲問君家何所悲亥也無

椎衡失鼓逢人只解談君父咨嗟此道今如土友過

難容天性真大抵生平全用怒一旦無名忽自割秋

風秋草悲身骨削髮披緇著草鞋雪嶠老人幾度喝

喝破徑山不是我歸來鍵戶深深坐曉風夜雨到關

前不蝕琉璃紅一顆琉璃夜紅日晝徒湖兒羣飲鄞

江水鄞江健者有錢公異軍蒼頭乃突起擊鼓闐闐

震陵谷磨刀淬刃響漉漉鉦聲高揚磬聲沈驚破當

時奮努目長吼一聲關鐵割出言願法從戎籍意氣
相需會有時大士維摩按不得錢公自是舊相識當
日軍前借羽翮長驅躍馬到胥江胥江戰氣潮同汐
日日渡軍麕西澣視敵如豚身如虎肚懷私幸當匈
奴絕脰堪胸奚足數徐子徐子徒自覆列壁諸軍皆
暨收後師不進我師傾隻斧無援鼓聲縮鼓聲縮兮
壯士騁喜逢死所神先猛試問平生一片心皚霜江
上新燐冷覓君尸濤如雪西陵渡口悲風咽日光映
入晚潮紅鄧山布衣一捧血

襄衣正氣錄卷三

三十四明叢書
約園刊本

應騰蛟字雲化歙人副總兵起義浙東兵潰被執執者
爲公舊盟與之飲酒力勸之降不從詣其營大罵左右
欲割其舌主者但以馬嚼絨其口口血橫流仍罵不絕
遂慘死

方士衍字于蕃歙人副總兵守淳安被執大罵而死

何弘仁字仲淵紹興人丁丑進士官御史江干失守死

之壽鏞案忠節錄號書台山陰人又
案忠節錄作投崖不死爲僧疾卒

阮維新字□□會稽庠生富陽臨陣死壽鏞案疑卽忠節錄之阮日生

一舉其字一
舉其名也

潘集字仲翔紹興諸生浙東兵潰自縊死

壽鑑案忠錄
字子翔自

沈於東渡
橋下死之

絕命詞佚

高□□字□□紹興人年二十餘監國時莊衡爲督學
試入泮甫十日而兵潰青衿徧拜親友親友賀之則曰
方將弔我何言賀也或來答拜則曰前來相別何煩答
也遂衣巾投水死求其尸不得沒三日於原處端拱而

雲亭志氣錄 卷三

三國朝野書

國刊本

立衣裳如故顏色不改其父某以武舉入文場中式又
以磨勘祿革弘光時得復子死後亦不食十日死

鄒欽克瑞安庠生講學松臺夙以名義自許聞欲薙髮
衣冠北向再拜自沈於江

趙景麟字天生鄞人邑庠生沈實不務時譽丙戌鄞陷
景麟佩衣巾投於甬江漁舟斬水披之出膚孔見血輒
入天童山寄迹其舊徒徐氏足不入城市者半年每一
念至輒撫几長歎悒悒卒華先生有詩哭之

黃道周字幼玄號石齋福建鎮海衛人壬戌進士先帝

時以翰林學士謫弘光卽位遣使起於家未幾與馬士英不合託祭禹陵去國思文帝授以閣部公憤任時事以身許國前請出師長驅入關欲直擣金陵兵至微之口猝遇北軍師潰公麾士卒死戰矢貫馬頰遂被執至金陵洪承疇亦闖人也語之曰先生今之文天祥也某何敢膺公義鉞但大明一代之史非先生勿任其亦少忍須與某願以開國之危學士相期公大怒唾其面曰汝負先帝厚恩狼狽至此李陵衛律罪通於天矣敢援引不倫以汙我哉誤矣誤矣承疇恚甚係之幽室命傅

聖宗正氣錄 卷三

三五 鳳鳴叢書
約園刊本

通判晝夜伴之不食數日承疇僞傳江東兵大勝和議已成傅進以勺水乃稍飲食致書承疇語甚激烈及被刑欲牽赴市口至臨淮門

壽鏞案史作
過東華門

不肯行曰我大

臣豈同鼠輩共死所耶望陵再拜引領受戮謂家人曰我死不必賊臣收吾骨不妨暴露以彰其惡時監國元年四月口口日也所作詩三百首多不傳又作史載一

時失國事臨刑曰假我一二日我史成矣監斬者問何史曰忠與奸之別耳又問孰奸曰爲明者忠也斬我者奸也今史亦不知所在公善畫得通判索書公畫一大

樹已騎虎持刀在樹下二夷人跪於前以刀向之又一小兒蹲其旁意指傅也

壽鏞案徽之口口疑是謝之婺源

過新嶺弔金正希

傅仁子曰黃忠端諸詩凡脫誤處已據漳浦集校正其字句偶

有不同乃傳聞異詞悉仍其舊

殘髮唾手已難工又是論人成敗中但說丹心何所用一時張眼念臧洪

詩

傳節于此此詩本集未收

昨宵夢裏聽天崩披衲孤行歇未能索酒逢人拌醉矣問花叩戶染何曾道心白過骷髏粉狂行提如鬼

靈交李正氣錄卷三

三六四明叢書約園刊本

偏繩借問平生何所似上山樵子下山僧

慷慨從容並路行古人著語甚分明廣陵未散江濤韻蘇嶺仍聞鸞鳳聲道入死灰猶有息人當化石始無情懷沙頌橘逢漁父不與從頭訴不平

難中雜詩

陋巷漸顏閔紆籌負管蕭風雲生造次毛羽合飄搖火厝難栖燕江橫怯渡橋可憐委佩者晏晏坐花朝搏虎仍之野投豺又出關席心如可卷鶴髮久當刪怨予不知怨閒人安得閒國家猶半壁不忍踏文山

諸子收吾骨青天知吾心爲誰分板蕩不忍其浮沈
鶴怨空山曲雞鳴終夜陰南陽江路遠悵作臥龍吟
火樹難開眼冰城倦著身支天千古事失路一時人
碧血頰香草白頭逐釣綸更無遺恨處燥髮爲君親
燈夕不堪乃遂絕粒是夜雷雨明日甲子抵晚雷
電大作繞營不休凡三晝夜口遂發予入南都
震虩復連夕蒼穹知此心山川驚毳帳星斗失田禽
涓水龍蛇怒昆陽虎豹禁誰能呼九子別掃大江陰
至南都示諸友

事家事王集錄

卷三

王右軍明叢書

約園刊本

故國餘喬木孤臣尚有身冠裳天已定得失事難陳
姓氏經書外精魂江漢濱勿云崖上月偏照夜行人
廿五日旣聽質余滯禁城尙膳監中諸友分羈兩
縣遂不可面爲覓襪被不得悵然寄懷

我亦無被服焚巢失旅人遭牀侵燹火推枕動勞薪
忍死看天意裁詩示鬼神諒無彈指處嚙啗向誰陳

後死吟

此事還眞宰非關我所量精魂烏兔共變化冶鑪忙
時至自應覺道消夕不妨編題溝壑句四壁也明光

後後死吟

原閔饒餘地榮期未喪家所爭惟落節不管別抽芽
潮刷銀蟾淚春扇鐵樹花親朋凋已盡老我更何涯
拌得

世閒萬事皆拌得況在神明淘汰中性靜自應情不
動道恬端與法無窮雲根觸石消枝葉霓采因光失
去從不是此生多解脫原來不藉物爲雄

精微可在北辰端不作單雙揀擇看煉月得膏猶帶
火烹天出滓始消寒人無兩路參須透道有千層剝

筆筆正志錄

卷三

三六四明發書
約圖刊本

盡難野葛熊魚齊下箸千年雷雨鼻頭觀

拌不得

底事當頭拌不得古人神理各周全正當竈下修靈
織錯憶堂前布几筵藥力不爭茶飯路絲衣只在縑
裘邊看多起倒翻名目猶是飢寒與倦眠

劍氣芒鞋未縱橫石頭猿鳥共聰明月將半滿看魂
魄潮向盈虛論死生一字鑿空千古誤匹夫獨往百
神驚游移顧盼無成業枉與煙波紋不平

才火名湯捐未涯緊拳握齒失嗟呀道因立命全歸

獸木自還根少著花日月定穿胸脅出雷霆不向夢
魂拋古今弘毅曾夫子萬里肩扶直到家

巽菴曰大滌黃先生文章氣節名重一時而人以氣
節重之者尤甚於文章然屢不得志於在朝之日烈
皇帝怒其疏救鄭鄴下詔獄事在不測得周延儒之
救而免而諸君子因之以信延儒人有言黃先生曾
過宿鄭家晨起良久不見鄭出使人覘之則鄭於母
前親進早膳而後出不悟其母之非真母也於是遂
確信之然而不善先生之聞望者天下固素信先生
之非昵於鄭也然而先生性自孤僻我烈皇帝不大
用之自是深知先生一死報國聲名愈烈矣

吳士繡字君玉當塗人婺源訓導黃石齋兵至充軍前
監紀被執至南京七日不食正月十五日大雷雨呼其
子曰天何震怒想爲黃先生也長歎數聲而絕及石齋
被殺仍戮士繡尸子祺生隨父行願與偕死當事者憐
而捨之呼爲吳孝子

毛玉潔字若玉六合人監紀通判同黃石齋被執斬於
南京東華門外作正氣歌數十章今存其一

正氣歌

莫謂天同夢須知帝有靈
幽心傾漢室熱血吐秦廷
電掣千鎧赤霜涵一劍
青濟川誰作楫箕尾有明星
傅冠號寄菴進賢人壬戌進士
大學士南都陷公被執起義
叛臣孫之獬以書招公公怒
拒之清拘其子殺其孫公益
憤決結艾南英等召募鄉勇
將復進賢力不能支走入邵
武隆武時召入閣公言此
時非稟擬辦事力請出任
恢勦未幾解兵柄屏居武夷
山中閩潰被獲不屈死

壽鏞案忠節錄字子京號寄庵隱居福建泰寧縣之分水鄉

雪文亭正氣錄 卷三

三十四明叢書

約園刊本

曹學佺字能始侯官人乙未進士登第年少有才名著書甚富喜接引後學家居有園林山水以文章自娛善書自負得二王遺法隆武時舉義從王遷禮部尙書閩潰服金屑自墜死十日後家人方知而殮之

楊文驄字龍友貴陽人戊午舉人隆武時授兵部左侍郎兵潰死之

壽鏞案忠節錄作執至富陽父子同死

鄭爲虹字天玉揚州人癸未進士初知浦城隆武時擢爲御史巡視仙霞關丙戌八月閩陷被執公切齒噴血罵不絕聲遂見殺年二十有五有標下中軍游擊張萬

明其子都司張廷鑾都督洪祖烈書記陳龍皆從死丁亥二月家人求其尸易棺殮之時死已六閱月鬚眉如

戟面貌如生

壽鏞案忠節錄儀真籍歙縣人同日殉者有標下張萬明翹鸞父子似游擊下脫張

萬明三字因補之

黃大鵬字雲若福建建陽人庚辰進士兵科給事中與

鄭爲虹同守仙霞關兵潰不屈罵賊死

壽鏞案忠節錄字將子一守南

浪號雲若

歐養初號劬劬四川廣安州人癸未進士隆武授兵科給事中射死行營

壽鏞案正氣錄卷三

子四明叢書約圖刊本

吳閩禮字去非徽人癸未進士乙酉之難從唐王於福

建召對壯其丰采以僉都御史奉命巡撫閩上游慷慨

任事練兵儲餉爲閩師所倚重事潰聞江省詹兆恆一

軍獨全聞道赴之中途被執不屈死

壽鏞案忠節錄浙江錢塘人兵敗入

山再招鄉勇赴戰死之

周定初字雲翼南昌人庚辰進士與同邑紳萬文英進

賢胡奇偉同守廣信關同被執見殺文英字仲實南昌

人甲戌進士鳳陽推官奇偉字念蓼進賢人丁丑進士

富順知縣

王士和字味之金谿人庚午舉人延平知府城陷不屈

自縊

壽備案忠節錄字鼎梅號端育又號味艾金谿籍臨川人

王秉乾字□□臨川人丁卯舉人原任長沙同知家居練兵起義被執支解

陳鼎臣字符九永嘉人貢生戶部主事不屈被殺

蔡光璧字東汝晉江人貢生戶部員外不屈死

陳元綸字道掌閩人名重士林耆三十年閩變不食死世之名下如陳先生者少矣

曾□□字□□峽江人曾櫻之子射死於汀州行營

壽案字正集卷三

三國志卷之三
約四四刊本

鄭填字宜伯歙人監紀推官陣亡開化

楊文薦字义和京山人癸未進士僉都御史督兵守贛兵敗投水不死爲清所執輒死

莊以涖字□□贛人監紀知縣城陷與其弟同死其弟觸石死尤烈惜逸其名

劉曰佳字偃仙贛人壬午舉人

馬興明字更生南昌人壬午舉人

馬芝字□□湖廣人壬午舉人

黃尙寶清江人貢生

胡夢泰字友蠡鉛山人丁丑進士兵科給事中奉使至

贛遇難不屈死

壽鏞案忠節錄字璧
水號友蠡仰藥死

候機部楊老師書

云中興恢復無日必不其然以高祖創業之功歷宗積累之德比之漢曆多歷年所此確確可憑者又先帝十七年宵旰勵精無時逸豫賊至慷慨決絕同聖后青宮殉社稷甚慘諸臣所不肯爲而先帝爲之此其憤鬱在人心者誰肯休歇云中興恢復有日則又未敢知爲何日也又朝端作用窺其意思似未嘗將

雲臺正錄卷二

約園刊本

恢復二字提出無有恢復之志自不容有志恢復之人南渡之已事可况醜婦誦洛神而怒此千古妬津也所痛二祖金甌拱手三讓東園方中宮寢未安先帝之血痕不沒誰非臣子亦獨何心此方破涕爲歡彼將餽糠及米偏安暫安恐不可得且讒夫高張錢神執契倒行而逆施之此忠臣撫膺長歎之日非壯士出手撐天之會爲老師計不如將一片肝膽暫自收按此際動卽造端語卽成謗深山密林尙有弋者之慕何言朝市不然聞聲加繒繳伺影來賊矢燁燄

撞壁何益時事某初意亦快覩老師之出而今深見
其有不可也石齋先生於十月十一日過鉛接教竟
夕某謂先生此出尙闕將牢石齋先生則以苦於差
官相逼當在臨安遲遲耳留書老師某失不鑰置書
笥中疇昔之夜鼠齧其角書中之旨當老師其出支
廈耳恐齧我者磨厲以須矣修鵞湖書院自是某心
最初已擇於此月二十四日起工矣初望老師居信
端座主盟發明異同指歸使信州諸士得聞篤論不
迷趨向不意復歸蕭水猶望時賜發蒙堅茲道心惟
祠記一篇文字關乎繼往開來取異徵詞匯同辨異
非理學名言不足爲四先生重想續述前賢誘掖後
進老師矢志婆心當樂爲之耳月初於徐門生處得
老師手示末言義利之分旣明則死生可一忠孝廉
勇事有本原捧讀師訓自是舜跖分界古聖賢諸大
儒皆從此處斬關奪路先驅某雖賦質樸昧獨幸生
性與利祿疏淺不於此處自信頗知審擇敢不堅持
端軌擴充前路所恨二先人尙未入土扶服歸後兩
足筋骨受傷疾發閱月數武爲蹇大事未了君親兩

負運不應心驚湖山下可言性命者甚寡遠違師範
無所提撕楷式深懼德業未成淪胥及溺先天地沒
爲愛我痛素誓或寒良足悲涕

與諸生問答

問何以破生死闢答曰人生定有箇死的處所定有
箇不死的處所問何以分人禽路答曰迷行投網是
謂禽割網而行是謂人

槩菴曰鉛山一書乃其後事之券也其與機部死同
時同地古來師弟之閒亦不少概見哉獨以拮据中

興之日而使天下賢人君子動色相戒裹足不前有
燭鷲撞壁之懼焉雖欲不亡得乎馬士英欲借周鍾
一案殺天下賢士大夫其略見於乙酉紀下而公幾
先獨炳言之痛心萬世而下其卽士英之爰書也夫
胡纘字□□廬州陵江府推官清兵至不屈死

李信字吾斯興化人貢士廣東和平知縣

詹兆恆字月如永豐人辛未進士御史起義山中豪傑
響應兵敗爲金聲桓所殺

涂伯昌字子期江西□□人庚午舉人兵部主事清師

至冠帶自縊審鑄案忠節錄新城人

感懷詩

癸未元日萬報恩寺值南北戒兵時同人公車皆住秣陵感事書懷有作

白雪猶殘碧水流禁城元日恣嬉遊郎官客散五花馬公子香銷雲錦裘南北音書何處寄縱橫羽檄向誰籌懸知天塹應無恙也念關河是帝州

一派秦淮水月明紛紛流萬盡公卿時看紫陌新雞犬還向青衣問姓名落日犬旗闐出塞清宵羽檄又

事本正氣錄卷三

三六四明叢書

約園刊本

徵兵椒盤柏酒頻相勸來報年光早自驚

紫衣紗帽錦威蕤拜祝風光又一時桃葉渡頭春尙早梅花小墅月頻移驚心王氣征帆影過眼繁華濁酒卮漫說昇平歌帝澤玉簫持向夜深吹

劉同升字孝則吉水人丁丑狀元授修撰楊嗣昌奪情督師公邀同官趙士春劾之謫福建按察司知事旋復官時周延儒當國堅不出弘光時屢召不赴丙戌年起義據吉安無援城陷而死今上贈廬陵伯

壽鑄案忠節錄字晉卿號

孝則

巽菴曰廬陵文山故里也文山起家大魁今公亦然
豈金粟後身與昔人曾刊吉州正氣一書繼續者公
矣靈傑所會非偶然也抑予攷太祖起兵時死綏殉
節之臣祀南昌者十有三人祀康郎山者三十六人
蠡潞廬阜之閒山川秀潔與忠靈廟貌相映發者乃
三百年以迄今日西江之彥先後殉國殆盡至虔州
之役國難以後死封疆者莫此爲多節義淵藪終始
國朝矣

雪交亭正氣錄卷四

明鄭高字泰樂菴撰

縣後學何樹崙附註

後學馮貞發補註
張壽鏞

丁亥紀

檇菴曰自丁亥迄今多義兵特起因而被難者視前三年殉國之臣殆將半之漢唐以後亡國之時未有若此之多者然皆出於文臣名士不能穿札跨鞍之人而先朝大弁爲清驅除恐爲之糜爛焉斯非制科

雪交亭正氣錄

卷四

一四
明夢書

約園刊本

作人之明效與說者謂本朝亡國之繇皆因甲科壞之然使門第薦辟之制行則其人豈盡克負荷者且數年死義諸文學使在承平非皆科甲之選乎本朝用人止此一途勢不無賢不肖紛出其間使舍制科而別途取士其壞天下事者正復不少也烈皇帝力圖新政極格用人庚辰特用史焯等一百六十三人吳康侯等一百人仍謁廟釋菜勒石題名至隆重矣厥後爭吏部爭改授患得紛紛以身報國者果誰氏哉

沈迅字公餘號寅泉萊陽人兵科給事起義兵執逆臣孫之獬豸而傑之後事敗被執死最烈之獬卽上書北朝言臣妻首先放足者爲清招撫江西歸家闔門被殺髮齡不留

葉進晟字子器福清諸生與林塗同起義兵敗被獲清令招塗卽免死于器令取筆硯書一詩送之有到得死時方是我縱然頭在不成人之句清遂殺之

林塗字子野號恥齋福清人癸未進士知海鹽隆武時授吏部文選主事遷都御史邊絕倖進務清仕源已而

事文事正氣錄

卷四

二四明夢書
續圖刊本

歎曰此潤色太平之事豈今之所急耶乃辭去出閩界募兵得數千人而閩事一稟鄭芝龍不得自行其志於是遣散其眾入山爲棺一具制布袍大紳書其上曰大明孤臣之樞監國至閩復起兵得義士千人約平海將軍周蓍芝進攻福清有門生從海鹽來謁將歸爲詩遣之門人涕泣而去來日卽出兵親冒矢石殺敵數千日暮士卒疲勞不繼遂敗公死焉

壽編案忠節錄作侯官人

遊門人詩

天地荒荒已如此君今歸去去何方山川麥秀傷心

淚日月刀頭帶血光
屠狗市中聲忽變
採蘭池畔志徒芳
寄言父老休相憶
我死魂猶到此鄉

出兵

蘭蓼當門不怨秋
楚囚泣盡也空休
拋他七尺留千古
恨何必三年臥一樓
月背炤人雲作祟
龍方潛壑蚓遊遊
誰能終古留高響
博浪聲中五世仇

別親知

繞廊風雨暮歸愁
鐙暗心明淚不收
易舍妻兒惟戀父
無慚膚髮但多頭
復仇到底落人後
做鬼應居最

卷四

三四明發書

約園刊本

下流門外長江知
我恨年年濤捲未能休

林汝翥字心弘福州人
□□進士知沛縣妖賊徐鴻儒之亂城守有功授御史魏監時公巡城遇火者曹進傳國興攬金於塗杖之中旨乃逮公先數日逮工部郎中萬燦內侍數十毆燦死於是公亡之遵化託撫臣鄧漢投獄廷杖得不死監國之閔召拜兵部左侍郎督師攻福清兵潰被執清欲降之不屈服金屑死

奇案忠鑑錄作福生人

萬曆丙午舉人

黃毓祺字介祉江陰老名士母奉佛極篤嘗欲進香南

落伽山公以風濤願代母往比浮海將登岸見其母在前就之則無有如是者再公甚惑之比歸問母母言自汝出門每日於樓上環行身雖不往心切向之豈神往與於是公奉佛亦謹子大湛大洪大浩大口國雖後俱棄子衿公欲倡義起兵或危之公慨然曰吾不忍世界子女受此慘禍雖毒及家門不恤也遂同徐公趨聚義於竹堂已破宜興入江陰兵敗趨被獲公出亡捕大湛清知縣劉景綽問之曰汝何爲此曰汝當爲此寧獨我問父何在曰此我之所爲父不知也又獲大浩曰此我

所爲兄何與焉乃同錮之獄中公閱行之淮安淮人薛繼周留之干三者博徒也素與公交跡得之來謁當是時六安義兵起假稱史閣部從民望也三爲公言可往從以圖再舉須得餉數千金爲資公亦以史尙在許之公素與錢謙益厚謙益雖降清家居公知其心尙可與言欲乞以餉爲書往三往至謙益謬爲恭敬延之密室厚款三私作書言三不可信狀次日謬爲答書許以期賈至寶乘閒易以詐書矣三歸公覽畢卽火其書及期而餉不至三頻詢公公屢卻以他辭三乃以公背已遂

首之清丙戌二月十三日獲公錮於淮獄復移廣陵獄
及金陵獄公自酖死清復戮公尸而繼周父子俱被刑
徙大港等家屬於燕僧了元以金贖之歸公著獄中詩
十三首遊仙詩十二首不能盡錄

逢繼周薛長者橋梓

神仙是假隱非真拄杖儵然斗笠貧當日吳門爲乞
子今朝石寶作孤臣孔融慷慨能容我張儉低徊卻
累人此地重逢腸已斷淒然無淚可沾巾

廣陵獄贈大生

李孝李正氣集

卷四

五

約園刊本

悠悠三載夢相尋天外風吹此盞簪舊恨交頤秋更
苦新知促膝夜何深憑君好努將來力老我能忘過
去心只恐天風又吹送此生長別只於今

金陵獄中示諸兄弟

時時搶地苦非常手足拘攣起臥妨自信罔圖眞浩
蕩誰言枷鎖不馨香皇天后土眞誠鑒孝子忠臣歲
月長何必丹雘并白犬此中兄弟倍難忘

冬至日口占

日行南至轉無聊滿眼香從何處消囚服自知慚簪

仲紙錢誰爲祭舉陶愁隨弱線偏增長淚滴寒灰亦
動搖萬死孤臣空有夢雁書不到御牀遙

絕命詞

人間忠孝頗平常牆壁爲心鐵石腸擬向虛空擊日
月曾於幻夢歷冰霜巖頭百里清音吼獅子千尋白
乳長示現不妨爲厲鬼雲旗風馬晝飛揚

友人爲予治木口占博笑

七尺昂藏亦幻形頭顱不敢負朝廷爲烏莫怪丹心
苦蟻蟻寧嫌碧血腥何必達摩留隻履底須普化振

善堂正氣錄

卷四

六

明徵齋

約園刊本

銅鈴桐棺三寸人間世寒食荒郊草自青

海寧獄中午日口占

飯筒相勸且胡盧進悴居然楚大夫續命誰添今日
線辟兵空說舊年符飄飄燕尾眞如艾錯落龍鱗頗
似蒲何處張旗仍握劍可憐一切總歸無

生日

狂余墮地是男兒春色平分月似規幸值神宗全盛
日況當先子壯遊時乾坤反覆今縲紲歲月蹉跎合
涕洟見說家鄉飄蕩盡古人曾否問恆飢

拈李卓老焚餘十首

今存三首

丞相當年燕市中空樓形影自煢煢三年飲血曾無
缺千載心期果不同帶血何妨啼夜月斷頭直似斬
春風可憐死後徒增愧惶恐伶仃繫海東

繇來名遂與功成七尺飄然一葉輕雪恥淋漓憐伍
相立孤辛苦憶程嬰甘心誑楚龍真遁含笑亡吳狗
亦烹草草自知慚後死或無兒女繫柔情

受性原分媚與忠美新卽在反騷中懷沙憔悴誠爲
拙投閣支離未是工豈必首陽非屈子敢云柳下是
揚雄人生合爲靈修死千古離騷教莫窮

小遊仙詩

亦擬深埋地下憂支離南北海中洲金臺昨夜方灰
燼鐵柱今朝又橫流封豕豈能勝鉞甲妖嬈聊可試
吳鉤低徊俯仰三千載天外尋天一寄愁

戎馬生郊道阻修悠然我夢落滄洲世間都尉皆羊
胃天外將軍是虎頭落落新詩如有畫招招舊社不
驚鷗憑君莫話登仙事仙子無人可訴愁

自註客有遇虎者無可奈何逃之虎背虎咆嗥而
馳勢不得下望見者歎爲神仙客曰汝知神仙腹

中苦否仙子無人可訴愁真堪與此語同一掀髯也虎頭將軍詩絕畫絕癡絕凡生平妙畫絨藤甚固爲好事者計取封識宛然詎曰吾畫登仙去卽癡絕可知天壤間工詩畫者不少求一癡人正不可得嗟乎爛羊胃騎都尉爛羊頭內侯豈非黠兒也哉

槃菴曰介祉難中賦遊仙詩四十二章有曰機緣不

用金鍼度藥草非關玉杵春大旨如此自古真正神

仙惟子房子真耳餘則皆頑仙也至小說李林甫盧

杞皆具仙骨仙亦何足貴哉因爲詩兩章以弔之亦

以明先生之意云

貞羣案續甬上耆舊詩所錄與此稍有出入今仍依錄

難將輕夢落滄洲烈火鑪中試一遊大冶鍊鋼煎碧

善孝事正氣錄卷四

八四明叢書

約園刊本

血小鑊煮石共丹頭長違赤伏吳門卒詭說黃冠燕

市囚同此星星長不死誰分決烈與真修

故作微茫無限情人間忠孝性分明青蓮詞氣沾丹

鼎先生自敘言太白遊仙詩未免丹鼎氣

黃子詩魂帶血兵今日蓬萊

悲淺水他年華表痛淪城不從愁裏噓真火自是頑

仙向劫更

貞羣案續甬上耆舊詩錄詩二章云痛將熱血漬遺章今日仙遊知更傷白羽化來

徒有恨黃冠歸去已無鄉稽山抗手招梅福槍海連

鑊憶子房此內真詮還未得頑仙定向劫中亡慢

作微茫無限情滄洲何處一身輕背蓮辭氣沾丹鼎黃子詩魂帶血兵明月碧蕭聲遶莫寒潮畫角恨分明於今漢苑仙人淚敵作瑤京風雨聲

陳子龍字臥子青浦人父所聞天啓壬戌進士公天才
絕出倫輩少而知名於時與橋李夏允彝爲生死交舉
丁丑進士授紹興府推官十六年寇患已深朝野之議
有欲出皇太子於南京以防未然東陽人許都頗好事
遊於橋李其師何剛謂之曰天下多事將及於江南子
所居江南精兵處也盍結其豪傑以待變此江左夷吾
之業也都信之歸而聚眾數千東陽知縣桐城姚孫棐
家富棐以其鄉邑不可居遷其資於官所都眾無糧因
劫孫棐資都人得已攻下三城浙東震動公知都非欲

反者在說降之誓以不殺而巡按御史左光先斬都以
徇公倉卒不能得之光先深以爲恨遷南京吏部文選
司主事終養祖母毅宗偉其定亂改兵科給事中公聞
寇逼京圻與夏允彝何剛等練水師欲從津門入援而
北都已陷弘光卽位馬士英自以揆立不協人望遂盡
疑當世知名之士意在潞王而公以素望尤見忌清師
渡江允彝縊死公建議守松江三月監國加總督兵部
尙書兼右副都御史亡何城陷公旁皇山澤作爲詩歌
變徵之聲吳勝兆反正公爲之主遣周謙之密出至舟

山黃斌卿代勝兆請給勅印已而勝兆爲標下將高永
義所縛時竟其獄獲公一奴爲嘉善錢梅橋李黃齋匿
公索之不得已而得之嘉定侯岐曾家見處不屈鉗
置於戰艦泊松江跨塘橋公起溺語守者挽索挾我守
者起挾公公奮力赴水中兩卒出不意皆同墮水公以
鐵索沈故處兩卒尸遂漂失時丁亥四月十二日也北
兵戮公首傳示湖海

壽鑣索子龍與夏允彝徐孚遠王
光承等皆農社筆子幾社與復社

時相
和應

秋日雜感十首

傅節子可陳忠裕諸
詩已據本集校正

聖孝李正氣集

卷四

十

四明叢書
樂園刊本

滿目山川極望哀周原禾黍重徘徊丹楓錦樹三秋
麗白雁黃雲萬里來夜雨荆榛連茂苑夕陽麋鹿下
胥臺振衣獨上要離墓痛哭新亭一舉杯

行吟坐嘯獨悲秋海霧江雲起暮愁不信有天堂似
醉更憐無地可埋憂荒荒葵井多新鬼寂寂瓜田識
故侯見說五湖供飲馬滄浪何處著漁舟

萬木凋傷歎式微何人獨與賦無衣繁霜皓月陰蟲
切畫角清笳旅雁稀阮籍哭時塗路盡梁鴻歸去姓
名非南方尚有招魂地日暮長歌學採薇

桑田海水兩悠悠汗漫嘗思歷九州星漢清深孤客
夜風雲蕭瑟大荒秋穹廬蠹帳連天起野馬黃羊市
地遊縱與向平探五岳短衣蓬髮不勝愁

金闕珠樓瑞霧中天門端拱萬方同鳳城南鎖黃河
隘鳥道西迴紫塞通三市銅駝悲夜月五陵石馬慟
秋風玉泉不識朝宗意依舊東流入漢宮

妖星芒角掃黃圖望帝魂歸定有無軒后衣冠成異
代湘妃珠玉竟先驅虛傳龍種還天闕空見旌頭入
上都何日侍臣親灑淚手披荒草問金龜

雲水正氣錄

卷四

十一 四明叢書

約園刊本

南臺西苑柳如絲鳳輦龍舟向晚移春燕俄驚二月
火昏鴉空繞萬年枝橐駝盡繫明光殿首蓓翻栽太
液池苦憶教坊供奉伎短簫橫笛譜龜茲

雙闕三山六代看龍蟠虎踞舊長安江陵文武牙籤
盡建業風流玉樹殘青蓋血飛天日暗黃旗氣掩斗
牛寒翩翩入洛羣公在賸有孤臣淚未闌

故宮樓閣照江清細柳青蒲日日生霜老蓮房殘望
苑風飄槐葉下臺城仙人露掌飢烏集玉女窗扉蔓
草平回首蔣陵松柏路按鷹調馬不勝情

經年憔悴客吳關江草江花莫破顏豈惜餘生終蹈
海獨憐無力可移山八廚舊侶誰奔走三戶遺民自
往還圯上隆中俱避地側身懷古一追攀

輓夏瑗公

丹旄飄颻岸柳疏平蕪渺渺正愁予驚濤不盡鴟夷
血痛哭空留賈傳書華岳暮雲來大鳥沅江春草澣
文魚范張未畢平生語淚灑南枝恨有餘

二十年來金石期誼兼師友更追隨冠裳北闕同遊
日風雨西窗起舞時志在春秋真不爽行成忠孝復

學案正錄

卷四

十二

明叢書

約圖刊本

何疑生平舊約慚嬰杵未敢題君墮淚碑

徐式穀字似之吏部尙書石麒之養子也嘉興府陷石
麒死之吳勝兆之降式穀與謀當事者窮竟得之亦死
於難

侯岐曾字雍瞻大學生嗣曾弟吳中名士高陳臥子之
義匿之別業事發與臥子同被執係之松江大罵不屈
見殺有一僕亦大罵而死初嗣曾起兵公奉母以居至
是亦殉於難人稱之爲二難

夏完淳字存古夏彝仲子彝仲既殉節踰二年完淳年

十七與陳臥子起兵吳淞間完淳早慧五歲而知五經
九歲輒擅詞賦十三而博古文名聞東南及與臥子共
事凡筆札皆出其手事覺被逮就鞫南京有欲生之者
曰汝年少豈知兵曰年雖少豈遂不知兵曰汝口何不
惜身曰我死又十六年必同先大夫再來殺賊身又何
惜因顧其婦翁錢旃曰男兒死即死何能作求生狀遂
殺於西市

別雲間

傅節子曰夏節愍各
詩已據遺集校正

三年羈旅客今日又南冠無限山河淚誰言天地寬

雲臺李正氣集

卷四

十三

明倫彙編
新刊本

已知泉路近欲別故鄉難
毅魄歸來日靈旂空際看
拜辭家碁人

孤兒哭無淚山鬼日爲鄰
古道麻衣客空堂白髮親
循陔猶有夢負米竟誰人
忠孝家門事何須問此身

寄內

憶昔結褵日正當撥甲時
門楣齊閎閎花燭夾旌旗
問履談忠孝同袍學唱隨
九原應待汝珍重腹中兒
寄荆隱女兄兼甥侯武功

門闕推江左孤忠兩姓傳
十年黃鶴詠三載蓼莪篇

愧負文姬孝深爲宅相憐大仇俱未報仗爾後生賢
簡半村先生

樂令竟如此王郎又若斯自羞秦獄鬼猶是羽林兒
月白勞人唱霜空毅魄悲英雄生死路卻是壯遊時

聞大鴻仲熊訃

叩闕應有路兄弟竟齊遊盱眙同時盡襄融一日收
黃墟人已變清淚夢中流如赴增城約停驂待楚囚
毗陵遇轅文

宋生裘馬客慷慨故人心有憾留天地爲君問古今

雲字正氣錄

十四

約圖刊本

風塵非昔友潮海變知音灑盡窮愁淚關河雨雪深
被羈待鞫在皇城故內墻宅

孤臣魂已斷况復見長安歌舞愁雲散池臺落日寒
重來中貴宅空掛侍臣冠一片銀鐙影還同劍佩看
御用監被鞫瞻拜孝陵恭紀

城上鍾山色松杉落翠微朝光羣鳥散暝色二龍飛
璧月沈銀海金風翦玉衣孤臣瞻拜近泉路奉恩暉
七夕步蠶水先生韻

忽然秋滿地愁裏度良辰有酒還同醉無衣豈獨貧

月明河鼓動露落海閭新欲就君平卜升沈數未真
虎邱遇子高

竹馬交情十七年飄零湖海竟誰憐知心獨用要離
墓亡命難尋少伯船山鬼欲回江上夢楚囚一去草
如煙姑蘇明月愁人醉翦燭無言更惘然

蘇丹陽入京

萬里山河拱舊京楚囚西去淚如傾斜風衰柳丹陽
郭細雨孤帆白下城殘夢忽驚三殿報新愁翻憾一
身輕從軍未遂當年志遺恨千秋愧請纓

蘇丹陽入京

卷四

十五

蘇丹陽入京

西華門與同難諸公待鞠

同舟今日半南冠魂斷雲山舊築壇仁壽鏡移江月
落景陽鐘動曉風寒誰將杯底消秦獄卻向囊頭識
漢官相對銀鐙趨右掖夢中猶作侍臣看

細林野興

細林山上夜烏啼細林山下秋草齊有客扁舟不繫
纜乘風直下松江西卻憶當年細林客孟公四海文
章伯昔日曾來訪白雲落葉滿山尋不得始知孟公
湖海人荒臺古月水鄰鄰相逢對哭天下事酒酣脾

睨意氣親去歲平陵鼓聲死與君同渡吳江水今年
夢斷九峯雲旌旗猶映暮山紫瀟灑秦庭淚已揮髣
髴聊城矢更飛黃鵠欲舉六翮折茫茫四海將安歸
天地踟躕日月促氣如長虹葬魚腹腸斷當年國士
恩窮紙招魂爲公哭烈皇乘雲御六龍攀髯控馭先
文忠君臣地下會相見淚灑閭闔生悲風我欲歸來
振羽翼誰知一舉入羅弋家世堪憐趙氏孤到今竟
作田橫客嗚呼撫膺一聲江月開身在羅網且莫哀
公乎公乎爲我築室傍夜臺霜寒月苦行當來

筆文事正氣錄

卷四

十六國明續書

約圖刊本

錢旃字彥林□□人□□與陳子龍同事殺於南京
沈廷揚字季明崇明人監國命爲總督率總兵蔡德贊
晝沈始元游擊蔡耀戴啓施榮翁彪朱斌劉金城林樹
守備畢從義陳邦定等統舟師大舉接應吳勝兆戰於
鹿苑忽颶風大作戰艦盡碎爲清所獲駢斬南京

吳易字日生吳縣人癸未進士起義攻破吳江清援兵
至退入太湖監國封長興伯清騎經湖干者屢爲公伏
兵所獲北朝苦之遂大舉入湖蹙於烏金港遂被執殺
於武林

樂菴曰日生不羈之士人有言其雖起義兵日與其軍中少年打馬弔縱飲不事其事其被執也亦無必死之心多以此少之然始於起義終於殉節大德靡虧矣又有言其有家妓香娘者公既死有欲淫之跪曰我既失身爲妓寧守貞乎但念吳公一念不忘故君吾又何忍忘吳公乎宛轉求免聲淚俱下虜亦義而釋之迄今尙守卻不嫁人觀此則吳公亦必有所以感人者雖一妓亦知其忠誠矣

楊廷樞字維斗長洲人庚午解元魏忠賢之逮周順昌

卷之五十五

七

四

明鏡齋
約園刊本

也吳人特殺其官校諸生則廷樞爲之魁舉出海岸黃先生之門匿於吳江之蘆墟不薙髮吳勝兆事敗清搜村落之伏隱者至蘆墟廷樞曰必爲我也卽出詣營大罵四月廿四日被縛餓五日不屈被殺其妻費氏女觀慧俱罵賊而死

絕命詞

余自幼讀書慕文信國之爲人今日之事乃吾志也四月廿四日被縛餓五日未死大罵賊未殺未知尙有幾日未死遍體受傷十指俱損而胸中浩然之氣

正與信國燕市時無異俯仰快然可以無憾覺一生
讀書至此甚是得力留此遺墨以俟後人知之因舟

中漫賦十二絕

僅傳六首

人生自古誰無死留取丹心照汗青正氣千秋應不
散於今重復有斯人

浩氣凌空死不難千年血淚未能乾夜來星斗中天
燦一點忠魂到此間

社稷傾頽已二年偷生視息亦何顏祇應浩氣還天
地方信平生不苟然

雪案正氣錄

卷四

十八

明叢書
約園刊本

屬賊常山有舌鋒日星炯炯貫空中子規啼血歸來

後夜半聲傳繞寺鐘

自註時余在
盧墟泗洲寺

有妻慷慨死同歸有女堅貞志不移不是一番真患
難誰知闔闔有奇兒

近來買國有鬚眉斷送山河更可悲幸有一家雙母
女綱常猶自賴維持

蘇州有明遺士楊廷樞幼讀聖賢之書長懷忠孝之
志立身行己事不愧乎古人積學高文名常滿乎四
海爲孝廉者一十五載生世間者五十二年作士林

鄉黨之規模庶幾東京郭有道負綱常不散之重任
願爲南宋文山惜時命之不猶未登朝而食祿值
中原之多難遂蒙禍以捐生其年則丁亥之歲其月
則孟夏之中方隱遁於山阿忽罹陷於羅網時遭其
變命付於天雖云突如其來亦已知之久矣有妻費
氏吳江人歸余二十餘載有女觀慧適張氏年亦二
十餘眷罵賊全忠不愧丈夫之氣概舍生就死殊勝
男子之鬚眉一家視死如歸轟轟烈烈舉室成仁無
愧炳炳烺烺生平所學至此方爲快然千古爲昭判

底終爲不沒但恨報國無能懷忠未展終是人臣未
竟之事尙辜累朝所受之恩魂炯炯而升天當爲厲
鬼氣英英而墮地期待來生舟中矢志不能盡言留
此血衣以俟異日願我知己面付遺孤如痛父母卽
思忠孝垂後之言以此爲訣四月廿八日舟中筆

劉曙字公旦又字稚圭長洲人癸未進士里中某起義
假公名公在外實不知也某敗并逮公所至南京赴
鞠洪承疇署所是日於署門外始見某問以並未見議
何相累也某言知公忠義烏可外公且非公名無以倡

眾望公曰承公知已寧得不爲公任死遂入俱承一無

所誘遂見殺

貞羣案金堡南昌尹劉先生傳云丁亥以舟山之覆獲名冊首有署名密令知府率

兵掩捕與此異又云乙酉授南昌知縣未仕而金陵失守江路絕歸隱蠡口又案公且有節必居稟八卷補

遺一卷有刻本

槩菴曰劉先生之事斯亦奇矣世有始與同事臨難推諉冀緩須臾死者卽在兩相然諾生死共矢之人其聞劉先生之風能無愧死哉雖然如某者身舉事而必假其名以倡眾夫亦服之於其素也則論劉先生者寧必在任死俱承之日也耶

事本正氣錄

二

王國明

陳萬良字鳴皋仁和人起義湖中監國授都督同知掛平吳將軍印總制湖西命戶部輸之餉所謂征西之軍也師渡錢塘仍入湖踰一年初公與同事魯美達者厚後以事相失達附降知公出入遂導清計擒之然清亦惡達反覆臨刑之日先斬達於公前以謝公復殺之梟於衢口露齒如恨狀踰年如故

槩菴曰佛書有言狗子亦有佛性其虜殺魯美達之

謂耶

陳子壯號秋濤廣東南海人已未探花禮部右侍郎兼

翰林院學士清師至廣州公謬降遂起義被執舊內閣
黃士俊何吾騶已降附同佟養甲坐廣州演武場鞠公
張家玉亦起兵養甲拱手言老年翁汝不比家玉家玉
未降汝降而後叛罪加等公言我降者欲觀汝虛實耳
因目士俊兩人汝作汝事我作我事遂磔死壽鏞案罪
惟錄字集
生號秋濤 又案罪
惟錄無降而復叛事

葉菴曰國難以後不愧科名者則劉湛六劉孝則余
武貞狀元公則榜眼仕於清者則錢謙益陳之遴高
爾儂陳名夏皆至尙書或入內閣而魏藻德以先降

聖文正王集卷四

三十四明懷書

約圖刊本

闖被夾死楊廷鑑爲清學博數年而歸今名夏被殺
妻妾給軍士齟齬俱殮

張家玉號芷園東莞人癸未進士庶吉士賊破北都同
館皆附賊公獨不降入廣起兵被執死最烈壽鏞案罪
惟錄字玄

子別號

芷園

葉菴曰壬癸之間闖賊多用金鉤餌吾人其金皆山
西潞紬絨貨諸大商爲之轉運多用之於要地推陞
聞及於癸未會場人有言是科館選皆出其中城破
之日百官逡巡不敢朝見賊相牛金星大言曰他官

不朝尙可新翰林亦不朝何也蓋向未選時有來言
欲得翰林但預計用金之數請代爲營乞得選久而
不索其償皆鬪賊之爲也諸館選初亦茫然不解耳
官聯之地貝玉橫流無惑乎奸宄之祕謀乘間而入
哀哉然則張公之事善矣而吾尙以庶吉士之名竟
爲張公累也

葉天章一名尙高永嘉諸生北師渡錢塘狂通衢令
薙髮亦因狂得免賦詩訕謗馬草詩曰可憐昨夜還
爲被和淚拖來到馬欄胡服詩曰安得蜉蝣易生死猶

葉天章正氣錄

卷四

三

四朝叢書

約圖刊本

存楚楚好衣裳上丁釋菜天章入文廟痛哭僞守朱從
義執而笞之下獄天中節前一日爲絕命詩曰待酌蒲
酒心先飲未浴蘭湯骨已香飲鴆卒

青鑄案忠節錄作
葉尙高字而立樂

清人 又案葉太守另爲一
人永嘉諸生被執大罵死

陳世亨□□瑞安人浙東建義授中書舍人兼攝鄧
藩審理清師至溫晦迹山中聞監國入閩丁亥十月初
四以一旅復安固援兵莫繼被執罵賊死

洪有文閩人丁亥二月監國至閩復漳浦以有文爲守
五日而漳浦復陷有文死之

杜懋俊字英侯鄞諸生世居管江過宜謀起兵亦與盟
及事洩據管江拒守清兵至矢發如雨公重傷忍痛大
罵依牆而斃數日屍立不仆

杜兆苜字承芝鄞諸生懋俊之叔與謀被執戮於市砍
十二刀首始斷直立不屈

施玠字仲英鄞諸生父翰故都督僉事總兵過宜之謀
興復也玠破家從事後同杜懋俊守管江死於難

林化熙字暉如福清人隆武元年授國子監博士福京
陷避之海口鎮平海將軍之復海口而旋失也得化熙

雲字正氣

卷四

三三
明叢書

約園刊本

執至都院張存仁所存仁意欲降之問曰吾聞海上周
崔芝裔人留髮爾不薙髮受其所脅也化熙立而笑曰
人生髮膚不能自主而受脅於人耶若髮可薙之而留
汝今日亦能脅之而薙乎存仁怒置之於獄中化熙賦
詩有鐵骨凌千古冰心扶五常之句明日存仁復欲降
之不可使戮於市過隆武登極之行朝化熙趨入朝門
坐地上爲騎卒曰我大明臣子也當死於是於是口占
一絕云吾頭帶吾髮吾髮表吾心一死還天地名義終
古欽命在旁者書之而欽字誤書爲矜字化熙視而改

之乃就殺

林學舞□□人平海將軍周崔芝參謀也趙牧常熟人初鄭芝龍之降也清師尙未至納款散遣關隘水陸之師以待隆武帝命崔芝出師蘇松芝龍中沮之滯於沙埕及清師入閩芝龍在南都檄崔芝會於其所崔芝將以師南還道遇督撫張肯堂力止之崔芝不得已而至南海始知芝龍降清爭之不得學舞陳降清八不可芝龍不聽監軍朱永祐謂崔芝曰虞山趙牧其人勇士也我欲見之芝龍而刺之以成千古之名不果於是崔芝

雪交亭正氣錄

卷四

三四四明叢書

約園刊本

移師海壇其明年正月復海口海口崔芝之故鄉也以趙牧爲總兵令學舞守之夏四月清攻海口牧出戰殺四百餘人清益兵攻之城遂陷牧及學舞皆死之

芝龍知鄭彩迎監國至閩索之急彩力不能禁乃匿監國於他所而以南夷貌類監國者服御服在舟中使一人守之乃謂芝龍曰彩欲出監國而難於爲詞不若公使人取之於是語守者事急則縊南夷以口與平國使者已而大兵挾芝龍北去事得解

附註

雪交亭正氣錄卷四

雪交亭正氣錄卷五

明鄧高字泰燧菴撰

縣後學何樹崙附註

後學 馮貞翠
張壽鏞 補註

戊子紀

燧菴曰戊子之紀皆爲余亡友諸人事也憶自丙戌仲夏清師渡錢塘余自里中奉母入山迄孟冬之望有蠟書從海上及余爲偵者所得夜將半有十餘騎逮余去嚴訊數四余忍楚不承錮獄兩閱月終以賄

雪交亭正氣錄卷五

一四明叢書

約園刊本

脫其明年吳楚路通家君自西楚歸而華王諸公朝夕過從促膝論兵自夏徂冬事垂成而忽敗而華王諸公相繼就縲絏矣踰月爲戊子人日并逮家君送省獄錮余及妻孥於一室數狼卒守之數月而事得解蓋華先生有手書難泯滅而家君幸無迹可據耳寸絲刃器皆沒入虜止幸存殘息而華王諸先生於五月就刑瞬息之間八年於茲雖鍵戶屏絕世事期不負此初盟而覩然偷息以視亡友能無少愧乎當是時鏘肅樂治兵於閩從海上興復數郡直困福州

八閱月石矢及樓櫓浙師俱往備閩里中若能以一
旅奮興聯海上師進逼錢塘事起倉卒遙應閩師未
必無濟而賊臣告之以至於敗殄滅數家恨也何如
語云痛定思痛愈於痛時今含淚爲諸公紀事蓋不
禁心之欲裂也甲午秋日燈下書此藏之祕篋

華夏字吉甫鄞人副貢生與錢先生起義授翰林簡討
清師渡江後次年公與同志謀興復聯絡威虜伯於舟
山約爲內應自寧及紹山中皆有布置欲與越城同日
而舉經營一載鞠躬盡瘁剋期於旬日卽發時王翊山

葉季正集

卷五

二四明叢書
約園刊本

師初起公貽翊書未達爲人所得有首其事於官者因
執公越三月威虜伯如期出師舟抵城下而公已縲絏
同謀者或逃或亡時海道標亦有密相訂其舉者以事
旣變不敢發內應聞然而歸而亦無敢格之者時丁亥
十二月初四日也初巡按秦世楨至寧波將於是日往
台公欲乘各官之送襲其虛會事覺世楨遲遲不發事
遂相左公就訊之日岸然不承問以誰爲主謀則曰有
之太祖皇帝烈皇帝耳卒不及他戊子五月初二死於
市臨刑慷慨自若妻陸氏聞欲徒燕沐浴更衣從容自

總公在獄自號過宜或問之曰周公之過不亦宜乎然則余過何不宜之有

壽鏞案先生有過宜言八卷後裔華永祺收藏今壽鏞手校付梓矣

對簿錄

寧郡慕古擬古惟癡心者偶中其實耳是以口邊忠節前修亦愧故不遮風雨盜獲香藏慨任戈矛凜看荒冢莽戎時晚宗邦漁父頻覩鵝蚌近難冒蒙同患非云一我僻存血性蹈仁夫豈無人或者愚不敵智偽足掩純以致誚疑各半實望多誣承道口巨公信覈兩番對簿存一時事敢欺心筆誑彼罪知

藝文事正氣錄卷五

三四明鏡齋

約圖刊本

旦夕不能坐口明心而力薄知短不能奮飛適有爲姚江王職方介紹云練有精兵千當移復紹師復寧急須公札往請耳予神思頗疑殊覺不鼓而同事友勇往甚促札往札已行矣又嫌機事未盡恐呼吸未可靈也促易札札無從追因用尚名績發未幾直指駐寧寧郡舊紳原任太僕謝家富耦國掩耳大明二字藉手首許希圖邀媚值職方事露其寨中藏悉被獲而同盟名多與所首符以二之日戊辰余首就逮荷鐵入獄籠家尙未知也踰庚午忽解兵薄城頃之

退去而監國大學士謝亦械癸酉赴直指訊先訊謝
謝頻叩地稱述清功德及表己向推誠靡敢失此生
節至意頌直指萬年德音介福啓後備致乞憐態且
曰治民若有異心未敢出兩次首也命之退乃避左
左出謝揭二其一載有屠獻宸董德欽董志寧王家
勤楊文琦文瓊文球七人一則李文纘及余夏及慈
水諸馮氏也復出職方營所獲同盟帛書二指余名
曰爾名耶曰然指屠董諸名曰何等人耶曰秀才耳
極善讀書曰誰爲首曰首余余年長且兩書皆出余
手筆曰何爲其通賊也曰非敢通賊通有心大明者
耳曰爾輩與王翊稱義盟弟竟同飲血酒乎曰未也
難道我北人亦可與爾稱盟弟乎曰有心大明雖天
下人皆同盟也曰爾通賊宜死信言之吾當生汝曰
求生細人之行不欺儒者本心若云忘大明卽是有
欺只今尙恢復不來兵馬莫集糧草莫辦徒懷耿耿
耳曰吾聞屠爲謀主房子大可藏奸曰屠固世家薄
宦齋耳明時會文其家今廢久矣曰謝三賓與爾同
謀乎曰謝三賓最爲寧郡人不齒甲申之變猶居鄉

也弘光皇帝蒙塵彼竟降附迨錢刑部起義王武寧
執詞問謝罪彼自願督餉自贖監國幸越不次入東
閣惟聞暮夜金卽用千金買美姬行樂耳坐陷錢塘
急切奔降而大刊揭帖告當事明歸心大清赤忱是
一反覆小人行同狗彘也此好事豈有他分惜與他
同獄未免抱愧耳直指點首者久之又問余李文纘
曰明朝英俊向同古文社今五六年廢筆硯亦疏矣
又問馮蕘馮家楨曰慈人耳地隔且啞伊嚙兒子也
復出揭問楊文瓚何如人曰是一名孝廉然極文弱
鄉居不求聞達者直指色忽厲曰難道爾一人謀叛
耶我欲生爾爾尙抵塞我嚴刑爾矣曰爲大明則七
尺已拌雖鼎烹曷懼苟僥倖無死而支吾粉飾何以
對大明何以信友前年薙髮雖因小人有母然監國
在閩永曆在廣明正可與何敢輕死直指倏和顏手
指帛書中奴罪貫盈語曰此謂順治不德乎曰然天
亦悔禍曰此云天意屬明乎曰義旂四起曰天下起
義者多與曰是也至布置已定發不待時曰爾如何
布置有說則生無說則死曰心腹腎腸肝膽皆布置也

亦何言既已爲大明則聞爲恢復計無不色喜苟有
可通不能不大言以壯任事之氣又何藉區區寶布
置爲直指又點首者久之余又曰誠能布置豈無一
番舉動柰生長澗濱非其地眾心懼禍無其人獨存
介石以號召澗內之有志興復者耳直指若又點首
然者曰屠獻宸何人親耶余不應又問曰屠宸卽獻
宸乎余又不應又曰屠與董諸人何在曰初二日卽
出就逮經今六日柰何向獄中人問未獲耶曰同謀
豈止五人曰安得盡人而望以忠義也直指又若點

雲志正氣錄 卷五

六四明叢書

約園刊本

首然者復肅容云尙可質言以免爾死曰蒙霽顏曲
詢豈不惜死但成仁取義止慰寸衷亦何憚而不甘
心正法以表素志直指又點首者久之乃命余下呼
詢李李猶強項不承謀也呼詢馮氏馮惴惴哀告乞
命耳於是發謝及馮李赴會議所聽道勘釋而監錮
余司獄中李自願伴余於獄適倪廷評玄楷因蓄髮
被仇家首亦受刑被獄相與共入牢籠彼此和歌曇
花傳奇中木公不肯屈魔鬼纏綿道諸折歡笑徹旦
余私擬公孫杵曰侯生田光輩意玉成同盟肥遯人

他日報成事也未幾而楊氏兄弟被獲矣聞長兄文琦慷慨無卮詞余淚淫淫下卽聞道解屠董赴台見直指余不禁頓足穿履底以臘盡十有九日府奏道所遵院文取余同楊氏兄弟與李及馮及王董面鞫定罪時王董尙未出家屬被縛耳然王被拘丁搶毀無餘矣除夕屠董自台歸聞其力卸專嫁罪非復平時激昂態徒養有爲也旦晨賦獄中八韻寄嘅越七日府又遵道所轉院批再取余及屠董與楊文琦等嚴對簿必欲實屠董不同謀并帛書中布置已定八

字且曰爾不求生已矣良心已昧別人豈可誣得曰前對按君一字無欺曰屠董與爾並不相識而書中何插入他名耶曰亦爲諸友平生談忠說孝指矢天日故爾曰得毋借屠董名士名煽惑王賊乎曰論職方王翊余亦素昧平生也因楊友文琦面善翊而余喜其有恢復志或藉以早見日月遂不禁走筆之迅也何爲而有屠獻宸又有屠宸也時余憫屠董因念錯求生致家焚雪慘今直詳所以則屠董死矣寧便贖身又重違平日面面心諾有如社稷山河毋敢負

自許許人終始肩罪一若直指鞠訊時必不言特舉
筆屬余耳并不言同人知有是札也韋府未之察也
叱余奸甚巧借他人名首尾叛賊而事成功獨擅事
露他歸罪謂真大盜耳余曰假讖禍隨其後曷不竟
脫已名且苟有旦暮心寧不能他一及天下豈與人
其有利害而罪無旁讓之理穿箭者如是乎韋府閉
目搖首已復曰清朝有天下二十餘年刑簡賦寬急
行科舉有何虧負多士竟不記兩年內我諄諄示諭
耶曰自祖父來受明朝太平德澤登仕食恩身亦膺
先皇帝寧郡餽幾十餘年且叨弘光先帝南都恩貢
人生君父有幾就如一密交好友或隔絕他邦或他
鄉遇難亦時時在眼可歸則歸之否養其子孫克紹
箕裘豈以君父而膜外置之誦詩讀書傳舍君父誠
未敢也惜今尙恢復不來祇虛聲耳韋府乃正色直
腰昂首大言曰按院命我嚴鞫布置已定發不待時
八字須一一招明免受刑夾曰按院已知此八字爲
空言矣弄筆虛張總不離文人習氣也問太祖高皇
帝聖諭毋作非爲爾密行布置思量內應非爲不若

是乎曰今日之事天日在上鬼神在旁公論在天下
是非在萬世余身不能挽一石弓家不能足旦夕儲
只用胸中一團赤血上答高皇帝若布置須必集兵
兵以餉聚餉從何來近者家不藏甲戶無寸鐵兵器
何來余定海人也居郡城久城中無故而聚十人必
駭人觀聽則何處爲結寨屯兵地況僻處澗濱未可
用武按院曾然余言矣於是作勃然狀曰我嚴刑之
下何求不得爾不招供俟夾耶曰人非木石誰不知
夾後言不若先夾言今日夾亦死不夾亦死死已不

寧交車正氣錄

卷五

九

四明叢書

約園刊本

避何嚇嚴刑曰清朝曆數已歸無賢智愚不肖知之
陳臥子陳萬良及起義諸人立即覆敗江頭數百萬
人馬一朝潰散今兩京十三省悉遵正朔而復癡想
有大明吾豈不愛紗帽天兵到處疾風捲纜敗勢如
崩不得不知機就職假使天不祚周雖尼父汲汲無
益矣曰晉失一甲子一彭澤能存之孔子知道之不
行而遑遑焉伸君臣大義無敢廢倫也一手不援溺
一木不支廈閩廣魯晉昭如日星則聞辨得恢復事
豈禁神往果自能布置從丙戌夏月今年已踰半何

容隱忍抱膝耶曰無鄉紳與謀耶曰悲夫何育之苦
耶大明無鄉紳久矣卽有亦膏腴潔衣多買田產爲
子孫計耳否則擁姬妾傲物取快一時如與大明結
沒世不可解之仇矣安得鄉紳只苦這幾箇秀才爲
著明倫堂三字丹心耿耿刻不能昧一戴紗帽狼心
狗行無復人理章府厲聲呼夾余夾余量地余高聲
應曰有同謀有布置曰說來曰崇禎先帝造謀弘光
皇帝統兵其餘大學士范景文四川御史陳良謨南
京禮部儀制司主事黃端伯杭州府錢塘縣知縣顧
咸建太常寺少卿陳潛夫一班忠義皆余布置也章
府不許余大聲呼再夾余絕而復甦昂首應云余不
能再見老母矣老母老母何苦育余太祖高皇帝何
苦立讀書一科多方培植迄今二百餘年獨令讀書
人受苦也余被讀書誤矣文人不可受刑盡人曉得
讀書應識是字文人應解何苦何苦不過死余已耳
乃命鬆夾時幸方寸不亂故無嚙語然亦記十之五
矣蓋問答頗煩瑣卽口出亦不能盡憶約略所聞皆
邪詞週詞也余自分明則義清則頑心安意肯酣鬯

如有神助而於是知正心誠意併易所言窮理盡心
以至於命之學果不獨擅戊子一月十五紀

與家大人書并詩

恭惟先生以天地祖宗社稷憑依之身而陡蒙大難
夏處獄中藉是卜興滅寐不渝惴喜聞不屈而歸夏
慶心愜矣悠悠之口動幸先生得白夫此事此心亦
何可白總令彼無敢奈何而後得以告無罪日月之
食可見不可更祇重知人欽仰耳夏自就逮以來願
濺頸血以報奮大明以奉先生而不能不思完手足

聖孝正氣錄 卷五

十一四明叢書

約圖刊本

以還父母兩次受拷幾無全體又出慷慨承死之後
誠知有故豈敢稱冤目下知卣一破械不勝加額但
直指一案決無盡脫屠董兩公思留身有為破家誘
釘府招大為超解巧織夏以冒名逼脅直指斬一人
以活諸人則舍夏其誰夏見之甚卓所由安坐俟死
也小婿肝膽真潔稍習練達蒙名賜字成造小子獎
勵後進爲異日麟閣名地想小婿愈痛自刻責矣昨
傳台諭囑存獄中諸札及生平著述前年逃難時悉
毀笥稿因坐失錢塘不獲行胸臆嫁怒筆硯自覺憤

激過正夢中殊多悶悶丙戌六月來頗吟詠見衷同
舊歲獄中所賦彙帙存次塏處然總不存理也府獄
通贈大抵信手抒懷非痛加芟削必重後誚卽對簿
斷語挺觸鄉賢大怒夏重保全諸紳不敢不用偏僻
何暇中分黑白惟先生知夏耳夏最究心易學與史
禮詩樂等書及今咸屬缺編獨操縵集於南京成均
鈔出微有鄙參無一圖不用手摹者當簡呈裁正併
賜一序或獲附傳世也夏羽翼已鍛索枯伊邇抉目
懸門魂能爲厲嘔血望祈舌腕難寫敬上贈章想無

幽冷

一聲啼鵑萬山赤錯雜披丹眾彈射珍重秬鬯不易
訪絕地通天索三尺餓夫扣諫羞裸將鎬豐倫著流
言叔率育蚩氓皆帝系城野呻吟豈戰哭抱孫哀父
泣中身忍縱豺狼殘骨肉牛豕橫謀難異同渴渴濁
奔砥柱獨恐污僞署棄平原倒印司農憶舊祿斯罪
生成原莫贖憤對羌囚上下直拘縱視扮鬼伎倆剛
直何勞能白黑臨平湖塞大人開貫索星輝元老色
重新楹桷尙曾孫稼穡圭田視仁粟嗣徽潢滴庇阿

衡功祈師保跪投楛勁挺梧桐穩鳳凰泛愛苜藻泛
鳧鴨洗空野馬多土臧出腹經綸陪奠祿佳兵掌上
潛兩丸焚掃背芒望衷甲名山草木動長年梳刷冤
帚纖手狎領袖健鶻呼角鷹灑血飛毛啄怪蠶攷時
逢可執若吞樊籠掠翅渾忘折

旦晨八韻

單心存甲子赤血漲孱軀通昔悲遷就違時別否吁
帝咨元日重月正面南殊竹簡詳巢鵠椒盤負哺烏
果誰肝膽薄同患是非愚毀辱訴憤慘捐殉絕寡孤

華文事正氣錄 卷五

十三四明啟

約園刊本

篤倫敢問黨論品懼嗟觚死法倡吾拙前編錯怙迂

對簿受夾脛辱

祇因頻念祖摧壓執多端弔唁拙詞倉堅貞無色寒
如憂舌巽血故毒足盤跚目眩花旋黑身孿髓並剗
未瘳心疾困索遂肉糜歎世事蘇門嘯人倫蜀道難
夢中能執爰醒曷溷追欄惆悵闌傳語將毋文士殘
巖菴曰烏乎倚伏之機豈易測哉華先生被首入獄
矣而首之者素見憾於口海道且憾其不從己首也
海師既退之日卽誣以招致之罪而錮之獄與華先

生對繫焉相去僅三日耳人俱爲華先生快而不知非其心也以背明者而與我忠明者同其獄詞豈心所欲哉而彼亦大聲呼於人曰我固首者否則闔城糜爛矣而反以誣我耶厥後直指反之而兵道尋以墨敗彼又下石以洩怨詆詆然師直爲壯矣嗟乎彼固起家會魁列御史台三十年老甲科也華先生於獄中著樂府二十闕名泗水鼎述一時起義及蒙難事今其書祕不傳後附錄俚詞一長律

丁亥之役往矣然子無日而非丁亥也者寧止爲吉

李孝正氣錄

卷五

十四

四明叢書

約園刊本

甫痛哉吉甫曰子之過不亦宜乎因自號過宜然則過非止吉甫宜也吉甫爲子序零丁詞一闕讀其文皎皎如也其卽與子戴笠乘車之誓與

英氣標名幟奇情蘊學帷蜺霞凜志風雨集玄辭
漁古分溫炤遺今鄙熱炊玉輝謎已久金粟鑿非違
侍雪皆高譽承風多峻規辟雍觀祕業陵腹攬皇儀
際此鷹翰厲維傾鼇足虧傷心十世厄淚灑兩都夷
識兆錢唐涸屯從句甬移寡言俱納組無啄不迎旗
劍氣鳴寒篲纓襟列貴楯莫興慚鼠技借作得鳩司

露布轟雷筆星羅掣電麾蛟關回虎節雁宕訝龍旂
欲殺寧防虺捐生豈顧螭飽軍經百蝟睦曩費粉劑
桀弁嗔攘粟肌營苦畫脂總因蠻觸競遂使膽薪墮
長子師誰濟書生數亦奇奔濤失怒馬凌塹逞凶虜
痛哭嗟何往狂恨不支媧皇天莫補夸父日還追
燧火更修算星虹協銳思滄溟聯舊蠶巖岫特新師
劫操文然炬鋤羸孺子椎震鄰皇旅集守隘敵鋒馳
倚外雷霆驟踏中腹背敵飛緘遙剋日衷甲近需期
秦赦俄先洩莒謀豈暗窺樓船驚白晝固圍慘陰廳

卷五

卷五

十五 四明叢書

約園刊本

哀榮功奚就周彪事豈差慨慷杼對簿俞諾勇承詞
身傍皋陶側過援姬旦宜填膺惶恐意對紙笑啼頤
大誼明枷鎖人倫護鋸削義聲沾路袂芳聞更闔禱
罔愧良人目彌令節媛怡青纒懸墳赤彤簡映巾綦
並化春鵠血借啼南樹枝愁予同信誓與子共艱危
生死雖長絕曩今敢或歧播逋哀面寄剛烈企昭垂
學豈揚雄誤名應張悌推停雲迷惻緒落月緬道姿
白水徵符後黃泉吐氣時

楊文琦字瑤仲鄞諸生隆武授惠安學教諭閩濱歸家

與華先生同謀興復事洩被逮恐累其父自鄉入城就獄與華先生同死妻沈氏自縊

戊子春日奉答父親獄中可讀書諭

圓底愁雲慘不舒遙憐春色到荒廬平生報國慚無補一日思親痛有餘斷頸直須聞道後了身還憶拜師初此時正可親賢聖嚴訓勤拳敢背與

題壁詩

生爲大明臣死作大明鬼鐵石或可磨貞心良獨難天生七尺軀罔敢自卑非松柏歲寒青詎曰同凡卉

筆文李正氣錄

卷五

十六四明叢書

約園刊本

楊文瓚字贊玉文琦之弟己卯舉人隆武授貴州道御史守杉關閩潰隱於泰順五閱月始歸家兄琦事洩并被逮訊詞已寬之而在朝有欲殺之者釋而復逮故死後其兄二十日妻張氏視殮不哭語其舅曰兒不死無以成夫志自著殮服召畫工肖其像沐浴更衣拜辭宗戚宗戚無不掩泣而彼談笑自若徐縊於牀一時同難諸婦聞其風皆守死不辱張倡之也

屠獻宸字天生鄭諸生監國授兵部主事與華先生同謀起兵時海道中軍陳天寵仲謨皆北人統北丁百餘

人公苦心招之皆應命已剋期舉事而華先生先被執
隨逮公與華先生同日斬妻朱氏自縊而二人事俱不
洩及公庭鞠被刑二公左右之力居多

董德欽字若思鄞諸生情師渡錢塘納衣巾於文廟後
與華過宜同謀被執同日斬於市妻子徙燕

檠菴曰屠董二人之逮稍後於過宜過宜首已俱承
而二人尙未鞠韋府招之行賄寬其獄詞二人破家
與之故爲過宜對簿錄中所譏然一人見過宜旣已
獨承似無妨於推卸而過宜自居激烈欲概望之同
人量亦未廣矣但賄旣納而獄詞仍無所出則何如
烈烈轟轟爲無憾哉嗟乎死生之際亦難言也

王家勤字卣一鄞貢生高才博學與華夏齊名時稱王
華其子卽華婿也監國授公評事後與夏密謀起兵及
夏逃遁入管江招集拒守被執斬於杭州

卣一有九愍詩

愍年

馬長如許齒堪增踏遍春王瓊草脰執爨惟附古三
戶浮箭欲欺今五陵護燈續晝俾宣髮試藥爲醫驗
折肱悲咽遠外高秋志翛然半蘆衛飛燿

樂菴曰甬江人士爲海內所知者吉甫卣一皆名士也辛壬之際予得附壇坫之末其主南湖社盟國難以來二人殉節餘皆試用於羶朝攘攘如也自附於鉉翁所南之義者止予及披青徐子象來毛子耳志趨不齊榮枯迥異今昔之感宜如何哉古語有盲神龍使人見首而不見尾然則見尾如吉甫卣一者斯亦庶幾也

林喟字小眉興化人口口進士監國自浙東失守定西侯張名振駐師岑江遣裨將張名斌統所部軍迎駕由

聖安亭正氣錄

卷五

十一 四明叢書

約園刊本

江門入海及福建敗隆武帝走死鄭芝龍迎清師入境永勝伯鄭彩不與同懷乃與定波將軍周瑞自閩來迎監國於舟山於是平海將軍周崔芝起兵海壇山明年正月復海口監國禡牙出師提督楊耿總兵鄭聯皆以兵來會時卽封耿同安伯聯定遠伯瑞時郎西王變姓名隱武夷山至是聚兵以應復建寧郎西王裨將王祁復邵武八月監國親征會鄭彩周瑞阮進周崔芝師攻福州克連江冬長樂僞帥逃永福閩清皆下羅源僞知縣朱丕承寧德僞知縣錢楷以城降福寧州僞帥涂登

華章雲飛全師來歸新建王克古田沙縣尤溪等縣朱成功克同安等縣曹大皋克建陽楊耿及大學士朱繼祚克興化當是時錢肅樂爲兵部尙書先後復三府一州二十七縣清調江西兩浙之兵來救於是所復郡縣復陷戊子三月陷興化帽自縊時爲吏科給事中

湯棻字方侯嘉善人監國復興化命棻爲興泉道守之及陷興化緋衣坐堂上被害

王祁江西人爲鄖西王裨將初營於建陽山中鄖西王旣復建寧祁攻邵武清城守甚嚴祁取几桌數百置火

寧文正公集

卷五

十九四明叢書

約園刊本

繩藥線其上遇黑夜順流放之環城而過城內以爲來攻砲石交下遲明方知其僞已而復然一日祁以兵搏城下守者習之不疑遂復邵武至是守建寧閏三月城被陷祁猶巷戰自焚死

王恩及長樂人以縣令歸里監國徵爲御史時再陷長樂服毒自盡妻李氏同死

朱繼祚莆田人大學士戊子春同安伯楊耿攻興化僞守道彭遇颺故弘光時之御史也來納款令其守將出戰登陣立大明之幟守將以爲城破不敢復入於是遂

復興化踰三月清師復陷興化及莆田公死之

壽鏞案
忠節錄

字立望
號胤岡

郁廷諫杭州人莆田既復以廷諫爲知縣至是陷死之
鄔正畿字德都永福人兵科給事中再陷永福賊絕命
篇投溪水死

林逢經字守一□□人御史以文名於閩中有通鑑甲
子圖行於世永福之陷赴水死

雪交亭正氣錄卷六

明鄭高字泰燦菴撰

縣後學何樹崙附註

後學馮貞鞏補註

張壽鏞

己丑紀

樂菴曰年來死難之臣或以一旅屯山中至是而敗者或變名遠引爲人蹤跡者或久繫臨刑者予掩卷而歎曰孔子有云民可使由之不可使知之使之者誰天使之也可不可者聖人論理之詞也蓋曰天使

雪交亭正氣錄

卷六

一

四明後者

約關本

人由之不使人知之也雖然豈徒爲庸愚之人言乎惟觀之聰明才智者而後知天之所使者神也夫當大事既去之後朝解師而夕就刃矣以九鼎甫遷眾憤環起之日尙不克有成而欲以隻身奮臂病狂者所不爲也且彼以時尙可爲而爲之乎不至如是之昧也知其不可而爲之而且目不覩孫吳之書手不習弓矢之器徒取殺身覆家之事計不旋踵曹營然如入陷阱而不自覺何也故曰天使之也天若不能使人如此則將規趨避計利害於是舉一世而爲寡

廉鮮恥之人棄君父如飄塵等倫常於糞壤人心不
至歇絕不止而天又將何以爲天耶是則孔子所謂
不可也或曰人各有以自盡曷以歸之於天不知古
來忠臣孝子之自盡者何一非爲天而盡也是皆天
默使之也然則不忠不孝之徒所謂自絕於天者也

壽編案此序原佚今從
續甬上書舊詩補入

劉中藻字薦叔福安人庚辰進士授行人隆武授兵科
給事中浙閩既陷魯王入閩公起兵其邑累進兵邵尙
書東閣大學士能激昂富人使出其財故一時聚兵最

卷六 正氣集 卷六

二四 明鏡書
約園刊本

盛攻破福寧軍聲大振與鄭彩有隙監國使大學士沈
宸荃和解之不得清督撫陳錦率援師至公據福安城
守之與力戰清卒尸日積城下清帥大怒圍之數重城
中食絕士卒守埤者皆餓不能執戈公一撫巡則蹙然
起已復困殆終無叛志自戊子十月被圍至明年四月
凡七閱月城陷公爲文自祭以虎藥自毒死陳錦入拜
而葬之部將董世尙等同死者數百人

壽鏞案罪惟錄
號洞山作服蠶

死忠節錄作吞
金未絕自縊死

威虜侯二女長十五歲次十二歲長爲盧若騰婦也戊

子從閩海至舟山定西侯張名振駐師南田以舟迎之
設宴長女曰我盧家聘女見父而來今父未見安有中
途赴宴之理辭之定西奇其言父嘗與之金幣縫搭膊
繫於腰閒婢輩詢之曰處此亂世我輩何能自保萬一
有難須赴海水腰有所繫庶不浮尸辱親也已丑九月
二十四威虜果被害事見別紀長女先往赴海次女曰
與姊同就死何棄我乎遂同溺焉

姜曰廣字燕及江西新建人已未進士弘光初立公爲
內閣大學士馬士英惡之以其同史閣部諸公爭弘光

筆案李正氣集卷六

三四明鏡書
約園刊本

不可立也遂歸戊子歲冬清將金聲桓反正於江西省公
與同謀事敗公遂死之時在己丑正月也

燕及

壽鏞案忠節
錄字居之號

鄒魁明字彥先南康建昌人丁卯舉人崇禎時爲職方
主事以起義被殺歲在己丑爲江西省金虎符之事敗也

絕命詩十首

被執

一朝兕虎擁如雲七尺欣然付與君未死幾年成欠

事這回句卻舊移文

辭墓

瞻依先壘只斯時不孝微軀未可知叩首不須頻下
淚九原相對正如飴

忤帥

填膺熱血詎能平九死繇來一羽輕逢怒也知憐百
口苦無媚骨丐餘生

悲弟

伯仲聯翩擬並飛雲霄萬里雁行稀可憐尺組成囚
伍志節將無繼採薇

事交李正氣錄

卷六

四四明叢書
約園刊本

悲兒

兩兒同繫逐東西忠孝人閒好事齊拷掠聲聲呼父
母崎嶇腸斷鷓鴣嘯

悲姪

僅餘弱息十三餘雋穎方期讀父書渡口見兒攜馬
後驚心宗祧竟何如

夜縛

細痕棒血滿身殘辛苦兜鍪驚夜闌自古逃刑非我
輩飛霜暑露五更寒

將刑

十年待罪媿楓宸
兩字捐糜盡此身
寄語皇明金紫
客莫因怖死薄君臣

繫獄

浩然東市復何求
又向西臺作楚囚
一片心腸惟辦
死只緣無補恨難酬

遺囑

讀書莫作俗情看
一卷義文處處安
怪石磯頭風正
惡天南地北水雲寬

雲交亭正氣錄

卷六

五十四明鏡志

約園刊本

雲交亭正氣錄卷六

雪交亭正氣錄卷七

明鄭高字泰彙菴撰

縣後學何樹崙附註

後學

馮貞羣
張壽鎔

補註

庚寅紀

欒菴曰生平讀史冊見忠孝仁人事輒敬之慕之以不得親其人爲恨十年以來每歲必遊殆無虛日乃又掩面頓足以當吾世親見之爲不幸則何如疇昔之日遇其人於數百世之上乎或曰士未食人祿道

雪交亭正氣錄

卷七

一

四明叢書

約園刊本

跡深山亦足明志若是則王元趾諸人可無死也且夫天假異姓如風掃籬徒苦天下父子爲終於無益若是則黃介子諸人可無死也夫大臣世戚義與位副復何庸言事尙可爲誰不肯赴予正取夫可規趨避而不規可計利害而不計者於冥頑域中孤行一意百人愚之能無一人憐之乎十人憐之能無一人愧之乎得憐且愧者一二於億萬人心擊性噴之中人心由之不恨風雷猶相擊擊日月猶爲昭融故曰一脈張不可謂絕一自明不可謂盲一夫立志不可

謂土崩此之謂也但願後之視今亦猶今之視昔其
奉元趾介子爲書中古人師之友之勿如予之媿之

也斯可矣

壽鏞案此序原佚今從續補上者舊詩補入

瞿式耜字稼軒常熟人丙辰進士初爲廣西巡撫清旣
破南都靖江王欲建號起兵隆武詔至公以思文帝乃
高皇帝子的傳欲靖江王受詔力爭之不可得絕裾而
出思文帝遂殺靖江王及閩敗今上封爲臨桂伯以閩
部留守桂林陷公及張同儻被擒先於公前殺同儻謂
公曰同儻宜死公有地方責守城分也降卽貸汝公曰

壽鏞案正氣錄卷七

二四明叢書約圖刊本

同爲人臣何得別我於張公堅不肯屈遂被害

壽鏞案忠

節錄字起田一字志野號稼軒

雜詩傳節子曰瞿忠宣諸詩據本集校正數字

庚寅十一月初五日聞警諸將棄城而去城亡與亡
余自誓一死別山張司馬自江東來城誓與余同死
被刑不屈累月幽囚漫賦數章以明厥志別山從而
和之

藉草爲首枕出眠更長寂寂夜如年蘇卿絳節惟思
漢信國丹心上告天九死如飴邊恤苦三生有石只

隨緣殘燈一室羣魔繞寧識孤臣夢坦然

已拌薄命付危疆生死關頭豈待商二祖江山人盡
擲四年精血我偏傷羞將顏面尋吾主贖取忠魂落
異鄉不有江陵真鐵漢腐儒誰爲剖心腸

正襟危坐待天光兩鬢依然勁如霜願作須臾階下
鬼何妨慷慨殿中狂頻加榜辱神無變旋與衣冠語
益壯莫笑老夫輕一死汗青留取姓名香

時見定南於靖江段

年年索賦養邊臣曾見登陣有一人上爵滿門皆紫
綬荒村無處不青燐僅存皮骨民堪畏樂爾妻孥國

善文李正氣錄卷七

三四明叢書

約圖刊本

已貧試問怕堂今在否孤存留守自捐身

遺臣死節亦尋常恨死猶銜負國傷擁主竟成千古
罪留京反失一隅疆罵名此日知難免厲鬼他年詎
敢忘幸有顛毛留旦夕魂兮早起祖宗旁

拘囚土室豈偷生求死無門慮轉清勸勉煩君多苦
語癡愚似我太無情高歌每羨騎箕句灑淚偏來滴
雨聲四大久拌同泡影英魂到底護皇明

彭王二君時來相慰

巖疆數載盡臣心坐看神州已陸沈天命豈因人事
改係謀爭及祖功深二陵風雨時來繞歷代衣冠何

處尋衰病餘生刀俎寄還欣短髮尙蕭森

年餘六十復奚求多難頻經渾不愁劫運千年彈指
到網常萬古一身留欲堅道力憑魔力何幸伴囚學
楚囚了卻人閒生死業黃冠莫擬故鄉游

自艾

書生原不任封疆堪笑當年漫主張其道北門留鎖
鑰寧知西土失金湯一籌未展防邊計四載空貽喪
國殃七尺不隨城共殉羞顏何以見中湘

何公騰蛟
長沙殉難

贈中
湘王

雪琴亭正氣錄

卷七

四

四明叢書

初編刊本

問天

朝廷兒戲視疆臣長子師中竟不掄帥府權尊留守
賊營頭腹飽督師貪似從呼籲高天聽猶幸淪胥快
譖人失地寸誅何足贖孤臣惟有叫蒼旻

憶聖蹕

鑾輿播越五經冬風雨飄搖半避鋒萬乘縱無千騎
擁三江應有百靈從十年未許更周曆國事教盡
漢封待死孤臣難赴闕瞻天遙祝護蒼龍

閱北曆有感

正朔殘年多一月新書改歲闋三春羈囚度刻如經
劫天子蒙塵已數旬但願履端開泰運豈將曆數問
疇人惟余有夢占疇昔看到清明辨假真

自歎示別山

七尺那堪斗室蟠禪關止靜好同觀心維漢鼎千秋
痛目極堯封萬古酸胡語嘈嘈魂裏聽腥風烈烈夢
中寒扶輿非大身非小留得綱常萬古看

閏十一月初一夜放言

周德雖衰命豈移天南胡馬竟長嘶縱云將相無周

筆文事正集錄

卷七

五四明源書

約園刊本

召何還乾坤倒夏夷舉世滔滔狂不醒孤臣矯矯行
偏危無逃大義昭千古敢望文山節並垂

辨髮胡裝日夜攢殊形見慣也相安苦爭乾淨邊荒
土盡改中華文物觀日月晦蒙天不鑿山河破碎地
偏寒俘囚血熱魂常在炯炯雙眸死後看

盈耳無非賊與蠻俘囚視息亦何顏投誠博寵翻蒙
賤守正與羅未許頑誰謂人心真盡死敢云故物不
應違終宵飲恨呼宗祖寒雨疏疏淚共澗

亡妻以閏十一月初九爲生忌楊碩甫禮懺山中

詩以慰之

夢裏音容幾度看，似憐遭難慰余安。
荒村誰伴三更雨，野櫬空圍萬疊巒。
香火久灑塵土積，竹梅時聽珮聲。
珊生辰累子猶存憶，特借冥資結淨壇。

囚中爲位以飯一甌，菜一碟，酒半杯，哭之。

幽魂何處不飛來，囚室分明是夜臺。
爲壽生前當此日，相從地下重余哀。
黍盛土缶仍屬粟，楮化黃埃種劫灰。
亡國俘臣生亦死，非時偕汝故丘回。

張同敞字別山，江陵人。恩蔭中書舍人，舊輔張居正之

委交正氣錄

卷七

六一四明叢書

約園刊本

曾孫也。今上命爲翰林學士，瞿公守桂林，清攻之急，公時奉使至桂林，未至聞之，馳往誓與俱殉。日與瞿公飲酒賦詩，臨難從容不屈而死。

馮京第字躋仲，慈谿諸生，博學閎覽，居平好談經濟國難，後入閩，上中興十二論，隆武帝召見，大奇之，授職方主事，改御史視師浙東，至衢而清兵渡錢塘，公乃之舟，山與肅虜伯謀爲興復策，多不合，意怏怏，從張名振至崇明，應吳勝兆爲颶風所漂，僅以身免，乃從安昌王乞師日本舟中，且拜且哭，旬有餘日，卒致其血書，日本人

爲之邑動然其師竟不出丁亥十二月初四又從攻寧
波不克於是去舟山至吳興聚眾數千亡何又敗又渡
錢塘入四明山中依王翊翊以兵付之京第依山爲城
立老寨於杜舉練兵數月頗有可觀而督撫蕭起元下
令敎團練逕攻破杜舉團練從虜而掎之積兵甲數屋
盡爲所得翊走天台京第匿民舍以免明年翊兵復盛
京第亦收拾殘卒自爲部京第自負經濟然欲以承平
體待其士卒不爲人所附故往往致敗監國在舟山授
副都御史升兵部右侍郎清先繫其家屬母尹氏徙燕

雪文亭正氣錄

卷七

七四明叢書

約園刊本

妻葉氏自縊子頌年十五斬於市妾二沒入官營爲妓
建義受禍之慘未有若京第者也官兵破四明山寨購
京第甚急其將王昇降附欲致京第爲功謂口口之曰
馮侍郎人莫知其處獨昇知之耳引騎往得之灌頂山
中京第已病甚固山金礪以攻山寨駐寧波京第見之
不肯跪田雄在側掠之仆地明日遇害時十二月十四
日也未幾昇亦殺

與吳霞舟書

延平拜延合敎不知天翻地覆一至於此從海上傳

行在諸同朝行止不能一一具詳然得承老先生遺
候安吉天留一个臣以佐中興正如瞻烏皆散有鳳
孤翔一不爲少吾道因之未喪斯文於焉不墜不孝
生平宗依之私倍萬恆喜者此也聞主上眷知首秩
大宗伯此位清華甚爲得人賀不孝營爲浙福前事
言今日之事軍中非朝中也但當務立軍不當務立
朝廷官府但當備三軍六軍不當備百官也天子以
三尺在馬上何暇垂旒裳鳴鈸珮也耶故今日五禮
當先講軍禮而後及其他可耳然禮莫先於名分莫

大於君臣其次莫嚴於華夏者先生出其腹笥叩其
囊智能以禮佐戎卽是以禮佐國於中興乎何有如
蕭梁中興畢竟以元帝爲稱首彼蕭督者至於借北
狄以傾中國豈非梁武之罪人耶漢室光武中興劉
盆子以百萬眾降曰待以不死天子以國爲家國統
所在卽家系也宋室中興爲高宗而傳之孝宗雖家
天下乎有官天下之義焉此宋祚之所以靈長也凡
此皆禮論之緒言率意及之以供塵尾發揮可乎君
子愛人以禮祝口進事吾君退交吾友老先生以其

綺者潤色中興以其緒餘陶鑄弟之頑樸可也仰藉
台庇得再同朝攜手皇路甚善善不孝已足溫太真
以下一流人不復可入第一流長與門牆辭矣

小雪日集微詠樓

原註國難前詩真率
案此三山吟中詩

大風木下空林蚤小雪杯寒溫酒頻把醜猖狂今日
事枕戈戮力異時身西來江水猶流血北去風塵漫
汙人樓上不堪同極目短歌長嘯各沾巾

宗忠簡公墓

李綱初罷岳飛少壞汝長城天謂何不夢家山歸白

雪文正氣錄卷七

九四明叢書

約園刊

骨空招魂魄過黃河鷓鴣春恨年年早松柏風陰夜
夜多死去九原猶裂恨小朝廷已議求和

柴菴曰日本乞師其謀始於周雀芝芝少時往來日
本以善射名父事撒斯瑪撒斯瑪者日本一島之主
也黃斌卿之至舟山雀芝以都督領水師乙酉冬告
哀撒斯瑪願假一旅以助恢復撒斯瑪許之許助兵
三萬軍需戰艦一切不資中國俟芝自往受約於是
芝益市錦繡珠玉奇物與斌卿合謀將以丙戌四月
十一日東行而兵部尙書余煌寓書斌卿以叛將吳

三桂之用清爲戒斌卿遂阻芝芝怒而入闈其明年
監國封芝爲平夷伯於是芝復理前約日本待芝不
至其意寢衰所遣使又多商賈不能得其要領故日
本之師不出及定西侯名振應吳勝兆之謀馮躋仲
同往至崇明遇海嘯喪其軍殆盡於是躋仲同安昌
王至日本乞師先是歐羅巴國欲行其教於日本其
教務排釋氏中國之所謂西學也日本倭佛乃殺歐
羅巴之行教者歐羅巴精火器所發能摧數十里舉
國仇日本駕大船置火器向其城擊之日本謝罪大

襄寧正氣錄 卷七

十四明叢書 約圖刊本

船始退退一日而躋仲至長旂島日本新還外國之
侮聞外國人至一切不聽登陸躋仲遙望而哭晝夜
不絕會日本之巡方者過長旂收血書達其國主躋
仲還舟山而使斌卿之弟孝卿從商船待命孝卿出
入妓館不爲所禮遂不出師日本初用洪武錢後躋
其國年號而不敢銷燬藏之庫乃助孝卿爲軍需舟
山始行洪武錢

貞彙案武部付哭馮躋仲詩此意見而上竊首舊詩

張元河南人馮京第標將同被執殺之

張夢錫字雲生鄞邑諸生同錢先生起義清旣渡江夢

錫復聚眾山中濟兵卒至同事者驚散夢錫獨提刀大

罵奮擊而死

壽鏞案夢錫與張燧言同參錢忠介軍事

失守夢錫挈殘卒五百人入大皎山夢錫力戰

死五百人俱死之此云驚散與續者舊

傳不同

沈之泰字魯瞻餘姚人弘光元年恩貢祖應文南京吏

部尚書父景初癸丑進士吏部郎中監國在舟山之泰

密與之通一日自監國行朝歸攜有故書分給定海總

兵張杰雅欲脫之曰汝速自明汝必被擒至海者之泰

曰非也歸心大明是我一生學問所在寧忍臨事而自

晦哉杰終不欲致之死叱曰駭物汝舊家之子豈能閱

雪亭正氣錄卷七

十四明叢書

約園刊本

歷波濤汝還自明幸事歸我不難寬汝之泰慷慨自
承終無乞寬語杰竟坐之死瘦死省獄而杰標下官坐
是死者亦眾

湯□□字□□□□人副將常進功門子與沈之泰同

謀張杰酷拷之大呼曰汝十年前不作大明人乎不喫

大明飯乎汝祖母及汝母豈伴韃子寢生汝父及汝乎

詞氣奮勵時爲之短氣竟死

雪交亭正氣錄卷七

雪交亭正氣錄卷八

明鄭高宇秦巖菴撰

縣後學何樹崙附註

後學馮貞翠補註
張壽鏞

辛卯紀

槃菴曰清至辛卯歲凡三渡矣渡揚子而金陵陷渡錢塘而紹興及福州陷至是渡大海而翁洲陷矣人曰翁洲海外一小洲耳奚足比於南京浙閩哉然則以諸臣之悉力苦守死而後已無一降者又豈南京

雪交亭正氣錄 卷八

一

四明叢書
約園刊本

浙閩所得比乎若移翁之守於甲申北京以待天下援師之集則先烈皇帝可無雉經之慘海內不至陸沈矣夫翁洲不足並海內一小縣且監國已先期避去使諸臣視爲無足比數棄而去之已耳中原傾蕩之餘寧得以棄城之罪責之森渺斗絕之地哉然諸臣以爲承君命而守之則守此寸壤與守兩都也無以異委棄君命以城予賊者爲叛逆則失寸壤之罪與失兩都也又何以異耶予故哀其志健其決以爲諸臣之所爲者更難也嗟夫海上之人使舡如馬金

雞蛟門望洋之闕也。以數舸扼其閒，清亦未必遠得志耳。天降淫霧，使不見清船之出，蕩胡知而邀擊於大洋。又使火桶反激而焚其身，言曰天之喪殷若穡夫，余豈視清爲周武王哉。然而天之於民實有如農之去草也。家大人有野哭詩五章，敬錄於此。貞羣案辛卯九月野哭詩和家大人韻完續兩上卷舊詩

其一

國統憑暈島皇天，不憇遺東溟。浮叱撥朔氣，失支祁王馭。將何就夷揆，未可期通臣。寸腸斷向若，淚頻垂

雪文亭正氣錄卷八

一四明叢書

約園刊本

其二

謨烈隆昭代，殷周可並論。傷心十世厄，幾度六師奔。戰鷁孤興望，游鯨伴遠屯。扶桑沾王氣，潮汐蕩愁魂。

其三

水擊資飛將，天教蜃氣冥。虜氛乘電駛，島眾誠風腥。山郭虛鄰葦，戈船望已零。蒼蒼乖助順，羣策豈能靈。

其四

波臣嬰山堞，孔亟奮捐軀。久狎陽侯處，今從同祿徂。遺骸施瓦礫，殉國盡妻孥。浩渺竟何泊，翻天噫氣呼。

其五

五年濤浪裏萬死立君臣獨恨兜鍪輩交屠蠻觸頻
長纓寧忘薊短檝不通閩離德終何濟同仇倘再振
張肯堂字載寧松江人乙丑進士知餘干縣丁內艱起
家知潯縣授御史遷福建巡撫乙酉南都陷公擁立唐
王建號陞武授吏戶兵三部尙書總制恢勦丙戌四月
奉詔督師將發鄭芝龍尼之遂輟成命留守泉州

壽編案構

電鄭志稿鈔本
本作揚州誤

六月復下督師命而前所有軍資器械并

餉三萬已爲芝龍取去公復設處召募得六千人巨艦

雲字正集卷八

三朝明鏡書
約園刊本

百艘屯鷺門旁有東石卽芝龍所居時北信已亟芝龍
降虜徙燕公統水師北發依平海將軍周雀芝於海口
海口破明年五月公師次舟山與黃肅虜共圖興復黃
陽雖尊禮實不用公言踰二年己丑監國至健跳定西
侯張名振蕩胡伯阮進平西伯王朝先扈行公語斌卿
曰將軍速往迎且犒師一有尊王之名一得將士歡心
勢合犖雄可以大舉不然事未可知後悔無及不聽朝
先遂襲斌卿而殺之監國乃入舟山拜公東閣大學士
當是時內地山師各起聲援頗振辛卯八月大兵悉至

監國升舟留公居守與吏部尚書吳鍾巒吏部侍郎朱
永祐安洋將軍劉世勛分陣守禦兵至城下攻之百計
十日不下礮石擊死傷虜數千級叛臣邱元吉金允彥
縋城出降乃以九月初二城陷公還厲視其子婦沈氏
妾周氏方氏璧姐女孫茂漪次第投縵乃冠服題詩於
牒北向再拜而縊一妾姜氏赴井死僕二人張俊彭猷
及後妻皆從死初公總兵汝應元實公家人北兵渡江
與吳淞總兵吳志葵舉義松江陷護公一孫張茂滋航
海赴閩既至卽棄妻子削髮普陀爲僧及公元應元從
普陀至收公遺骨葬之郊外時茂滋就俘應元乞護之
周旋艱險復歸之家經紀其餘產畢娶事而應元始行
迄今爲僧如故名無凡

壽鑑案忠節
錄作華亭人

絕命詩

虛名廿載著人閒
晚節空談學圃閒
漫賦歸來慙靖
節聊存正氣續文山
君恩未報徒憂瘁
臣道無虧在
克愆傳與千秋青史
筆衣冠二字莫輕刪

和黃介祉絕命詩

生死蜉蝣一瞬過
於今踵頂正堪摩
三平碧醴千秋

血方寸丹排萬丈魔比禿定知親日月騎鯨尤覺慎
風波六旬往矣聊乘化無事空嗟老去何

贈無凡

無凡上人者余家老崑崙也虎吻鯨宮身爲矛盾者
屢矣比至翁洲一夕風雨不知所往數越日有僧至
自普陀云頃一男子自蓮花洋來腰閒佩劍猶帶血
腥禮佛無數亟求剃染不可止退而結茆茶山將終
身焉余憮然曰是必吾家崑崙也迹之果然嗟乎奮
身翊主義也祝髮全身智也割緣忍愛勇也以視汨
沒火坑不猶黃鵠之於壤蟲哉余也痛深家國俗累
漸輕惟憤胡髻誓全雙鬢然而去道遠矣末章自解
并以志媿

雪交亭正氣錄

卷八

五

四明叢書

約園刊本

一劍追隨萬里遊當年磨勒事堪儔於今一鉢飄然
去坐擁寒雲看海流

伉直繇來感不平慧燈一炬破無明錫環閒倚虛堂
夜風雨還愁學劍鳴

鐵甲苔拋野衲新將軍身作比丘身髑髏盡是英雄
血掉臂懸崖得幾人

煩惱皆因髮數莖蕩然直覺六根輕誰知澤畔行吟
者偏愛鬢髻兩鬢新

檠菴曰方茂滋之俘也時將吏張其事以爲功置之
死獄且速殺矣無凡周旋其間繆爲嚙呶狀冀得一
憐之也時而慷慨感涕閒亦有好名者中之居半載
卒得其要領遂脫歸迨至松託之霞城許先生時張
氏戚屬有二人利其餘產於茂滋之歸也病焉密投
謁於當事言茂滋自俘逃歸罪人于無縱法無凡知
之以計得其揭置酒大會出茂滋徧拜親友泣言主

雲文正氣錄 卷八

六十四明政書

約圖刊本

臣幸爲主人存此藐孤慎相念也二人及眾皆唯唯
無凡嗔曰語二人曰虎狼哉汝兩人欲竊此愉快而
乃面相煦煦哉二人猶似詫所言者無凡出揭懷中
示眾曰誰爲此不仁而有此也二人相顧愕眙無凡
並扼其頸拔劍擬之曰子已棄妻子入空門止一身
耳何惜此身不殪此雙梟獍爲吾主人續血食一縷
也眾俱爲祈免已而曰吾不忌汝自後有醫則君者
皆汝所主止於汝任罪吾劍自利謹識之乃捨之拜
茂滋曰郎君幸自愛毋忘先大夫我事畢矣請從此

辭此身不遠有患難當自至掉頭而出遂去不顧迨
今往來湖海間爲人頗大有勇望至其周慮端詳深
中事會徒勇乎哉予幸得交於君知其志已安於此
已矣許先生則今世之家鉉翁也

蘇兆人字寅侯蘇州人張鯤淵門下士授中書舍人城
陷語鯤淵曰黃泉之路請以兆人爲導乃書絕命詞於
衣卽縊於鯤淵所居之雪交亭鯤淵舉酒拜酌之然後
自縊

雪交亭鯤淵讀書處也庭前有梅一李一故稱之爲雪交

絕命詩

雪交亭正氣錄 卷八

七 四明叢書
約園刊本

保髮嚴夷夏扶明一死生孤忠惟自許義重此身輕
吳士俊字□□閩人張鯤淵隨征守備鯤淵既縊卽殉
之

林志燦字□□□人爲張鯤淵中軍鯤淵旣合家死
語其孫茂滋曰應速避以衍宗祀勉行善承先啓後卽
賢子孫也掖茂滋出門卽及其弟林桂同時就難

吳鍾巒字巒穉武進人從學於禮部尙書孫慎行知名
數十年晚登甲戌進士初令長興時中官崔璘管浙直
鹽政兼覆郡邑糧餉一時守令迎謁恐後太守約公往

侯公稱病不往太守媿之飛語直指糾公隆紹興照磨
公遂棄官歸乙酉以桂林推官遷禮部行至南雄聞南
京陷清兵南下遂入閩事思文帝後監國至閩起通政
司禮部左侍郎尋廷尚書公老而多病在舟山蹤跡多
在普陀一平頭自隨蕭然老衲也聞清兵將渡海曰此
危急存亡之秋吾當歸死於王所遂赴舟山不一月而
城陷是晨過拜張公肯堂索酒飲曰吾與公別前途待
公歸而具冠帶自縊時年七十有六其僕徐口焚其身
負骸骨以歸易棺改斂其子恐萬一有誤以指血滴之

書交事正氣錄

卷八

八

四明叢書
約園刊本

骨爲起立公嘗語人曰李應昇吾受業之門人也請誅
逆闖不得而死吾爲詩哭之吳福之吾子也建義而死
吾爲詩哭之錢肅樂吾分房之門人也建義從亡而死
吾爲詩哭之嗟乎吾無愧於三子也矣公嘗集古革命
之際抗節者上自夷齊及我國初建文諸臣爲歲寒松
柏集

壽鏞案忠節錄

號霞舟

又案

忠節錄舉火自焚死年七十五

歲寒松柏集

原註摘錄貞羣案曩年登盧氏抱經樓見有錢公子清蒸手寫歲寒松柏

集一小册今盧氏藏書

散出此册當尙在人間

志在恢復環堵之中不汙僞命居一室是一室之恢

復也此心不死此志不移生一日是一日之恢復也
尺地莫非其有吾方寸之地終非其有也一民莫非
其臣吾先朝之老終非其臣也故商之亡不亡於牧
野之倒戈而亡於微子之抱器宋之亡不亡於皋亭
之出璽而亡於柴市之臨刑

商亡而首陽采薇之歌不亡則商亦不亡漢亡而武
侯出師之表不亡則漢亦不亡宋亡而文山正氣零
丁諸篇什不亡則宋亦不亡

無題

誓作明朝鬼不爲他姓臣況當夷猾夏盡是獸爲人
三代存直道九原多德鄰讀書千古事取義與成仁
其二

舉世腥羶日綱常不復論素心全未染正骨獨能存
氣裏乾坤小忠留社稷尊百年空養士若箇更知崧

贈宋子猶

聞見何來去風波一老成徒生虛甲子有愧降庚申
萍落交如故霏霏語更新天涯少知己寥廓許爲鄰
元夕同鄒晉公飲時晉公舉義入閩

萬里江山月一輪三年飄泊未歸人難裁鄉思逢鐙
火欲寄愁心逐野燐尊酒悲歌桃李夜金戈銷落綺
羅春故交仗劍英雄氣遲暮嗟予愧致身

寫憂

逆虜天亡今已知中原底定卜猶疑立君河北應頒
詔募義江南可濟師洵洵每多乖錯事悠悠未欲治
平時低垂白首思如結坐起經行只歎咨

端午白華庵雨窗次韻

吁嗟海國未堂堂角黍蒲根亦自香佛以大慈容五
毒天於當午匿三光吳鄉綵虎今還巧湘水饑龍首
太狂欲讀離騷思痛飲空搔白首問茫茫

時傳北來恢復信

世局滄桑變亦奇忽於意外愜心期兵機只在爭先
著天道何常不可知主鬯一尊歸帝子籌邊百計在
胡兒中興作手非容易喜懼頻勞野老思

其二

毗陵隅北有柴扉寂莫荒庭草自肥從此兒童尋舊業可將詩酒弄斜暉衣冠不改容顏好夢想還疑城郭非卻笑令威何化鶴去家千載始來歸

槃菴曰吳公晚而登第淡於仕進初降紹興時卽棄官歸大學士周延儒公同里人也勸之出公答曰公爲山巨源某何獨不爲嵇叔夜公爲富彥國某何獨不爲邵堯夫意泊如也及在舟山見權在武臣卿相不能有所可否歎曰當此之時惟見危致命是天下第一等事不死以圖恢復成功尙聽諸天非立命之學也當此之時避世深山亦天下第一等事微倖以就功名禍福全聽諸人非保身之道也故嘗退居普陀事急而就死所蓋其天素定也

朱萬年字拜虎閩人與吳鍾巒同死時爲兵部主事

案忠節錄作員外郎

朱永祐字爰啓號聞玄上海人甲戌進士乙酉松江陷棄家航海至閩隆武以爲吏部轉太常卿兼戶兵二科監周平海軍同取海口海口陷舟山魯王擢爲吏部侍郎

郎爲人英爽篤於友誼舟山陷被執見清師呵之跪公
衣冠端正勒令薙髮曰吾髮可薙不至今日矣速殺我
無多言卒砍其首罵不絕口遂死有時姓者在清卒中
向受恩於公出金贖戶與其僕負出郊外血流不止其
僕曰相公今日姓名芳潔奈何以血自汙血遂止火葬
之

李向中字立齊湖廣鍾祥人庚辰進士長興知縣入爲
兵部職方主事進尙賓卿避地福安監國入閩召巡撫
福寧城破從亡至舟山遷兵部尙書父死營葬山中舟

嘉慶正氣錄卷八

十三四明叢書

一約圖刊本

山破匿不出清索得之白衣冠而見令之薙髮仰天長
歎曰國亡與亡吾死晚矣清帥置之營中傲悍不屈衰
經翔武其營大帥劉之遠曰吾目中難著此人遂殺之
田雄聞其母子被擄贖之歸聽其同籍亦以服公義也

壽鏞案忠節錄
字豹章號立齋

劉世勳字□□南京上元人丁丑武進士爲人奇偉精
於戰陣復好近儒雅並能詩有儒將風隆武時命以副
將安撫浙東因與黃斌卿同守舟山魯王遷爲都督掛
安洋將軍印舟山之陷公守禦甚力八月廿六開門詐

降內伏火礮清騎卒爭入礮發擊死千餘人後閉門堅守力盡城破自刎城上

時將帥相謂曰吾兵南下以來所不易拔者江陰涇縣今舟山而三耳隆武皇帝嘗聞江陰涇縣之以守見屠也歎曰吾家子孫遇江陰涇縣三尺童子亦當禮而敬之

附註
主

林瑛字玉芝福建□□人諸生魯王授戶部主事爲人敦樸舟山破自縊寓中

林世英閩人諸生自閩入浙上書遇難自縊

聖天子正氣錄 卷八

十三四明叢書

約編刊本

董志寧字幼安郵人廩貢生南京陷將及浙幼安徧謁里紳勸以起義因奉錢先生起兵事既敗潛與華吉甫同謀事洩吉甫先執幼安逃之舟山魯王授以兵科閒至山中諸寨舟山陷死之其僕名文周當幼安之亡命當事將執其妻子周毅然自往刑拷至死誓不旁言致及其主母及二子遂得免累周久於獄亦得釋華吉甫作泗水鼎首喪之

樂菴曰幼安旣死余挈其次子士驥於家飯糲茹荼與兒輩讀書於今三年已踰汪童之歲矣曾以一律

勵之附記於此

同難嗟予憶舊盟荒原故友若呼名國仇未報兒思
父交誼無慚死復生淚底糲蔬難渾雜書中忠孝兩
分明挑燈共子談疇昔試聽雞聲非惡聲

李開國字格誠餘姚臨山衛世職讓弟應襲爲諸生戊
子同山砦各營舉義後隨魯王駐舟山授兵部職方主
事城破及其母同縊有絕命詩失傳

鄭遵儉紹興人通政司參議義興伯尊謙族弟

董玄字天孫會稽人禮部主事故宗伯玘之嫡孫有絕

雪亭正氣錄

卷八

十四

四明叢書

約園刊本

命詩

顧宗堯長洲人工部主事

江用楫蘇州人戶部主事

廖玠長洲人兵部主事

王璽口口人兵部主事舟山破自鄭遵儉以下六人同

縊於學宮

劉朝北京人內官監太監

王朝相北京人錦衣指揮與朝奉魯王宮眷投井昇巨
石填之二人自刎井上

當官眷未入井之時闔門放火時官兵將滅火而入
有校尉七人登屋注矢向之官兵遂不敢動朝相蓋
井畢七人挾弓矢投火中

阮進字大橫福建人善水戰初爲閩之舵工嘗爲寇於
松撫張名振拔之使筦水營魯王屬以水師封蕩胡伯
清之圖舟山也松江張天祿出崇明金華馬進寶出海
門陳錦金礪劉之遠田雄出定海行朝聞之定西侯張
名振英義將軍阮駿扈監國舟出舟山八月十六日乘
大兵試舟海口以三十舟衝突獲戰艦十餘樓船一隻
擒清騎十一人馘而縱之二十一日大霧清舟悉渡抵
螺頭門海師纔覺先是阮進詣議和清欲誘之進歛舡
脫歸值金礪之舟於橫水洋力戰矢礮並發口口將敗
進舉火毬抵之風轉蓬腳反激回己舟自焚鬚髮盡燎
投水自救遂被所獲并一妻幼子清待以賓客禱欲其
更衣不從其子匍匐向公公於坐中接而擲之空中踰
日被殺其妻陶夫人有巨力善振舵以在別舟得脫遂
領其舟師姪俊亦善戰至今猶在海上數其一軍爲最
張弘謨嘉定人初在定鎮張杰標下守穿山同人呼爲

張糊塗嘗附舟至其所守處鄣有一士人與同舟言論
既接因言及己嘗喜作詩吟之多頌太祖高皇帝功德
士人異之及舟至士人家天已晚留之宿定盟而未
幾從杭州取其眷屬至復至士人家云有所往不告以
處後詢之則揚帆至舟山歸黃肅虜矣肅虜以爲鐵騎
總兵辛卯清兵攻舟山弘謨守西門兵眾見之呼張糊
塗來返故營不應守益力城破被獲不屈而死

張名揚定西侯名振弟□□爲左都督名振扈上以
名揚居守城陷自焚死

寧交正氣錄 卷八

十六 四明叢書

約園刊本

顧名楫順天人張名振之客也爲定西參謀舟山破死
之壽鏞案忠節錄作明楫

朱養時江陰人爲人慷慨時清台道耿應衡遣奸細入
舟山託於日者謂災星見於上之祿命定西侯信之使
艘上擇日行香幾時爲職方郎中上疏爭之侯不以爲
然養時怒目曰使清朝聞之謂行朝無一人矣舟山陷

自縊

戴仲明寧波人爲工部所正抱高皇帝主投火死

陳氏魯王元妃鄞人張氏貴嬪杜氏義陽王妃同赴宮
井死

范氏定西侯張名振母素以忠義教侯侯護駕登舟山
南狩范知城必破命長子名甲次子名揚預積薪於屋
西圍城既陷及名振妻馬氏名揚妻□氏并內姪二人
斷門自焚死

聖朝正氣錄

卷八

十七

四明叢書

約園刊本

陳氏林瑛之妻瑛同母妻婿女五人航海入浙增墮鄭
彩去至健跳所而母又死貧甚妻及女爲人紉箴以食
已而女又死清兵入舟山瑛與陳氏分糧縊陳氏腕弱
不得死瑛使童生嗷嗷助之陳氏揮之曰吾守婦道二
十餘年垂絕而死於男子之手乎卒自刃而絕

王翊字完勳餘姚人少而自負視先輩至同舍無一人
當其意者好爲大言浙東建義翊自募一旅不肯屬人

派糧不及其軍軍且散同事楚人舒益生故新安王客
王自新安至益生遂以軍屬之然王亦無分地可賦軍
遂散司餉者案尺籍翊所破召募之金無抵將罪之而
浙東兵潰乃渡海依黃斌卿斌卿倨甚馮京第以隆武
御史與之抗禮斌卿不悅翊不肯下爲斌卿欲害者數
矣翊知斌卿不足藉乃聚眾四明山四明山連三府八
縣翊往來乘隙□孤守□□其城外之田賦一歸之翊
已而爲督撫蕭啓元所敗明年擊破團練其兵益盛監
國議加右僉都御史定西侯張名振欲其恩出自己曰

需之以俟翊至詔授福建道監察御史清欲征舟山翊
從中梗之於是先圖山寨金礪繇奉化入田雄繇餘姚
入會師大蘭山設帳房三十里遊騎四出其鋒甚銳翊
入海謀與王朝先舟師襲攻杭州而名振擊殺朝先翊
知海上將敗復還山中乃山中所留諸將降殺且盡七
月二十四日大星墜地野雉鳴翊將家丁數十人謀至
天台夜宿奉化小晦亭爲叛民所獲送至寧波府守曰
何苦爲盜答曰改面事仇者盜有所在矣翊徒跣而立
海道王爾祿使翊韃翊坐伸足命左右結之爾祿曰聞

爾能爲詩授筆使書之翊立書一詩畢乃引其筆以搥
爾祿遂出是時清將圖舟山部院陳錦且至繫翊以待
翊每日從容束幘修飾儀範飲酒賦詩八月十三日陳
錦田雄金礪劉之遠召見門者喝跪翊曰吾平生未嘗
屈膝於人況在犬羊乃坐地上於是之遠注矢射翊中
肩不動雄中頰礪中脅皆不動左右絕其吭始仆

詩譜案忠

節錄號
爲卷

七月廿五日奉川詩

五載功未成一朝名已立平生忠愛心無媿對天日

善文亭正氣錄卷八

十九圖明叢書
約高刊本

慷慨入黃泉神魂隨帝側可憐母與妻相向空庭泣
千古綱常事真傳爲我得勢窮事不偶身死殉社稷
多少未了事誰來代我職嗚呼大丈夫須繼天立極

廿八寧波詩

庭鞦時作

向作天中柱今爲堂下虜相逢白眼看一劍空隨我
寄語堂上人再思而後可誰無君父心時事胡其左
談笑且從容今日得死所平生忠憤血飛濺於羣虜

八月初一定海詩

天何生我遲何復死我速生遲不遇時風塵慘滿目

入民化犬羊紳士變禽憤死速志未酬英靈昭四瀆
願生天外天襁褓免胡服戎馬待鬻年與君仍逐鹿
功成兩世名事定中華福忠孝總關情時人望子哭

初九定海詩

鼎革從來有忠臣何代無未聞夷猾夏能帝我皇圖
當日文丞相躬垂萬世模一身存正氣百折不糊塗
三載生非倖千秋名豈沾歷年已數百此志何相符
守禮樂綱紀舍肝腦身軀留身復留事全髮莫全膚
冤矣幼弟死痛哉老母孤嗟乎妻弟婦寧忍去從胡
鬼神爲我慟河山草盡枯寄言諸君子幸勿常嘻吁

雪文事正氣錄

卷八

二十一

四明叢書
約園刊本

初十祭右良文

嗚呼右良生於名族而長享世祿髫年入泮更喜武
功聰明穎悟詩書文藝慷慨激昂忠孝節義貫古之
善士今之偉人也憤國步之多艱痛父仇之未復與
不佞翊一見而投交其三年之馳逐風霜雨露晦明
寒暑惟我右良朝夕止宿嗚呼右良始以義成旣以
義合卒以義死舍生取義惟右良得之其不爲右良
愧者鮮矣況右良乃浙西之豪彥苟忍棄不佞翊而

飄然早去非惟可以得生而且可以自雄不第可以
自雄尤可復計恢勦事也惟右良不忍棄不佞翊而
去遂至陷於非命嗚呼痛哉右良之身膺刑獄實不
佞翊有以致之也此不佞翊重負右良而右良仍無
負於不佞翊矣茲負不佞翊者皆得生獨不負不佞
翊者偏得死死生之報抑何顛倒嗚呼痛哉不佞翊
負天下之重望負君父之知遇負祖宗之世澤負老
母之鞠育其所負多而死也固宜右良始終合義生
死不負故悲悼也更切吾弟完初先右良死十七日
其被禍益慘不佞翊無從奠哭昨乞得一金僅易牲
醴冥資臨風拜祭惟右良與完初共鑒此心而徐以
待我第右良復先不佞翊去六日寧不憾不佞翊不
早與之偕行乎然右良完初死後不佞翊尚得以一
牒告虔於冥冥中待翊身死之日誰復爲悲號痛哭
也嗚呼惜哉血淚交流靈其有知速來享之

八月十一祭弟完初文

吾弟生於辛酉之五月初一日而吾父死七十日矣
余甫五歲病骨伶仃吾母之憂辛勞瘁祖父母之愛

養珍惜極人情之所未至及余壯頗不事家業吾弟
勤於學復能知農其不甚爲窮所困者惟以吾弟賴
焉江干後邵氏事敗購子急子方在海累吾弟刑獄
者再軍興吾弟繕衣甲器具以佐軍中之不逮實獲
其助今七月十九日爲逆民所弑時余初解兵故不
克卽爲報復但聞信慘傷志意憤亂廿四日亦爲鄉
人所執與吾弟相繼殉難於國臣道則無愧於家子
道則未善也傷哉吾母生不能事矣祖母浮屠死不
能葬矣吾弟之冤不能雪矣惟所恃者則繼起之豪

聖文事正氣錄

卷八

三國明叢書

物圖刊本

傑君子耳余欲爲吾弟傳以紀之而復爲極枯所苦
神枯心裂何復措詞姑序其略以待後之賢達同志

云爾

壽鏞案忠節錄有絕命詩云談笑且從容
今朝得死所一腔忠憤血飛灑若紅雨

王翊字完初翊之弟與之同住山中爲逆民所弑

蔣士銓字右良嘉善人諸生同王翊在山中結義師被
獲於八月初五日死

絕命詩

鐵馬金戈挽洛暉祇因九鼎被人窺西山負恨薜蘿
採東海衛恩隨尙隨有漢肯歸卬氏劍無仇不報浪

中樞我生只欠今朝死化作鸞鵲帶血歸

明朱餘姚人石必正揚州人皆王侍郎翊門子侍郎被
執二人不肯去謹侍左右口叱之跪則向侍郎跪不稍
屈遂併殺侍郎旁

附家大人弔完助詩

玄隲何夢夢徘徊俾心痲竈亂復何時壯士幾人在
王子懷國仇颺怒振羣餒天步方百熾雲雷淹窮澥
棘矜效前驅迅舉摩敵壘鏖戰徂三秋盤空卓峻砦
勝負百相儼驕虜關初怠奸民作虜俚英人墮眾絀

雲字亭正氣錄 卷八

三三四明藏書
約園刊本

銀鐺對擊酋昂藏氣猶磊萬死矢驅胡白刃安能改
笑詠轉從容如飴頸血灑此血暈成虹飛天生光采
貽彼堂上虜齊斧應有待淫毒亂天經未死神先瘞
貞羣案餒原誤餒已改正續用上
者舊詩窮澥作窮海峻砦作巖砦

又悲山中義旅詩

其一

跋予貔虎眾一旦化蟲沙暮氣謀難輯驚師勢易形
連山都剗壘瀕海盡浮家鼉島虛藩衛愁心繞翠華

其二

疊嶂盤雲迴應難東馬過關稀控弩截道怯撻戈
國恨穿齟少軍謀崩角多數天瞻盛舉銷隕可如何

其三

連營稱列郡張翁日續紛坐怯乘墉寇終殲伏莽羣
盤桓先自老遵養倏成焚將略無黃石輿情負望雲
槩菴曰己庚之際山師大起浙東郡邑城二十里外
官府不得爲政而海上王平西之名亦震口當是時
山海一心禍患共救清攻山寨則海師趨要害以牽
制之清謀行朝則山中義旅拮於腹背清亦無如之

靈交李正氣錄

卷八

十四

明叢書
約園刊本

何而乃自相猜併視同路人致清得肆志殲夷藩籬
盡撤不亦惜哉嗟乎時無英雄不能起而一之耳宋
宗澤之守中州也能使盜賊盡爲我用况皆同志者
乎先是行朝分使使山寨授官蕭山石仲芳會稽王
化龍陳天樞台州俞國望金湯奉化吳明奎鄞徐明
珂皆將軍四明山馮京第右僉都御史而翊則河南
道監察御史時有奏言臣觀諸營長文則自稱都御
史侍郎武則自稱將軍都督未有三品下者上嘉其
慕義亦遂因而命之惟王翊不自張大使者頒書授

以御史御史在承平固爲顯官然其號令不可行之
侍郎都御史諸營或不及翊一部故諸營長於王翊
若小侯之有大國自今以後若諸營長事翊如故時
則無貴王命使翊之令不行於諸營將山中自此多
故方今草昧事多假借慎重名器不宜獨自王翊一
人大學士劉沂春禮部尙書吳鍾巒皆以爲然定西
侯張名振持之不肯下初諸營長迎表皆因名振以
達惟翊不關名振名振怨之後沂春亦與名振不合
返閩而以張肯堂爲大學士

江南不寧清朝患之其撫臣馬國柱欲自以爲功嘗
以語其客其客與所善會稽人嚴我公謀之我公曰
此我取通侯之一時也清之用兵於江南爲最後使
我得見於撫軍吾得山海要領能以口舌下之乃僞
爲告身銀印曰吾監國之都御史也因客以見國柱
因國柱見順治主我公大言撼之曰陛下以江南爲
一方之事與厓山未覆大元不書正統臣尙未見陛
下之有天下也曩者臣在海上諸營長故臣之屬吏
臣苟得奉明詔開以丹書之信江南之患可刻日而

定也順治大悅以我公爲招撫都御史詔山海之師解甲降復其位視嚴我公然我公故未嘗爲山海之帥所識第使人走諸營告曰我公之所以爲此者其心蓋有爲也公等第令出而歸我我分置逆都大邑搖手而江南舉矣不若公等所爲勞而無功於是諸帥多惑其說湖州柏襄甫會稽顧虎臣等皆降我公將渡海發使入四明山王翊之將黃中道曰嚴賊甘言聞我業已動搖山寨復可使之遠行在哉乃烹之然我公尙遣使至海蕩胡伯阮進謬爲應之要之以

寧文正公集

卷八

三六

明叢書
約園刊本

不便者數事我公繇是不得志而去我公後爲主事
權許雪關

傅鼎銓字維源號復菴撫州金谿人庚辰進士繇詞林起義兵思文皇帝改授監軍翰科今上陞兵部尙書督理核勦官義兵辛卯四月八日於福建建寧師敗被執死之

壽鑑案忠節錄作臨川人在封禁山兵潰走鉛山被執

四月八日張村被執

浴佛傳名日孤臣竭節時棘林墮德鳳猷狗獲靈旗斷首玉寧碎剖心山豈移爭留巾履在聊示漢官儀

破執過岑陽關

岑陽關外是吾鄉，賸有孤雲帶夕陽。
慷慨身誰憐馬革，吁嗟命自託羊腸。
悲看煙竹幽生泣，憤觸溪流響欲狂。
敗將不堪過故壘，行路難歌哀且長。

憶劍

陵社渾淪已八春，孤提一劍答君親。
丈夫有血終成碧，痛灑青編炤古人。

岑滿將繁我過高州索書作此并憶劍一詩示之
興亡底事發哀吟，氣黯南天瘴霧深。
可識文山堪百

雪交亭正氣錄

卷八

三七

四明叢書

約園刊本

世難爲弘範說丹心

廣信登舟

灑血登舟溫太真，如今舟繫一孤身。
因風遙向厓山祝，願赴澄波伴宋臣。

望一杯亭弔趙公汝愚

千載名輕酒一觴，孤肝慘淡弔斜陽。
如公共有三閭怨，媿殺他年趙子昂。

杜鵬

幾年帶血叫蒼天，日暮春殘隨草煙。
不信歸家能化

鶴化爲亡國苦唳鵲

誓舌

顧影蕭然衣櫛涼孤臣力竭告先皇祇存三寸常山
舌捫向章江鬪犬羊

弔家惕菴

諱雲龍口口進士隆
武丙戌殉難於閩

海濫人嗟保障功蒙塵萬馬慘嘶風吾兄斷舌奴寒
膽死後今無愧魯公

拒招降

滿撫夏一鳴檄臬司莊應會就獄中索手書招我揭

雪交亭正氣錄

卷八

壬子四明叢書

約園刊本

萬年督師張鳳山伯鎮且持赦款爲言余曰豈有己
不降而勸人降者乎卽引文山寫零丁洋詩絕張弘
範故事以絕之

禁林攀檻學龍逢歷落艱貞百六窮封齒釋顏誇盛
事椎秦死趙誓孤忠零丁不作招降字雪窖初無繫
帛鴻昏黑門頭甘鼎鑊歌聲變羽激西風

公爲史官
時何以建

言得罪故
首句云然

艾南英字千子東鄉人甲午舉人壽鏞案以下數傳原書不全未敢遽據他補

曾亨應號鳳山江西臨川人甲戌進士崇禎季年爲吏部郎

陳之鳳字孝威江西臨川人陳際泰之子

筆文亭正氣錄 卷八

三五四明叢書 約圖刊本

揭重熙字萬年號潛銘臨川人丁丑進士思文帝授以經理直省部院兵潰避於閩崇寧之外村久之其僕入城爲門者所詰遂知公處被逮殺於建寧西市壽鏞案忠節錄

作南街

吳廷猷字蓬菴南昌人兵部侍郎擁兵贛州之寧都師

潰死之

德宗揚州僧凡淮海舊臣有志興復者無不與之交監國在舟山時閒至吾郡蓋亦爲行朝而至也癸巳春一士人往訪之與談恢復事德宗初不與深言漸見士人情款甚篤遂稍稍洩其人去未幾遂捕德宗乃知爲清巡按微服往誘之也拷掠甚酷德宗至死不承決不及同事一人於是巡撫無所據而發禍遂解而德宗斃於杖下亡何而揚口義之獄興舊臣一時死者數十人

雪交亭正氣錄卷九

明鄭高宇泰彙菴撰

縣後學何樹崙附註

後學

馮貞羣
張壽鏞

補註

壬辰紀

原闕 壽鏞案諸家鈔
本均未錄無從校補

雪交亭正氣錄卷九

四明叢書
約園刊本

雪交亭正氣錄卷九

雪交亭正氣錄卷十

明鄭高字泰燧菴撰

縣後學何樹崑詩註

後學張壽鏞補註

癸巳紀

萬曰吉一類未攷其詳容續補之

萬曰吉

貞羣案萬曰吉余鵬翔二人又見卷十二附紀

楊卓然

朱昇

明詩綜有朱口升字君旭淮安山陽人崇禎癸未進士按此作昇蓋日升二字誤併爲一字也

余鵬翔

癸巳三月十九日吳偉業梅村主盟設讌訂十郡詩
文大社於虎邱山寺有僧投詩一首諸公覽詩低徊
久之不終席而散其詩云

十郡名賢請自思相逢若箇是男兒鼎湖難挽龍髯
日駕水爭持牛耳時滴盡冬青徒有淚歌殘凝碧竟
無詩思陵麥飯誰澆處贏得闌堂酒滿卮

雪交亭正氣錄卷十

雪交亭正氣錄卷十一

明鄧高宇泰燧菴撰

縣後學何樹崙附註

後學馮貞泰張壽鏞補註

特紀

燧菴曰死事諸公而外又有任事之臣矢志報國首與清爲難然或積勞而死或以持正爲弁將傷害以及弁將互相戕殺者齎志而歿九泉未瞑不更悲乎于甚惜乎能錢諸公之不克竟其事也

雪交亭正氣錄卷十一

一四明叢書

約園刊本

熊汝霖字雨殷餘姚人丁丑進士授同安知縣遷戶科給事抗直敢言謂今日以情面賄賂斷送封疆二祖列宗飲泣地下降福建按察司主事弘光立復補原官是時四鎮以迎立功逼處淮揚朝臣莫敢議其進退左都御史劉宗周言劉澤清高傑之棄淮北可斬也澤清遣刺客刺宗周刺者不忍而去汝霖獨論之曰一鎮之餉多至六十萬勢必不供卽倣古藩鎮法亦當大河以北開屯設府永此帶礪曾奧窔之內遽以藩鎮視之乎已而爭阮大鍼之用其議論皆不合遂歸清南下浙汝霖

入首欲發羅木營兵以拒之不得劉宗周將死念諸人悠悠無可與計事者獨以建義屬之汝霖汝霖聚兵又不得孫嘉績既起兵餘姚汝霖始出領兵渡海寧血戰三晝夜敗歸監國加兵部左侍郎右僉都御史汝霖雖不知兵然趨死不顧利害三吳之豪傑欲爲應者皆因汝霖而來監國元年加東閣大學士錢塘江失守收殘卒百餘人由小疊入海從亡至閩閩之諸鎮鄭彩以商船爲事惟閩安伯周瑞勇敢可任汝霖批答多右瑞而左彩彩積恨之已而彩與義興伯鄭遵謙交惡監國次

閩安鎮從亡諸臣之室俱保琅琦彩裨將李茂守琅琦汝霖奴子與茂口角戊子正月望汝霖自監國所洗沐熊鄭兩家以簪瑱相問遺茂奔告彩彩疑熊鄭之合而圖己也授意其下殺之

壽編案罪性錄作崇禎辛未進士

鄭遵謙字履公餘姚臨山衛人父之尹按察僉事遵謙少喜任俠不爲繩墨之士所理南京陷諸臣皆棄弘光而逃馬上英至浙閩人屈尙志至越劉宗周曰凡逃官皆可斬也於是守道于穎繫尙志遵謙出而毆殺之曰此劉先生之命也通叛張慄以城降清卽以慄守紹興

又別選彭萬里爲會稽知縣遵謙建義皆報之云故所知少年得數千人以應孫嘉績時乙酉六月十二日也先是知府王期昇夢有持刺謁者寤而記其姓殷以問推官陳子龍子龍曰此會稽守殷通也君夢見之越亂兆矣自遵謙斬懷而夢驗浙東失守遵謙渡海依鄭彩彩以同姓弟畜之使領陸兵於牛网海中洋船皆統於彩遵謙強取二船資萬計繇此交惡遵謙爲人疏誕不能慮患熊雨殷見殺復不祕其辭色彩於是詐朴其部將吳輝輝扶傷就遵謙欲得書投鄭鴻遠謙入輝舡送

之被擒輝難於見遵謙伏艙底不出遵謙呼曰汝鄭彩廝養殺我豈出汝意而相避乎輝出遵謙乞隻雞孟酒哭奠雨殷旣畢蹈海死金四姐者遵謙之妾故娼也嘗笞殺其侍婢王氏諸不理遵謙者必欲致四姐於獄遵謙以千金脫之遵謙死四姐束草象彩每饋食斬草人以侑彩聞之沈四姐海中

壽甯案忠節錄罪
惟錄皆作會稽人

起義檄

失

孫嘉績字碩膚餘姚人五世祖巡撫江西右副都御史
燧死寧王之難祖如游大學士公舉崇禎丁丑進士授
南京主事改北兵部十一年北兵薄都城紮營不動舉
國莫測其謀公曰此易知耳待後虜入卽南下耳當急
擊勿失兵部尙書楊嗣昌曰奴已傾巢而入安得復有
後虜越三日虜果挾西虜五六萬從青山口入卽南下
於是嗣昌以公爲知兵越次遷職方郎中時總督盧象

昇聞人高起潛分辦東西二路象昇主戰起潛陰與虜
和亡何象昇死於陣起潛自敘戰功求世蔭公奏寢之
毅宗曰御觀德殿閱軍器起潛能辨其良楛悅之起潛
乘閒讒公下獄十三年上怒侍讀學士黃道周廷杖之
昇入獄中一切裝齋藥物格不得入公撤臥具身起護
之道周少閒卽從之學易會諸生涂仲吉上書理道周
上益怒取道周自刑部入黃門獄雜治之諸與道周通
者概目爲黨人諸黨人多訐奏自脫公獨承獄中往來
狀周延儒再相事得解弘光時起補九江道未至而清

渡江矣及陷浙徽戶口冊籍餘姚知縣王曰俞棄城走
教諭王玄如迎降清卽以玄如爲知縣玄如發民爲馳
道扶役者役者反毆玄如公遂入縣朝鳴鐘鼓斬玄如
以徇遂起兵然公實不知兵以其權授之總兵王之仁
方國安浙東之事不能有所發舒監國加僉都御史久
之加文淵閣大學士錢塘失守渡海至舟山遂卒於道
隆觀初公丁丑計偕知縣梁佳植夢公擢第一已而不
驗及公葬舟山適當張信坊下張信者洪武時擢進士
第一者也嗚呼豈非天哉

錢肅樂字希聲鄞人丁丑進士授太倉知州遷刑部員
外郎清陷浙餘姚孫嘉績起義會稽鄭遵謙應之鄞諸
生華夏董志寧謀起事徧謁里紳無應者公時丁外艱
避亂山中夏等使人邀之卽入城招定海總兵王之仁
同盟里中有紳某寓書之仁謂寧郡滄瀆泚泚起自六
狂生需公以兵威脅之之仁至竟出其書眾大譁某以
捐餉丐免遂定盟監國進僉都御史初起兵時議以常

範昇之仁以新派義餉昇公而之仁之子鳴謙代其父
鎮定海侵義餉置公兵解時隆武詔至江上人議拒
之公以爲彈丸之地不可再生內敵且今日之役俱爲
二祖所式憑何得遂分彼此自此與諸人異議兵既解
進副都御史掌院事未幾江上各師皆潰入閩閩旋潰
監國至閩復從駕諸將以次復建寧邵武興化及諸州
邑進兵部尙書丁亥秋進攻福州福州外邑皆降軍聲
大振相持八十餘日城已垂陷而清總督張存仁率兵
至遂解圍去而所復郡邑悉復爲清有熊汝霖旣爲鄭
彩所害代汝霖爲大學士先是劉中藻起兵福安已攻
福寧州將破而清帥涂登華詣彩降彩使其私人守之
中藻不可於是與彩交惡時彩橫甚視諸大臣生死皆
出其手公惡之欲以中藻之力制彩密書與中藻約其
圖之反爲所得遂憂憤嘔血卒妻董氏次子俱先亡後
長子亦死無後自甲申以後所著詩甚多皆憂憤之詞
不能盡錄錄其做文山六歌

其一

我憶當年喪玉斗帝車失度東西走漁陽動地羯鼓

催京洛蒙塵花石蔽古來亡國痛以悲豈有明明若
我后先帝不得正其終諸臣何以辭厥咎而方于于
拜偽庭白馬金鞍腰紫綬嗚呼一歌兮天絕紐狂風
散野萬木吼

其二

我痛心兮不忍言京城馮馮高似天王師奚啻稱十
萬倉廩猶堪支一年胡爲格鬪只兩日干戈突脅至
尊前豺虎張口食人肉宮殿流血染爲川嗚呼再歌
兮心如煎大地蕩蕩生寒煙

壽鑑案續甬上音舊
詩突作逼染作汗

壽寧正氣錄 卷十一

七十四明叢書

約園刊本

其三

我朝忠厚立國只三百年來聖天子吾王憂亂乃有
今羣工養賊至於此賊徒轉號黑帝來妖言煽動蒼
天死百姓愚魯信爲然開門迎賊紛不已嗚呼三歌
兮憤恨起目決眦兮口嚼齒

其四

我思百姓雖愚魯胡爲見賊歌且舞牧守縱橫恣吞
噬猶如羔羊虎字乳堂上一怒羣卒趨千家萬家泣
如雨小民湯火無如何忍呼盜賊爲吾父嗚呼四歌

兮歌聲苦願下天耳與天語

其五

豈惟牧守競饕餮更有大者不敢說明珠瑾瓌羅光
輝黃金布地等一映以茲死黨滿要津國家大事盡
卷舌草野之臣知有今猶恃天子稱明哲嗚呼五歌
兮聲轉咽風捲寒雲來浙浙

其六

繇來堅忍生志節心似冰寒面似鐵朝歌暮舞成底
事骨脆不堪雨風折一朝地慘天無光蜂聲豺語遊

雲字正氣錄卷十一

八四明叢書

約園刊本

宮闕鬼斧白日鏡虛空片片墮地化爲血嗚呼六歌
兮歌正闕佇望我后重來掃妖孽

柴菴曰予昔濫竽郎署得以監軍奉錢先生頗悉軍
中纖細已而先生解師予亦奉命回署旋以使事歸
而先生卽屣蹕入閩自是音儀永隔聞其以一旅恢
復數郡終以孤軍不能成功復受驕弁之厄疇昔同
志相繼傷陷幽憤嘔血齋志以歿今寄一抔於寒波
荒浦之上忠懷盡膈無有能道之者予也心念舊恩
能不惻惻以悲者乎倣曹植謁帝承明廬作以寄怨

焉寄錦案續甬上耆舊詩道之者作葬之者以悲者乎作而悲乎怨作思

其一

昊天敷疾威誼士悲素襟丁辰旣已睽歧迕恆相尋
風塵摧蕙質道懷終自任忠信出波濤哀哉憂患深

其二

憂患聯沈躡機牙不一愕以君鸞鷲心睨彼鴟鵂目
伊昔委佩儔同心貽國惡捉節摧羲輪敬情抗崇岳
小臣伏苦次天崩哀眾諾

其三

齊安亭正氣錄卷十一
九四明徵書
約園刊本
眾諾弛天誼吁何維繫之損命非刀爰惟在肝膈隳
強節不可却時勢胡其違嗟彼同裳侶寧爲攘袂期
紛駭不自謀咄喑以流悲

其四

流悲皇路邈煙霧傾以殘東道東海隅踏思渺靡鷲
夫何咫尺壤虎兕夾兩轅蠻觸徒自恥丹石豈所讓
揮涕稱主臣微才奚足言

其五

君才豈不偉鬱紆不自咎旣惻稽山靈復清閩江水

鍛羽又厲征涸鬻更騰舉孤旅豈山塹數奇非身否
排山力已施成敗無閒視知音苟不存已矣何所指

其六

所指惟白水潔志供明禋履塗日顛越空山虎豹嘖
四顧曩昔侶嗟哉罹咎良莽薄悲萎蕙麋阱見唬磨
倡義登禍機憂傷能久振日匿不可挽志士歸長筵

其七

長筵惟斂恨婦孺皆羈殞親戚既已離知交寧復問
天道乖報施人情奚協順抔土寄遐原霜露疇酢獻

爭李正氣錄

卷十一

十四朝叢書

約園刊本

夢寐縈素誌臨風寄哀怨

壽鏞案以上七詩較續雨上香齋詩原鈔爲勝今多

之仍

翟獬字去文江寧諸生家貧嗜古平生矜氣節矯矯自
好乙酉清陷南都薙髮令下獬棄家長往往來休歛閒
復入閩以悲憤卒時唐王初卽位贈獬官待詔贈二十
金葬之上親題其墓表曰生嚴君臣之分死峻華夷之
防有悲憤詩十八首

今存六首

偶然相許賦同情躡屣拋家六月行最是牽情兒女
語掉頭揮去淚縱橫

自註王所公初不相識以同死國難定交

爲絕風塵計已遲
扁舟飄泊定何之
秣陵多少衣冠
族生翦頭毛怕別離

荒遯聊攜藥滿囊
葛巾布襪累行藏
都門回首身如
葉道路應添白髮長

千里雲山裏客愁
犬羊相聚幾時休
新安見說多奇
士風節應寒公與侯

薄醉無嗟行路難
中朝錢趙負衣冠
胡兒可是輕南
牧一夜腥吹白日殘

憶昔荒臺對濁醪
金元遺恨激蓬蒿
到來意氣銷流

襄寧王集

卷十一

十一四明叢書

約園刊本

水負國真成是我曹

馬思理字環初長樂人
壬戌進士崇禎時戶科給事中
坐黃道周黨下獄隆武時起用
升禮部侍郎加尙書監
國入閩召拜大學士卒於沙堤舟中

顧錫疇字九疇崑山人乙未進士弘光時起禮部尙書
奉使祀海南都陷起義於台州練鄉勇監國至紹興以
宮眷駐台重託之也時諸生與兵角公杖兵以安諸生
兵亂遂遇害而予友人爲子言九疇於乙酉冬入閩事
隆武皇帝晉宮保賜劍自請勦撫留京歸而宿溫州城
外江心寺暮夜有盜入臥內陰賊之父予俱被害戎曰
盜妄意其囊中或曰誠意伯劉孔炤與之有隙遺刺之
也予友曾事隆武其言應不謬然則前說非也而又有
言台有東湖樵夫亭爲靖難時忠臣死所公墓其處居
之遂死是烏備識之以俟攷

卷十一

十一

十二四期叢書

約園刊本

劉誠意標下將胡來貢姚永昌亂兵入寺焚劫遂父

子遇害時丙戌九月十五日也

附註

李長倩字維曼興化人甲戌進士初爲歸安令隆武時
進戶部侍郎以勞瘁卒

黃斌卿字明輔號虎癡興化衛人初爲舟山參將弘光
時命守鎮江南都陷歸事隆武封肅虜伯給餉銀萬兩

發九舶仍守舟山以窺浙直及浙東陷斌卿保塢自募不欲奉監國入城分其兵賦於是隆武崩四年猶稱隆武五年先是張名振從崇明敗歸殘破之餘斌卿每事侮之雖結婚姻而意相猜忌名振將阮進於清初渡錢塘時張國柱欲圖舟山斌卿力不能敵告急於名振名振救之進以四舸衝國柱大破之國柱遁挾監國元妃世子以降清至是進扈監國至健跳所軍中乏食進念保舟山之力以百艘泊舟山告急總制尙書張肯堂謂斌卿曰上飄泊海中公宜奔問進之請不當違也不聽

於是名振阮進皆因王朝先以謀斌卿朝先自出海斌卿強使出其部下三年之間未嘗任之以事朝先鬱鬱請徇邊海至鹿頸四五月而致萬人邊海皆賦其軍斌卿又使其私人以奪朝先之賦朝先恨之有黃大振者故閩盜也劫商船得金數萬分饋斌卿不饜大振懼誅亡抵朝先朝先之帑寄舟山大振僞使人以漁舟報朝先曰威虜以某日盡殺平西之子矣朝先遂與名振進合兵攻舟山斌卿與二女皆赴水死而清帥聞之相慶也

士朝先字紹字四川土司人也自言爲童子時已結無賴者會有大姓挾其同伍童子朝先夜緣其屋發瓦抽椽放野蜂數百螫之天啓間調土司兵從征朝先因至寨上立戰功弘光卽位以參將隸黃蜚部蜚死航海至浙東時錢塘江上各營兵賦已定朝先自以老將不肯出方國安王之仁下掛平西將軍印率水師從海道西征因修舡駐寧郡江邊數月不發清兵渡錢塘同王之仁出海黃斌卿遣將迎之實將不利於朝先朝先覺退走追及獲之及四舟朝先子遂投海死朝先易卒服見

斌卿斌卿爲叱執者下階禮之遂隱忍居其下踰三年無所事事朝先欲借樓舡數百截揚子江以遏清運道斌卿不許後至鹿頸自爲一軍與張名振阮進兵襲破斌卿進收其水師朝先得陸兵二千餘人軍資甲杖一不以賦名振嫌隙遂成監國進封爲平西伯是時名振治兵於南田朝先居守朝先不虞名振之圖己也士卒散遣名振率兵襲其營時尙曉朝先出不意倉皇走張肯堂家匿於樓上肯堂不暇櫛盥入監國宮將爲解紛頃之名振兵至肯堂家朝先下關狹巷聞殺數人脅被

刺死朝先雄武爲清所忌其部將涂登華張濟明呂廷
詔等逃降□□告之虛實而清遂決意舟山矣

楊國柱字叔堅號扶寰陝西涇陽人萬曆癸丑進士官
副使賊陷關中遂黃冠遠舉往來太白諸山非外人
不得遇至今莫知其隱處行迹所至題詩滿壁

山中聞王葵生先生不食死

突使賊兵犯雍州紛紛忍作匪人儔一時顧盼無顏

事本正氣錄

卷十一

十五

四明叢書

約園刊本

色千載分明判濁流已料黃臺瓜抱蔓誰憐青口粒
全休首陽先後俱同餓應有芳名向日流

石籙字映崑陝西三原人賊陷關中至京上恢復三策
不報痛哭出都門北京陷鬱鬱抱恨而死乃三秦一節
士也

雜詩

其一

從來趙括易言兵寇盜於今盡據城幾點烽煙銷漠
壘萬家風雨泣長平將軍格鬪徒持戟文士空談欲

噉名密通晉陽憂不細誰能先立亞夫營

其二

手排雲氣謁青旻閭闔門前虎豹蹲直節何時酬古
道危言先已見疑人春風習習海北而好雨醺醺墊
角巾數欲請纓還自笑書生夢到麒麟

其三

西京文字託幽深仙掌垂旒橫玉簪詞賦幾人凌八
代畫師原是重千金滹沱河畔濃陰合萬壑山前曉
月沈彩筆欲投良可惜從容抱膝續高吟

雪交亭正氣錄卷十二

明鄭高字泰槩菴撰

縣後學何樹齋附註

後學馮貞章
張壽鏞補註

附紀

槩菴曰嗚呼小人之轍迹豈有窮哉方洪承疇之沒於陳也先皇帝以其死事望空而祭之矣抑豈料其傾覆中國夷滅陵寢哉斯又出於宋劉炎諸人之外也若夫始雖降附繼則奮然而興志圖反正不惜肝腦塗地以從之若家之犬不食承疇之肉矣壯夫之日月晦而復明義士之乾坤冥而復闢易所稱不遠之復也

吳勝兆字□□□人貞羣案陳忠裕公年譜稱勝兆遼人爲清守松江

有思漢之心吳中豪傑欲因以爲功於是相聚其幕中爲之計畫而以招撫之名內結太湖蕪旅戴之後周天□陸同等外求援於海上兵部尙書陳子龍蠟書至黃斌卿斌卿猶豫不敢應張名振以其兵就約時斌卿逆爵爲威虜侯其肅虜伯印猶在名振請得之齎使者以

拜勝兆期四月十二日渡海勝兆之聚謀者既以人人
以事成在旦夕遂肆言無隱而所招義旅又不就束約
欲凌清卒出其上清卒恨之其未經招撫者亦不忌清
而暱就之清捕之於勝兆勝兆無以自解竟斧質以徇
義旅乃或勝兆中變名振渡海至崇明沙颶風悔嘯樓
舡自相激撞飄沒者十八九軍資器械俱盡名振與翰
林張煌言御史馮京第單舸脫走而右都御史沈廷揚
被獲勝兆因海上之失約區擘無序義旅遂劫勝兆斬
清官之在松者而勝兆之部曲既與義旅異志又不見

海上兵視湖中所招其力易制於是勝兆中軍詹某以
勝兆之命召義旅入次第斬之勝兆未知已而縛勝兆

一曰爲標將

口口

貞羣案江南通志鎮守江南江寧等處
高永義所約口口處滿州將軍巴山滿州人據此兩方

空當爲建虜也

巴山陳錦雜治其獄誅戴武功吳鴻欽浩張謝

石喬壇侯美漢等三十三人所連染者復數百人時楊
鍾之子之易爲松江同知勝兆殺之楊呼曰父忠於明
我忠於清夫復何憾之易卽烈宗授以門蔭以恤漣節
者也

金聲桓者

遼東東寧衛人世襲前軍都督僉事鎮守徐州漕運總兵

故楚帥左良玉

之部將也良玉病死子夢庚降附使聲桓統其軍大學士黃道周出江西乃陽爲送款而使別將張天祿襲之道周被執絲是得鎮江西丁亥監國復閩數郡時朝廷調各省之兵復陷其地聲桓之力居多督撫以聲桓降將故輕之從之取賄不得聲桓私居常改胡服於是督撫上變言聲桓謀反聲桓使人竄之中途得其書乃置酒召督撫以書示之督撫失色遂斬之奉永曆正朔受魯豫國公江西郡縣皆定當是時南都震動以爲聲桓旦夕且下清官檄擬附之而清之守贛者不從聲桓欲

書交李正氣錄

卷十二

三

四明叢書
約園刊本

攻之守贛者曰吾不動以待汝汝得南都則吾以贛下乃爲聲桓之謀者以寧庶人之敗急於順流故使新建得制其後聲桓遂急攻贛守愈堅各省之援兵大集聲桓困乏數月食盡部曲斬聲桓以降今上贈聲桓鄂王其同事王得二號靜寰贈康國公

初監國恢問數部聲桓遣郭天才援閩天才與偽撫佟國勳有隙遂降監國封爲忠勤伯後聲桓反正天才乃返江西

附註

疑菴曰成敗之故豈能逆觀哉向使聲桓不奉眾人

之說無反顧之慮急於順流以取南京守贛者亦卽以兵下聲桓亦未見其功之能就也蓋天之授清迄今猶然矣然未有若此之□□令人悒悒而悲其拙也

李魁□□□人吳勝兆標將事敗爲同官所殺屍立四日夜不仆顏色如生

李成棟陝西人爲清取廣其反正也以戊子四月其明年三月敗死初成棟以丁亥二月收繳兩廣官印文武小大可五十餘顆於中取制臺印藏之一愛交知其意

重刊正氣錄 卷十二

四內同水書
約同刊本

因朝夕愆愆成棟撫凡曰憐此雲開眷屬也妾曰我敢獨富貴乎先死君前以成君子之志遂自刎成棟撫尸大哭曰是矣明日卽衣冠將制臺印具疏遣洪天擢潘曾瑾李綺三人齋奏今上初上在桂林以永成伯霍中允之亂奔南寧中允素凶狡戊子二月廿三夜二鼓忽入宮劫上寢中置之城外苛逼諸臣財物歷一晝夜盡驅城內官兵眷屬纒颺去上幸無傷錦衣馬吉翔備布袍竹轎而行未幾成棟奏至請駕蹕端州八月上至端州成棟迎於百里外上慰勞備至事無巨細必白成棟

而後行居十日成棟卽上南雄欲下贛州面奏上曰南
雄以下事諸臣任之庾闕以外事臣獨肩之一言竟去
李元胤者成棟養子本姓賈河南人留端州守家元胤
爲人率意自如自矜爲反正功臣十月奉成棟密計殺
佟養甲於德慶道上益驕縱不可制而天擢爲吏部侍
郎曾璋爲大理卿綺爲學道三人皆成棟親愛者也後
上贈成棟寧夏王成棟旣死之二月張獻忠養子孫可
望自雲南遣人獻南金及馬請封

謹案此篇脫略罣漏疑有關文姑仍原本錄之以俟

皇朝正氣錄

卷十二

五四明藏書

約園刊本

博雅君子採擇焉

何樹倚
附識

王光恩字守宇陝西人初爲流寇號花關索庚辰歲入
蜀大擾其明年家君自長沙遷鄖憲光恩已聽招是時
鄖城屢被賊兵少不能支自家君至多招降賊以恩義
結之卽與其守於是其弟光泰因其兄來言願悉眾來
降光泰所謂搖天動者是也又有上天王苗時化亦自
賊至並驍勇善戰相與守鄖壬午秋口據荆襄聲援皆
絕朝廷皆以鄖地久沒於賊後先帝知尙堅守乃遷知
府徐起元爲鄖撫家君爲陝撫歲餘始有傳至鄖者時

陝盡爲賊巢陝鎮孫守法以一旅營山中聞家君新命大喜卽至鄖邀其入陝時南都已立新君一年矣而鄖尙未知也甫至陝界一日而吳三桂引北兵自西安至賊敗卒走向鄖北兵急追之家君尙以爲三桂擊賊使使以書往三桂引見使者指其項曰吾已胡服矣於是始知北都之變家君遽散兵隻身返鄖退而耕於野起元旣爲巡撫以光恩爲中軍至是降然光恩心不忘明屢爲家君言未嘗不至於拊膺也北軍有失利事輒馳以告其明年三月吳楚路通家君將東歸光恩置酒款

歔泣數行下起而曰高恩主閩公有老親在故光恩聽公去耳鄖陽舊部曲我公數年心血所在公獨無意乎常是時鄖城困疲已極時化又同鄖各帥共入燕事無可爲家君默然已而徐以言諷之示以持久觀變之意而光恩性素靈戾旣降嘗與督撫抗督撫不能容之且微窺其意之不固也遂譖之於朝家君至武昌聞有傳往逮光恩者家君曰噫鄖城自此有事矣遂以計擒光恩至鄖城殺之光泰時鎮襄陽遂起兵據鄖城殺守道劉開文及鄖縣知縣某等未幾終以勢孤爲清所破光

秦遂率殘卒入山

檄菴曰光恩旣降繼以逮死而得列於反止之後者不沒其志也光恩之降非其志乃心明室皎然不欺事雖未舉其爲清盡力驅除而後思反正者抑又不同矣昔宗汝霖之於中州蓋能用賊豪傑使皆應命光恩兄弟可不謂之豪傑與惜未究其用耳家君至今言光恩尙爲之歎歎不禁也

余鷗翔字誕北辰州人

傅節子曰明詩綜云余鷗翔字

進士除金溪知縣調遂溪入爲戶部主事歷員外郎以布政參議守徽寧道轉山東遷浙江按察使副使調山

東

卷十二

七十四明叢書

約園刊本

畫馬歌

此亦託馬以自況故應有後來一著

山人畫馬以意擬開毫宛轉伸素紙手腕強突臆副之須臾豪氣如泉起上瀟天房下八荒茲白乘黃一尺咫毛骨斑駁項尾異瘦小精悍疾如駛我皇廐馬十二閑圉人牧豎未敢齒日盡官芻粟一鍾渴飲御河千頃水有時立仗天子旁錦衣文繡渾身披仰鳴俯噴長跪謝當年伯樂曾知己一自鹽車上太行尾殘肘漬遭鞭箠至今灑汗白汗交旋恐逡巡過馬市

蒙恩聖主感生全嘗懷報稱無所以一朝疆場羽書
馳傳來關塞多封豕都尉亡胡驃騎老黃河汲斷馬
支壘天子有詔開天閉專命將軍乘駮駟養成駿骨
經多年得試縱橫當自喜日慘草木天地腥沙場飛
磧高壘坻奔騰汗血黑山紅一聲嘶落胡兒矢單于
授首功歸彼感君恩重爲君死

萬曰吉字允康黃州人

傅節子曰明詩綜云萬曰吉字允康黃州人崇禎庚辰進士崑

山知縣有東有堂詩四集

庚寅初夏

華文亭正氣錄

卷十二

八

四明叢書

約園刊本

風破長江日暮時蘆中屢變客星絲連年豺虎彭衙
道百口飢寒薦福碑大澤裘披霜雪老深山霧隱羽
毛遲盡將餘瀝酬童僕碧海蒼梧獨有思

賦得春城草木深

春靄依然城郭浮風煙何似舊神州鼎湖細雨悲龍
去茂苑繁花看鹿遊三戶僅存荒蔓合六朝如夢大
江流伯鸞宮闕長經眼不及文山一小樓

入閩

策蹇徘徊未忍行離離禾黍故宮情三山雨雪殘雙

闕五嶺荆榛蔽兩京
估客暮雲排鳥道
纍臣落日聽猿聲
共知險隘難方軌
孰遣天驕易漢旌

仙霞嶺

雄關千仞入雲端
鐵馬危如劍閣看
自撤六軍焚羽翼
長教百粵葬衣冠
功標銅柱蒼梧遠
賈道冰綃碧海寒
早識諸君無勝算
只應封爾一泥丸

追哭艾千子時二似斯駭斯騏扶襯歸里

膚髮臣無恙
朝廷事已非
斯文將墜地
先死亦知機
遺業驚殊域
孤魂戀舊畿
酸風吹劍水
丹旄暮雲飛

雪案正氣錄

卷十二

九四明叢書

約園刊本

蔣德璟字八公晉江人

蔣公之死未詳其實故錄其詩以俟攷

回音詩

逆浪推舡石
尤風急箭折
櫓傷進不盈尺
密棘棧棧
鬼無晝憚搏
人啖食不顧良
善夢御天庭
玄鶴無雲
披恩湛飲忘
何世民射荒
垂死痛猶呼
子腸斷絕絃
棄矢於野
邂逅天人紺
髮方瞳傳藥
一粒齏肉爲
輕風搖酒戰
心疑手亂坐
起念仇迷離
按劍厲風吹襟
獨立呻吟
籲天求理
遊雲凝陰
河竭水老
舟膠不行

眾夫邪許淺立經營短刀不平出室悲鳴方寸起岳
風雨向秦天尙授秦副車粼粼奮車狙擊百行無成
陰山慘巉蒼黑流雲寒日無陽悲風吹冰張弧惠好
相視鬼笑其尾垂垂躑躅不掉谷我前後不可顧聊
憂不自□□念狂騷駢枝蕤葉如與母絕披條尋根
氣血脈脈子規悲摧據垣夜啼□□鳥散無枝可依
青燐低昂如星巖天鬼嘯風悲枯草開煙鵬獵荒莽
免□投網就死未殊須臾之緩憂撐眼皆嗑嗑如措
坐起顛倒冰枕不支潦水湯湯舡遊樹巔羣鳥失棲

鳴鳴向天雛鷹乳虎難豢易怒養成羽毛噬臍貽誤
頽然積醒山沒足根繫石鳥羽坐取不升堅築河隄
不可以椎不懲蟻穴顛倒流魚池□畏影困鱗赭兮
奄忽水凝負冰圍圍探珠於山採玉於海岸谷變易
畛域未改山鬼市集吹陰陷日垂吻□人縱橫疾視
瓜牙相制勢等形埒虎豹共穴相視未呿仰不顧母
俯不顧子瘰頸滅頂馳走索死鳥集枯木雲集寒谷
嗷嗷哀鳴於何止宿落花依砌溼絮沾泥浪蕩囊葉
從風而靡熱則炙手寒則依冰據於蒺藜繫獨何以

行無轍迹心有廓輪明明如日清質獨文□□□□
□□□□□□□□□□□□□□□□□□□□
朝失足千古□□□□□□□□□□□□□□
增慨易捐城府難撤防維蓬萊仙山弱□□□□
儉求敵於掌攫□寸機箭中一點水得烏樂波瀾細
闊影形□□□□敢瀟沫智用者死其病不藥烏鰓
吐墨適以自賊覺觸在時情郵□□柳雨絲絲風花
片片

癸巳春分日題雪交亭正氣錄後

貞羣案此詩見續
甬上者舊詩茲據

雪交亭正氣錄

卷十二

十四明叢書

約園刊本

以補
之

國以一人存天柱地維以一人立處士之碑仆而
晉始亡南岳序立之人散而唐始亡西臺慟哭之
音歇而宋始亡死非徒死生非倖生其趨一也鮑
淵張先生海外所居有雪交亭卽義士蘇兆人死
所也予愛其語卽以名是集三閩有言安能以皓
皓之白受世俗之汶汶乎此所以寧赴長流而不
返也

歷盡嶽崎性不刊痛來劒戟未消癩寒窗寫就忠臣

譜付與奸雄掩面看

貞靈痛咽訴重元殺賊重來二十年雪恥直須今日
事願酬苦節樂堯天

蜀鵲啼恨徒虛語海鳥含冤亦寓詞厲鬼有靈應示
現胥潮空怒又奚爲

並是爺娘憐惜膚熱拋顛骨撒榛蕪人生尺寸皆知
養蜂蠶輕嘗亦愴呼

滴血非微結不窮波同天漢漾荒空先生名漢三千
丈浸沒華嵩最上峯

雲字正氣錄

卷十二

十四明藏書

約圖刊本

紅粉全身心更苦白衣報主氣尤強貞魂不逐腥塵
處鬼域何妨是首陽

莫浪指爲點鬼簿千年紙背恐應沈鏡前讀罷寒芸
靜夜半鶴鷗不敢吟

對此惺惺莫道好人人長樂老之徒誰爲惶恐灘聲
助只有嗚嗚山鷓鴣

嗟哉吾友痛多年幾度荒齋抱與眠刀底餘生渾似
昨爲君含淚寫遺編

捐軀報國恨猶生媿作知心血淚盈當日鉉翁身不

死南山應否許同盟

十載傷心一劍閒
麋荒鎬底鬼剜顏
不知今夕爲何夕
目眩神搖噴血間

邦家生色繇倫重
君子成名學問長
數葉墨痕長不死
誰非臣子細思量

明故兵部員外郎葉菴高公墓石表

全祖望

高公諱宇泰初字元發改字虞尊別字隱學晚年自署
宮山已而又署蕺菴浙之寧波府鄞縣人也陝西巡撫
兼制川北副都御史斗樞之子光祿寺署丞翹之孫廣
東肇慶知府萃之曾孫而宋儒萬竹先生元之之後都
御史以孤軍守鄖陽三禦闖賊語在姚江黃公所作志
銘公爲都御史長子負才名性地尤忠醇乙酉六月之
役都御史尙在軍而公輔錢忠介公起兵於鄞監國手
諭獎之以爲不媿江東喬木版授兵部郎綰武選尋以

葉菴正氣錄

論表

四明叢書
約園刊本

奉使過里門而江上陷其時都御史入陝陝已內附還
郎亦內附旁皇無之念光祿公尙在家閒道來歸而
海上諸公方思揮善揚之戈以挽落日句餘遺老呼吸
響應公父子輒豫之丙戌之冬蠟書自海上至謀者得
之公首被捕戊子之夏華王事洩再隨都御史囚繫辛
卯幾復株累僅而得脫壬寅之逮尤爲震撼雖幸得保
而家已被都御史諸弟斗權字辰四後改允權斗魁字旦中
皆遺民之苦節者時人并公稱爲四高公雖累遭困折
其於故國之感不少衰嘗自序曰在昔辛壬之歲里中

諸名士大會於南湖華王其執牛耳者而予亦以臥子先生所許濫竽其閒國難以來華王得追隨范倪諸老遊於虞淵而余覲顏視息雖鍵戶屏絕人事以期不負此初盟然以視亡友則可恥也志趣不齊苑枯隨之向之同社半已出山攘攘如也感惇面目守之亦希不可悼哉於是爲梓鄉耆會其豫選者甚嚴王水功林荔堂徐霜皋之徒僅九人焉嘗曰謝舉羽非易及矣然而月泉之集其其會之濫也得無有妄豫其中者乎惜不起而問之寅寅之在囚也終日鼓琴有仁和令者亦解人

事文正氣錄 墓表

一一

明徵書
約圖刊本

也以慮囚入聞琴聲而異之及見其壁上所題詩皆危言歎曰先生休矣顧左右曰爲我具酒饁來既至拉公飲風亭上公固辭令曰無傷也是日遂劇飲至漏下相與賦詩而別是後隔一日必至及公事解遣人謝之竟不往謁所著有雪交亭集雪交亭者張公肯堂翁洲所寓樹一梅一梨東西相接公愛之取以名其集蓋自甲申十九人以後分年爲死節諸公立傳而附詩文於末有敬止錄則甬上舊聞也考證最博如黃公林之譌黃姑林大禹廟之瀉謝女廟其後聞性道所改正者皆

本之公有肘柳集乃所作詩文諸種公生於某年某月某日宜人某氏葬於某鄉某原子某孫某其雪交集手稿予從陸披雲先生書庫得之而肘柳集亦尙存於家獨敬止錄殘斷不復傳公之太夫人黃氏先侍郎外女孫也故高氏於余家爲重表而先贈公兄弟以遺民尤相睦公之卒也墓上之文未備至是余始爲之銘其詞曰墓樹垂垂枝指南朱鳥集之聲喃喃有書早已出枯函有銘聊以昭幽潛

高武部字泰傳

見續甬上耆舊詩

全祖望

高字泰字元發一字隱學學者稱爲槩菴先生都御史
斗樞長子也少負志節雅與華先生過宜王先生石雁
善乙西南都敘都御史守鄖功蔭一子先生未及授官
而南都陷錢忠介公起兵先生請命於其大父盡輸家
所有以助軍乃以前蔭并敘贊義功超授尙書武部員
外郎參東江軍事丙戌奉使還里門而東江又陷先生
思泛海從故王以大父年邁不克乃日從事於田島之
音塵四方之士趨島上必以先生爲內主丙戌冬蠟書

雪來李正氣錄

傳

一四明叢書

約園刊本

不戒捕入獄同事者以賄出之丁亥都御史自鄖歸時
華王諸公方謀再舉兵先生與焉共議奉都御史以主
軍期有日矣降臣夫己氏發之於是父子並入獄是役
也岌岌不可得免而賓客又爲行賄於大將以免於是
先生之家盡落顧其志愈堅其節愈厲不以多難少隳
也先生旣往來海槎山寨間庚寅辛卯之交瀕死者又
數矣雖賴賓客游俠之力然亦徼天幸卒得生而都御
史二弟所謂辰四且中二先生者其年皆少於先生其
好義敦尙名節互相師友亦互相奔走救援以自完一

門遺民之盛爲東南所未有更十年爲壬寅島上降卒
入浙東漸以中土義士姓名告所連逮數十家而先生
爲之魁已而詩禍又起先生復豫焉於是長繫二年甫
出甲辰又逮入獄并錮都御史於私室而先生子奕宣
亦從入獄受繫時辰四爲都御史親橐餼而旦中所以
救先生者甚力然不得脫蒼水正命始漸緩次年賓客
卒以賄出之方事之殷先生在獄中彈琴賦詩說經不
改其素有仁和令者以慮囚至見而異之雨中使人載
酒相與共坐風波亭上留春次韻時以爲令亦賢者及
得出初無喜色浙東之人相與語曰是所謂大孟浪者
也嗣是山海始定小腆烽煙盡息先生雖終爲梗化之
頑而力無所施乃頽然自放與方外者遊先生素不飲
酒出獄後始學之遂稱酒人然其風格嗟峨不肯輕有
交接遺民中有晚節稍委蛇者輒絕之故其心知之契
王常博水功徐戶部我庸林評事荔堂周監軍自一毛
戶部象來而外無幾也嘗曰謝舉羽之爲人尙矣然吾
觀其主月泉吟社之席同社至二千餘人茲二千餘人
者能保無失行之士在其中是則可以已而不可已者也

夫以王炎午之末路尙有慚德況彼二千餘人者耶聞
者爲之悚然董給事幼安從亡先生匿其子士驥於家
撫之如子勉以大義晚年輯雪交亭正氣錄十六卷蓋
甲乙以來諸忠小傳也又與林評事輯甬上正氣錄八
卷別輯敬止錄四十卷則甬上文獻掌故所萃也又有
禮貫一書獄中所作也其詩曰野哭集懷遊集蓼圃集
知生閣集屏山集最後合之曰肘柳集嘗自言得年六
十當死及六十竟無恙次年戊午無疾而逝自東江建
國繼以翁洲又繼以林門吾鄉志士如雲然千磨百折
涉歷萬死未有如先生之困者而先生則曰吾心無日
不在牢獄中也蓋其倔強至死不變其可謂之大丈夫
矣先生古文最雄大略皆辨亡之筆思舊之音惜未見
其全集也

是書首尾剝落不全戾置書篋久矣辛亥夏五課徒之暇謀改錄之偶閱全吉士鮎埼亭集知是書曾經謝山先生手訂爰卽將先生所撰原序并墓志錄之并諸簡首原不分卷次分年爲紀惟壬辰無紀其中嵐蝕蠹傷浸漶模糊幾不可辨崙學識識陋何敢擅加參訂惟仍依其原本錄之而闕其蠹蝕者字畫卅劣深恐以魯魚亥豕見罪爰跋數語庶覽斯集者可無伏獵弄麀之訕也已成豐辛亥歲皋月望後八日甬上後學何樹崙謹跋并書

雲交亭正氣錄 何跋

一四明叢書
約園刊本

右雪交亭集十二卷明高宇泰撰宇泰字元發晚號榮
菴鄞縣人父斗樞官副都御史陝西巡撫宇泰仕監國
魯王官兵部武選司員外郎所著尙有敬止錄肘柳集
事蹟詳全氏祖望所撰墓表見鮎埼亭集其書蒼萃明
末忠臣義士烈女各立小傳詳略不等按年分紀以殉
節先後爲序始於甲申訖於癸巳又以流離盡瘁賢志
以歿者爲特紀初曾迎降後仍效死者爲附紀并載諸
人遺著絕筆而當時同志哀輓之作亦閒及焉獨癸巳
紀祇署萬日吉楊卓然朱昇余鷗翔名氏注云萬日吉

雪交亭正氣錄

傳跋

一四明叢書

納園刊本

一類未攷其詳容續補之而於附紀末又列余萬一人
及蔣德璟行略詩什未免分隸不倫似宜稍加釐訂移
入癸巳紀中俾與上文連屬補所未備此本乃鄞縣黃
氏家藏今春從駿聲太守假讀以命侍史錄副用廣流
傳惜以鈔帙僅存從未墨版二百年來輾轉襲寫遂致
斷爛不全開卷自序卽首尾不具又缺壬辰紀一卷且
多空行殘篇加以繕寫草率每紀雖自爲一帙顧漏標
卷數洎撰人姓名此外錯簡亦復不少幸所采詩文往
往見諸各家本集據以校讎或刊誤或拾遺惟無別本

可證者仍付闕如他若篇目之混淆字句之顛倒罔勿
反覆細繹分別是正卽未能通體完善第較之原本則
大相逕庭已集末有感豐辛未甬上何樹崙跋各卷亦
閒附識語據何跋舊本原載墓表當是此本偶遺宜錄
鄞縣志人物傳一併增入庶後之讀者藉得攷見其行
誼云光緒丁酉天中節大興傳以禮節子氏識於三山
寓邸

據謝山槃菴高公墓石表公諱字泰初字元發改字虞
尊別字隱學晚年自署宮山已又署槃菴此書自序隘
夫又其別字也雪交亭集十二卷傳記之屬宜歸史部

續舊傳作雪交亭正氣錄十六卷稱名甚是

光緒鄧志藝文

歸史部而卷數不合全序稱分年爲紀然壬辰無紀癸巳

僅記萬曰吉等四人姓名注云未攷其詳容續補之則

似未完之書

癸巳紀錄席邱僧議吳梅村詩亦似不倫

此書末有何樹崙跋

語時在咸豐辛亥余見之先舅氏劉藝蘭先生所因勸

妹夫湯鴻九農部出貲借鈔分裝四冊時爲光緒壬午

雪交亭正氣錄

張跋

一四明叢書

約園刊本

今先舅氏藏書已歸天上農部歿亦十年矣孤甥峴亭
六月曝書檢以相示余方接訪吾鄉桑海掌故謀爲校
刻而海上二次革命烽火驚聞老眼摩挲憂亂彌甚癸
丑季夏蹇叟張美翊記

四明叢書

四明叢書
約園刊本